

Geoffrey Hamlyn

281
4-29

1907

04 NOV 2009

201
4-29



Ս. ԿԱՐԱԳԱԾԵԱՆԻ

ՁԱՅՆ ՌՈՒՍԻԱՅԻՑ

ԵՒ ՄԱՏՆԵՑԻՆ

ԵՒ ԱԲՍՈՐԵՑԻՆ

1907 թ. Ստաւրոպոլ—Ռուստով.



280
851-44

ՆՈՐ-ՆԱԻԻՋԵՒԱՆ
ՏՊԱՐԱՆ Ս. Յ. ԱՒԱԳԵԱՆՅԻ

Нахичевань на Дону
Тип. С. Я. Авакова

1907

857-44

505



Учительская Училища

(Священник Нерсес Артевциан)

Настоятель Θεодосійскихъ Армяно-Григоріанскихъ
Церквей.



3105 . 20. 13

281
4-29
w

Ս. ԿԱՐԱԳԱՅԵԱՆԻ

պ. Գ. Լեւոնյանի. 1 Նիկիտին:

ԶԱՅՆ ՌՈՒՍԻԱՅԻՑ

ԵՒ ՄԱՏՆԵՅԻՆ

ԵՒ ԱՔՍՈՐԵՅԻՆ



1005
20133

1907 թ. Անտրոպոլ-Ռուսոլ.



ՆՈՐ-ՆԱԻԻՋԵԻԱՆ
ՏՊԱՐԱՆ Ս. Յ. ԱԻՍԳԵԱՆՅԻ

Нахичевань на Дону
Тип. С. Я. Авакова

1907

21.03.2013

1002

ՀԱՅԱՍՏԱՆԻ ԱՍԿՐԻՄԵՆՏԱԿԱՆ ԿԵՆՏՐՈՆ

ՅԻՑԱՆ ԱՍԿՐԻՄԵՆՏԱԿԱՆ ԿԵՆՏՐՈՆ



ԿԻՆՏՐՈՆ


ԿԻՆՏՐՈՆ

1902 թ. հունվարի 10

Գրքոյկա նւիրում եմ այն արիասիրտ սուրբ ան-
ձանց յիշատակին, որոնք 1906 թ. ազատագրական
բուռն շարժման ընթացքում, «խղճի», «կեանքի»,
«գոյրի» և ազատութեան համար՝ սրի և «կարմիր-
զնտակի» բաժին եղան. և նոյնպէս նոցա, որոնք տա-
կաւին բանդերում մաշում են և տանջւում կարօտ
լոյսից...

Խորին ակնածութեամբ՝

Մ. ԿԱՐԱԳԱՇԵԱՆ.



ՀԱՅԱՍՏԱՆԻ ԱՍԿՐԻՄԵՆՏԱԿԱՆ ԿԵՆՏՐՈՆ
1902

ԸՆԹԵՐՅՈՂՆԵՐԻՆ.

Մի տարուց աւելի է, որ Ղրիմի պատմական Թէօօսիա քաղաքի հայ բնակչութիւնը՝ արեւոծւած զրութեան ներքոյ է:

Այնտեղ, տարիներ առաջ կատարել է սոսկալի գործեր և մինչև ց'օրս էլ շարունակուում են: Դա է «աղայ» հայ մարդկանց բռնութիւնները միջին և ստորին դասակարգի ժողովրդի վերաբերմամբ: Որ հայ բուրժուան մի զգալի շարիք է եղել Թէօօսիայում, սկզբից ց'ներկայս կեդրոնացնելով իւր ձեռքը ծխական ժողովրդի բոլոր իրաւունքները, տիրացել են եկեղեցիներին և եկեղեցական գոյքերին, առել են բարեգործական նպատակով եղած ընկերութիւնների սոսկ անւանական դեկը, կտակների գործադրութիւնը, այս բոլորը ընթերցողը կ'աեսնէ մեր այս փոքրիկ հրատարակութեան մէջ:

Դժգոհութեան կարիք չէր լինի, եթէ այդ հարուստները մի փոքր բարեխղճօրէն նայած լինէին իրենց առած պաշտօնների վերայ, և ինձ թւում է, որ հասարակական բողոքը՝ այնպիսի սուր և ուժեղ կերպարանք չէր ստանայ, ինչպէս նա տեղի ունեցաւ Հ. Ներսէս քահանայ Հերթեցեանի օրով:

Ափսոս, որ գոնէ Կովկասի պարբերական հայ մամուլը լուրջ ուշադրութիւն չ'դարձրեց Թէօօսիայում կատարուած իրողութեանց վերայ, որոնք գնւտ հասարակական բնաւորութիւն էին կրում: Եւ հ. Հերթեցեան՝ միայնակ մնում է հերոսական պայքարում ընդդէմ աղաների: Թերևս նա զգալի յաղթութիւն տարած կ'լինէր և հասած իւր նպատակին, եթէ արդեք չ'լինէր զինուորական զրութիւնը Թէօօսիայում,

որից յայանի կերպով օգտուեցին ոչ միայն աղաները, այլ նոյն իսկ «սևագլուխ» և «սևագործ» ապիկար հայ հոգևորականութիւնը:

Ներսէս քահանայ Հերթեցեանի փափագելի խընդիւնները եղած են սոքա:

Ն ա խ, ծխականների մէջ մտցնել ձայների հաւասար իրաւունք՝ առանց տարբերութեան հարստի և աղքատի:

Երկրորդ՝ ունենալ միջին և ստորին դասակարգի ծխականների զաւակների համար դպրոց, որից զուրկ է եղել Թէօդօսիան:

Երրորդ, ծխական հաստատութեանց գոյքերը, ինչպէս են, — եկեղեցական կալւածական և եկեղեցու անունով թողած կտակների գործադրութիւնը տալ հաւասարապէս թէ հարստից և թէ աշխատաւոր դասակարգից ընտրւած ներկայացուցիչների ձեռքը:

Չորրորդ, Ունենալ վերոյիշեալ ընկերութեանց և գումարների գործադրութեան համար կօնսոր:

Կարելի է երևակայել, որ Թէօդօսիայի հայոց թէ երեցփոխները, թէ Հ. Բէրբէրեանի 100000 (հարիւր հազարի) հասնող կտակի կտակարարները, Աղքատաց հոգաբարձութիւնը, Դպրոցական վարչութիւնը՝ տարիներ շարունակ հաշիւ չեն տուել ծխական ժողովին: Եւ ում ձեռքը ինչ որ անցել է, նա առանց քաշւելու, առանց խղճահարւելու ծախսել և փշաքրել է ժողովրդական այդ գումարները. և հէնց դրա համար է, որ Թէօդօսիայում հայերը զուրկ են դպրոցից՝ և չորս հին-օրերից մնացած եկեղեցիներն էլ զուրկ են բարեգարգութիւնից: Իսկ հ. Հերթեցեանի բոլոր ջանքերը և ցանկութիւնները յատուկ դրա համար է եղած, որի համար և ընտրւած է եղել: Սակայն այդ յարգելի գործիչը՝ իւր այդ բարեխիղճ վերաբերմունքի համար այնպիսի հալածանք, այնպիսի քսութիւնների և արտօրի ենթարկւեց թէ «ազաների» կողմից և թէ «ազաների» դաշնակից «բիւրօկրատ» թեմական իշխանութեան ձեռքից, որը որքան սոսկալի, այնքան

կատարեալ կերպով բնորոշեց այդ «բիւրօկրատները» էութիւնը, մարդակերութեան գործում:

Ուղիղ վաթսուն անգամ, շարունակ բողոքներ թէ հեռագրերով և թէ փոստով՝ Թէօդօսիայի տուժող դասից զրկւած են էջմիածին՝ ամենայն Հայոց կաթողիկոսին, Սինօզին՝ և Սինօզի պրօկուրօրին, բայց դարձեալ անուշադիր է մնացել Թէօդօսիայի զրկւած ժողովրդի՝ և հ. Հերթեցեանի բողոքը նրա համար, որովհետև Սինօզի անգամներից Նահապետեան եպիսկոպոս՝ Յուսիկ Չոհրաբեան՝ Բաբգէն Աղաւելեան վարդապետները՝ դրանց վերայ աւելանալով Բեսարաբիայի հայոց առաջնորդ Ն. Սուրբաբեկեան, «Դժոխք» մականուն ստացած Բենիկ վարդապետը՝ աղաների զբաղմունքի խաթեր համար հագար ժողովուրդ որ կոտորուելիս լինի՝ դոքա միմեանց դէմ ոչ բողոքներ՝ և ոչ էլ քննութիւններ կ'ըստնան:

Մենք ստիպուած չէինք լինի այս փոքրիկ աշխատութիւնը հրատարակելու, որովհետև «Մշակ օրաթերթը իւր մի քանի համարներում արդէն պարզել էր Թէօդօսիայում տեղի ունեցած զէպքերի մասին. և բարեխիղճ ընթերցողը, որը կարողացել է հասկանալ թէ ինչ է «բուրժուա» և «բիւրօկրատ» մարդը՝ անշուշտ նա կ'հասկանայ խնդրի էութիւնը:

Բայց ի նկատի առնելով, որ «խղճից» և մարդկային զգացմունքից զուրկ մարդիկ իւրեանց քսութիւններից և մասնութիւններից յետոյ ևս համարձակոււմ են խօսել արդարութեան և իրաւունքի մասին, մեղադրում են մի օրինակելի և անխարդախ գործիչ քահանայի, այս կամ այն «շախտ» Տարախչեանների, աղաների ոսկիներից կուրացած անբարեխիղճ քննիչ Բաբգէնների՝ և վերջապէս ամբողջ հայ աշխարհին յայտնի խառնակիչ և խարդախ Բենիկները ու ինչ որ բաղդախնդիր Պատայեան խայտառակւած քահանայի (Լուգանսկում և Ճալայում) զբաղարտութիւններով, ուստի որոշեցի դրանց զգուշի գործերը հրապարակ գնել հայ հասարակութեան առաջ, որպէս զի հայ հա-

սարակութիւնը վերջապէս ճանաչէ իւր օգտակար անդամին, զատելով ու զէն շարտելով նոյն իսկ «ծնընդեամբ և ծագմամբ» ստոր կեղծ հոգևորականներին, որոնք իրենց սև էութեամբ՝ ընդունակ են սոսկալի միջոցներով վնասելու անկեղծ գործիչներին:

Գրքոյկիս ցուցմունքները և փաստաթղթերը խընդրել եմ Արժանապատիւ Տ. Ներսէս քահանայից, օգտելով նաև «Մշակի» մերկացումներից: Իսկ գործի պատմութիւնը՝ այս 1906 թ. ամառը՝ լսել եմ Թէօ֊գօսիայում հայ և ռուս բանւորներից:

Մ. ԿԱՐԱԳԱՇԵԱՆ.

1907 II/18
Ռոստով Դ-վ.

ԳԼՈՒԽ ԱՌԱՋԻՆ.
(բովանդակութիւն)

Ներսէս քահանայ Հերթեցեանի միաձայն ընտրութիւնը Թէօգօսիայի հայերից: Երեցփոխ՝ Կ. Մ. Արութեանի գրաւոր դիմումը հ. Հերթեցեանին, Ղրիմի ս. Խաչի վանահայր Նահապետ վարդապետի միջամտութիւնը՝ և նամակը: Բեսսարաբիայի առաջնորդ Ն. Խուդավէրդեանի հակաժողովրդական վարմունքը քահանայի ընտրութեան գործում և ապա Ամենայն Հայոց Տ. Մկրտիչ Կաթողիկոսի միջամտութեամբ հ. Հերթեցեանի հաստատութիւնը:

Ա.

1904 թ. աշնանային ամիսներում վախճանւում է Թէօգօսիայի հայոց ծխատէր Մանգակունի քահանան: Ըստ երևոյթին, հանգուցեալ քահանայից Թէօգօսիայի հայերը այնքան էլ գոհ չեն եղած, քանի որ հանգուցեալը իւր կենդանութեան ժամանակ շարունակ ծառայելով այս կամ այն աղայի քմահաճոյքին, հասարակական օգտակար գործերը երեսի վերայ է մնացած եղել: Դրանից արդէն խրատւած, Թէօգօսիայի հայ հասարակութիւնը որոշում է ընտրել և ունենալ մշտական մի քահանայ, որը իւր կրթութեան հետ և ունենար եռանդ և գործունէութեան ոգի, և որ զբլխաւորն է, շիտակութիւն՝ աղքատի և հարստի մէջ տարբերութիւն չ'որոնող:

Այդ իսկ պատճառով, Թէօգօսիացիք 1904 թ. հոկտեմբերի 4-ի բազմամարդ ժողովով միաձայն ընտրում

են մշտական հովիւ Ներսէս քահանայ Հերթեցեանին,*) որ այդ ժամանակ հովուում էր Եկատերինօսլաւ նահանգի՝ Լուգանսկ քաղաքում՝ և ուր թէ տաղանդաւոր քարոզչութեամբ և թէ օրինակելի գործունէութեամբ յայտնի տեղ էր գրաւել:

Անա թէ ինչ էր գրել Թէօդօսիայի Հայոց եկեղեցիների երէցփոխ Կ. Մ. Արութեան հ. Հերթեցեանին՝ ընտրութիւնից յետոյ:—

«Արժանապատիւ Տ. Ներսէս քահանայ Հերթեցեան!»

Սրանով պատիւ ունիմ Ձեզ յայտնելու, որ քաղաքի քահանայական հարցն, որ քանի օրեր է ի վեր սուր կերպարանք էր ստացած, թէև քանիցս միմեանց թղթակցութեամբ երկու կողմանս էլ յօժար թւեցաւ, թէև ս. Առաջնորդից թոյլաւորութիւն խնդրեցինք Ձեր առ ժամանակեայ Թէօդօսիա գալու համար, թէև՝ առաջնորդը մերժեց, բայց ձեր ընտրելու փափագը էր իմ՝ և բոլոր ժողովրդականաց, որոցմէ շատերն Ձեզ կ'ճանաչեն եղեր. ուստի ստիպեցին ՚ի ժողով գումարել և հարց վճռել»:

«Թէօդօսիայի քահանայութեան համար խնդիրներ

*) Ներսէս քահանայ Հերթեցեան ծնւած է 1874 թ. Երևանի նահանգի, Աղէքսանդրապօլի վիճակի Մահմուտջուղ գիւղի յայտնի Հերթեցեան-բաղամարդ (350 հոգի) ընտանիքում: Կրթութիւնն ստացել է Էջմիածնի հոգևոր Գէորգեան ձեմարանում, ուր ցոյց էր տալիս առանձին ընդունակութիւն դէպի բեմբասացութիւնը: Չորս տարի եղած է ուսուցիչ և ճանապարհորդած է Ռուսաստանի հարաւային մասերը: 1900 թ. ձեռնադրել է քահանայ Լուգանսկի հայերին հովուելու: Թէ աշխարհական և թէ հոգևորական կոչման մէջ աշխատակցել է «Նոր-Դար» և «Մշակ» թերթերին: Յայտնի է որպէս հասուն և սուր գրչի տէր: 1904 թ. Ամենայն Հայոց Կաթողիկոսից պարգև է ստացել լանջախաչ իւր քարոզչութեան և գործունէութեան համար: 1906 թ. հ. Հերթեցեանի շնորհիւ Աղէքսանդրապօլի վիճակի Բուզ-գաշէնի 20 ամուր Ռուսացած հայեր վերստին մտնում են ի ձոց Մայր եկեղեցու: Տես «Մշակ» № 57, Ռուսացած հայերի մեղայականը:

և գրութիւններ կային հետեւեալ տեղերից և անձնաւորութիւններէ: 1) Կերչի ուսուցչէն, 2) Հին-Ղրիմի քահանայէն, 3) Սիմֆերօպօլի սարկաւազէն, 4) Օրբազարի քահանայէն, 5) Երեմ. քահանայ Ապրիլեանէն, 6) Սօլախեանէ և 7) Սիմ. Գրիկեանէ: Սակայն ամսոյս 4-ին, ընդհանուր ծխական ժողովը աչքի առաջ ունենալով խնդրատուների խնդիրները՝ և Ձեր նամակը, որով Դուք յայտնում էիք Ձեր համաձայնութիւնը, ժողովը միաձայն առանց այլ և այլութեան, ընտրեց Ձեզ հոգևոր հովիւ Թէօդօսիայի: Նոյն ժամուն պէտք էր տեսնել բոլոր ժողովրդի ուրախութիւնըն ու ջերմ ոգին դէպի իւր ապագայ գործիչը:

«Ահաւասիկ մենք սոյն փոստիւ՝ թէ մեր ընտրութեան գիրն՝ և թէ խնդիրն ուղարկեցինք սրբ. Առաջնորդին առ ՚ի հաստատութիւն: Հետեցեք, որպէս զի չարամիտ ստորագրեալները*), չ'յետաձգեն հաստատութեան գործը: Դուք ինչ լուր և պատասխան որ ստանաք նէ, շուտով մեզի տեղեկացուցէք, որ մենք ևս ըստ այնմ գործենք և անօրինեմք»:

Երեցփոխան Թէօդօսիայի՝ Կոստանդին Արութեան: 1904, հոկտեմբերի 4.

՚ի Թէօդօսիա:

Յիշեալ երեցփոխի գրութիւնից արդէն երևում էր, որ Բեսսարաբիայի թեմակալը համամիտ չէր և չէր ուզում, որ հ. Հերթեցեան լինէր քահանայ Թէօդօսիայում: Անշուշտ առաջնորդը սկզբից իւր թեկնածուն է ունեցել և գրա համար նա արգելում էր Հերթեցեան քահանային մտնելու Թէօդօսիա, լաւ գիտենալով որ նրանից յետոյ՝ ժողովուրդը հ. Հերթեցեանին ձեռքից բաց չէր թողնի:

Ընտրութեան թղթից յետոյ, հ. Հերթեցեան ստա-

*) Չարամիտ ակնարկը վերաբերում է Քիշնևի առաջնորդի ատենադպիր Կարապ. Յովհաննիսեանցին, որովհետև Արութեանը յիշելով այդ ատենադպրի մասին, որի հետ և ընդհարում է ունեցել կաշտօրի մասով, նրան համարում էր «կոպէկանոց մարդ» և չար մարդ: Ծանօթ. հեղինակի:

նում է Ղրիմի Ս. Սաչ վանքի վանահայր Նահապետ վարդապետ Նահապետեանից (յետոյ եպիսկոպոս, Սինոդի անդամ և ապա վախճանեց 1906 թ. նոյեմբեր ամսում) ստորև բերածս գրութիւնը:

«Սիրելի Տէր Ներսէս!

«Լսել եմ, որ ցանկանում ես Լուգանսկից տեղափոխուել Թէօդոսիա. բայց ես քեզ խորհուրդ չեմ տայ, որովհետև Լուգանսկի ժողովուրդը աւելի բարեպաշտ և արդիւնաւոր է, քան այս տակն ու վերայ եղած Թէօդոսիայի հայ բնակիչները, որոնք խորհացել են մայր եկեղեցուց: Իմ խորհուրդս է, ծանր տեղից չ'շարժուել»:

«Աղօթակից՝

Նահապետ վարդապետ»:

Նոկտեմբերի 10. 1904 թ.

ի վանս Ս. Սաչի (Ղրիմ):

Այս նամակից երկմտելով, հ. Հերթեցեան հեռագրում է թեմական առաջնորդին խնդրելով իրաւունք գնալու Թէօդոսիա և առ տեղեան ծանօթանալու ժողովրդի հետ: Առաջնորդը հեռագրով թոյլ է տալիս յուսալով, որ հ. Հերթեցեան կ'հանդիպի Ս. Սաչ Նահապետեան վարդապետին և Նահապետի խորհրդից գուրս չ'գալով՝ կ'հրատարել ընտրութիւնից:

Բայց թէ Նահապետեան՝ և թէ առաջնորդ Սուրբազանը իւրեանց ենթադրութեանց մէջ սխալուում են: Հայր Հերթեցեան Նոկտեմբերի 15-ին ուղևորում է Թէօդոսիա, 15 օր մնում է այնտեղ և լաւ ծանօթանալով ժողովրդի հետ՝ այնտեղից էլ գրում է իւր գրաւոր համաձայնութիւնը Թեմ. Առաջնորդին՝ խնդրելով հաստատութիւն: Այս դէպքում թէ առաջնորդը՝ և թէ Նահապետեան սկսում են աւելի յայտնի կերպով ցոյց տալ իրենց չ'կամութիւնը, ցանկանում են նոր ընտրութիւն Նահապետեանի նախագահութեամբ:

Ծխականները իսպառ մերժում են առաջնորդի գրաւոր դիմումը, ընդ միշտ հեռու մնալով կողմնակի

ազդեցութիւններից:

Նահապետեան տեսնելով, որ այդ կերպ էլ չ'աջողւեց իւր ծրագրի իրագործումը, սկսում է պղտորել ժողովրդականներից շատերի միտքը՝ աննպաստ լուրեր յօրինելով հ. Հերթեցեանի վերաբերմամբ: Սակայն Նահապետեանի երկդիմի կեղծ վարմունքը յայտնի էր բոլոր Թէօդոսիացիներին իւր նամակից յետոյ:

Եւ այս դէպքում, Նահապետեանի մոտաքը Թէօդոսիայի հայոց ծխական գործերում իսպառ արգելուում է: Բեսարաբիայի առաջնորդ Ներսէս արքեպիսկոպոսը խիստ դայրանում է Թէօդոսիացիների յանդուգն վարմունքի վերայ և աշխատում է ձգձգել հաստատութիւնը: Բայց ժողովրդի վերահաստեմբեամբ և դիմումով, Վեհափառ կաթողիկոսը հրամայում է հաստատել հ. Հերթեցեանին Թէօդոսիայի քահանայութեան պաշտօնում: 1904 թ. Նոյեմբերի 30 ստացւում է հաստատութիւնը՝ և հ. ն. Հերթեցեան տեղափոխուում է Լուգանսկից Թէօդոսիա:

Բ. ԳԼՈՒԽ.

(բովանդակութիւն).

Հայր Հերթեցեանի սիրալիբ ընդունելութիւնը Թէօդոսիայում և կեղրոնանալը իւր ծխական ներքին գործերում: Հայոց շորս եկեղեցիները անմխիթար վիճակը: Ծխական առաջին ժողով: Հարցեր. 1) Լսել բժշկական վկայականի հրամանը: 2) Ընտրել առժամանակեայ ծխական բժիշկ: 3) Գրագարան ընթերցարան ունենալու խնդիր: 4) Եկեղեցական աղքատաց հոգաբարձութեան կանոնագրքի փոփոխման հարց: 5) Ընտրել դպրոց. հոգաբարձուներ: 6) Ե՞րբ հնարաւոր է Պարսկահպատակների և տաճկահպատակների (հայերի) ամուսնութիւնը: 7) Տօն շնորհաւորէքը դարձնել կամաւոր ծէս: Ծխի իրաւասութեան խնդիր: Տարօրինակ ծխական դպրոց: Ուսուցիչ Մ. Տարախչեանի վատահամբաւ անունը: Հերթական խնդիր. — ազատել դպրոցը «հացկատակ» ուսուցչից:

* * *

Տէր Ներսէս Հերթեցեան քահանայի ընդունելութիւնը թէօղօսիայում, ամբողջ հայութեան կողմից լինում է շատ սիրալիր: Իբրև կրթւած և խոհուն քահանայ՝ հ. Հերթեցեան իւր այցելութեամբ ծանօթութիւն է կապում տեղական թէ՛ ուսումնական վարչութեան և թէ՛ ոստիկանութեան ներկայացուցիչներին: Յոյն, ուսու, կաթօլիկ, կարաիմ, հրէայ և թաթար հոգևորականներից առանձին, հ. Հերթեցեան այցելում է Յունաց, Ֆրանսիացուց, Անգլիացուց և Տաճկաց դեսպաններին, որոնցից և ստանում է անմիջապէս իւր փոխադարձ այցելութիւնը: Կեդրոնանալով արդէն իւր ծխական գործերում, հ. Հերթեցեան սկսում է գննել թէօղօսիայի հայոց հին-օրերից մնացած չորս եկեղեցիները, որոնց բարեգարգութիւնից մերկացած է գտնում: Իւր թեմական իշխանութեան տուած յայտարարութիւնից երևում է, որ յիշեալ եկեղեցիները գուրկ են եղել «կայից գոյից» ժապաւիտեալ մատեանից (инвентарная книга): Երեցփոխները քմահաճոյքով են կառավարել և հսկողութիւն տասած բանը՝ նոյն իսկ թեմական իշխանութեան կողմից ևս չէ եղել:

Մեր ձեռքը հասած առաջի ծխական ժողովի հրաւիրաթղթից երևում է, որ հ. Ներսէս 1904 թ. Դեկտեմբերի 26-ին տեղական «քայքայւած» մի դասեան զպրօցում ունեցել է առաջին ծխական ժողով՝ հետեւալ կարևոր խնդիրների նկատմամբ:

1) Լսել Բեսաարաբիայի հայոց Կօնստանտնուպօլիսի հրամանը՝ ամուսնացող զոյգերից բժշկական վկայական պահանջելու համար:

2) Ընտրել նոր հոգաբարձութիւն ծխ. գպրօցի համար:

3) Որոշել առժամանակեայ ծխական բժիշկ՝ թէ՛ պսակւողներին վկայական տալու՝ և թէ՛ աղքատ ընտանիքներին ամիսը մի անգամ այցելելու համար:

4) Ընտրել ձեռնհաս անձնաւորութիւններից մասնաժողով՝ ա. Սարգիս եկեղեցու աղքատաց հոգաբարձութեան կանոնադիրքը լրացնելու նոր յօդւածներով:

5) Գրադարան և ընթերցարան ունենալու խնդիր:

6) Ե՞րբ պէտք է ծխատէր քահանան տօն շնորհաւորէնքի գնայ:

7) Ի՞նչպիսի հանգամանքում կարող են Պարսկահայտակ նորեկ և Տաճկահայտակ հայերը՝ ամուսնանալ:

Վերոյիշեալ հարցերը ըստ կարգի՝ ի բաց առեալ 4-րդ հարցը, ծխական ժողովում վճռուում են: Հ. Հերթեցեան շատ հասկանալի կերպով բացատրած է բժշկական վկայականի անհրաժեշտութիւնը ամուսնացողների համար: Վարակիչ հիւանդութեանց մասին սքանչելի կերպով և բազմաթիւ օրինակներով բանախօսելուց յետոյ՝ յորդորած է ունկնդիրներին՝ լուրջ կերպով մտածելու այդ հիւանդութեան նկատմամբ:

Ժողովի նախագահ լինելով, հ. Հերթեցեան առաջարկում է ընտրել ծխական բժիշկ: Ծխականները ընտրում են փորձւած և յայտնի Յ. Ալեքսեւիչ բժշկին, որի մասին հայր նախագահը պաշտօնապէս յայտնում է և ստանում վերջինի համաձայնութիւնը գրաւոր, որով պ. Ալեքսեւիչը՝ յայտնում է իւր խորին շնորհակալութիւնը՝ և պատրաստականութիւնը: Ծխական բժշկի պարտականութիւնը կայացած է լինում նրանում, որ նա բարեխճաբար հետևելով պսակադրութեան առթիւ իրեն զիմոզ զոյգերի առողջութեան մանրագննին հետևողութեան, նա իւրաքանչիւր ամիս մի անգամ այցելելու է չքաւոր ընտանիքներին: Դրա փոխարէն ծուխը որոշում է, որ պսակւողները տան վարձ բժշկի 1 ըուբլուց ց'2-ը. և բացի բժիշկ Ալեքսեւիչից նորա ուրիշ բժշկի զիմելու չեն: Ծխական ժողովում խօսւում է նաև «ծխական» մանկաբարձու մասին, որոց համար բանաւոր կերպով որոշւում է տալ ոտճիկ: Բժշկին 1500 ըուբլի և բնա-

կարան, իսկ մանկաբարձուհուն 1200 ռուբլի՝ կողմնակի արդիւնքներով: Ըստ իս՝ այդ գեղեցիկ մտադրութիւնը Թէօդօսիայում կարող է իրականանալ, որովհետեւ եկեղեցական կալածքների և գումարների արդիւնքը տարբերոր հասնում է մօտ 6000-ի:

Հայր Հերթեցեան՝ «տօն-շնորհաւորէքի» մասին ղնում է մի կտրուկ պայման: Տօն շնորհաւորէքը, յարում է հ. Ներսէս, թէ դա եկեղեցական կանոնական ծէս չէ, որ քահանայք պարտաւորւած լինին այն կատարելու: Տօն շնորհաւորէքը՝ մասնաւոր յարգանք է աղօթանէր ցանկութիւններով: Ուստի՝ հ. Նախագահը առաջարկում է այդ սովորութիւնը դարձնել կամաւոր: Ինչ ժամանակ՝ և ով կ'կամենայ կատարել իւր տօնախմբութիւնը, կարող է կամ հրաւիրել քահանային և կամ ոչ: Քահանայք իրաւունք չպիտի համարեն իրենց առանց հրաւերքի ծանրանալու ժողովրդի վզին այնպէս՝ ինչպէս այդ սովորական ցաւ է դարձել Նոր-Նախիջևանի և շրջակայքի ժողովրդի համար: Հայր Նախագահը մատնանիշ է արել Ռոստովում հովուդ X և Ս, քահանաների անունները, որոնց խայտառակ գործերին՝ այն է «ձուկի» առևտրով խանութպանի խանութում, երբ տօնատէրը ձեռները ձիթոտ առևտրի հետ է եղած՝ քահանան տիրացուի հետ ծոցից հանելով խաչ ու նշխարը սկսել են աղօթանէր պաշտօն մատուցանել: Մխական ժողովը որոշում է դարձնել այդ սովորութիւնը կամաւոր: Այնուհետև ընթացիք առօրեայ գործերը աչալըջութեամբ առաջ տանելուց յետոյ հ. Հերթեցեան առանձնապէս կանգ է առնում դպրոցական խնդրի շուրջը, որը ժողովրդի հին ցաւերից մինն է լինում՝ և ծխական իրաւասութեան ու կտակներով թողած գումարների կանոնաւոր պահպանութեան և գործադրութեան շուրջը: Անձամբ ապահատես եմ եղած Թէօդօսիայի միդասեան ծխական դպրոցի շէնքը: Դա ոչ այլ ինչ է, բայց թէ մի մթերանոց: Մի սենեակ երկու բաժանմունքով: Ա.-Բ. բաժանմունքները միացած են: Այն նոյն սենեակում ուր

սովորում են պատանիք, նոյն այդ մի սենեակումն էլ դարսում են մի պատի տակ իրենց շորերը և ուտելիքները, իսկ միւս պատի տակ հանում են կրկնակօշիկները: Ուսուցչանոց ասած սենեակը՝ ինչպէս և իսկապէս ուսուցիչ ասած դ մարդը Թէօդօսիայում չէ եղել: Մ. Տարախչեան ազգանունով մի հիւանդոտ երիտասարդ թէ տիրացու էր՝ և թէ ուսուցիչ՝ և երբեմն էլ ժամակոչ, որը բացի աշակերտներին թափելուց՝ ուճիկների պատճառով դասերից զրկելուց մի առանձին գործ չէ ցոյց տուել. և չէ եղել մի օր, որ ծնողները դպրոցի դրանը ահագին դալմադալներ սարքած չեն եղել: Մինչև իսկ մի տիկին՝ մի փառաւոր ծեծ է տուել ուսուցիչ համարւած պարոնին զգալի կացուցանելու թէ ինչ կնշանակէ ծեծ տալ՝ և աշակերտներին դասից զրկել: Այս անորոշ դէպքը Թէօդօսիացիք յիշում են: Թէօդօսիացիք յիշում են նաև այն՝ թէ ինչպէս այդ ուսուցիչ պարոնը երգիչ աշակերտներին հասանելի փողը երեք հանգամանքում իւրացրել է, գողանալով նաև 1905 թ. տօնածառի անունով գումարած ստակի կէսը: Տարախչեանը՝ արգարև եղել է չափազանց աղքատ ուսուցիչ. մինչ այն աստիճան, որ աղքատներին փող բաժանելու օրը, յիշեալ պարոնն էլ է մուրացկանութեամբ պարապել՝ առնելով մի շնչին գումար: Այս հանգամանքում ես մեղադրում եմ դպրոցական վարիչներին, որոնք դպրոցը յանձնում են իւրաքանչիւր մի պատահական բաղդախնդիր անհատի, որոնք պատրաստականութիւն են յայտնել 200-300 ռ. ծառայութեամբ և վերջը իրենց շուրջ և զգւելի գործերի պատճառով դիմել են գողութեան և մուրացկանութեան:

Տարախչեանը լինելով պատահականներից մինը՝ ոչ թէ ազնիւ աղքատներից չէ եղել՝ այլ թէ սոսկալի տիպերից մէկն է հանդիսացել դա Թէօդօսիայում: Ազաների թոյլ կողմը աչքի առաջ ունենալով՝ Տարախչեան սկսել է պարապել «խօսք տանելով ու բերելով», որ մենք ասում ենք «շալիծնութիւն»:

Ցաւալի է և խակապէս խիստ ամաչելի, երբ կարգում ես մի ուսուցիչ անուն կրող մարդու մասին 1906 թ. № 33 «Մշակում» հետևեալը: «Վեցերորդ. Տարախչեան Մկրաչին՝ (ուսուցիչ) համարել բոլորովին արձակած իր թէ անընդունակութեան կողմից, որ նա փոխանակ դաստիարակելու մատաղ ուսանողներին, ընդհակառակը փչացրել է նրանց «ծեծելով» և թէ հասարակութեանս մէջ բռնեց որպէս «խօսք տանող բերող»:

(95 ստորագրութիւններ)

Այս որոշումը եղած է յունվարի 25-ին ծխական ժողովում, ուր նաև բողոքել են առաջնորդ Սուրբապետեանի բռնի արարմունքների դէմ: (Տես նոյն 33 համար «Մշակի»):

Մեր պատմութեան վերջում, ընթերցողը մի անգամ էլ անբողոքութիւն պիտի ունենայ յսելու այդ ողորմելի Տարախչեանի անունը և այն դէպքում արտաքուստ 112 հոգի ծխականների արտակարգ ժողով:

Գ. ԳԼՈՒԽ.

(բովանդակութիւն).

(Ժողովրդի գիտական շարժումը: Նօտար Մ. Չայցեանի վառնած եկեղեցական 3500 ռ. գումարը: Հ. Բէրբէրեանի 100000-ի հասնող կտակի գործադրութիւնը: Աղքատաց հոգաբարձութեան և երէցփոխ Ն. Սուբաշեանի հաշիւ չ'տալը: Նոր-Նախիջևանի և Բեսասարաբիայի Կոնսիստորիայի № 1465, 1905 թ. գրութիւնը: Աղաների բարկութիւնը և վրէժխնդրութիւնը հ. Հերթեցեանից: Սուբաշեան երէցփոխի ստորագրութիւններ կորզելը ժողովրդից ընդդէմ քահանայի: Սիմ. Չորայեանի նամակը՝ «Крымскій Вѣстникъ» թերթի № 8-ում: Աղաների «ուղերձը» հ. Հերթեցեանին: Կանոնաց ընկերութեան հիմնելը հ. Հերթեցեանի նախաձեռնութեամբ: 12 աղքատ աշակերտների խնամելը՝ և աղքատ օրիորդների կար ու ձևի դպրոց մտնելը: Զրպարտութիւն 289 ռուբլու մասին: Ստամբուլի ֆար-

բիկայում աշխատող բանւորների դրութեան թեթևացումը: Զրպարտութիւններ 7 կէտերում հ. Հերթեցեանի վերաբերմամբ Յակովբ Քէֆչեանի):

Ժողովուրդը սկսում է գիտակցօրէն նայել հասարակական խնդիրներին: Ուստի և հետզհետէ հրապարակ են գալիս ծածկւած հարցեր, որոց բացւելով ապացուցւում է թէ ինչեր են կատարել Թէօօսիայի խղճուկ հայկական կեանքում, շնորհիւ աղաների: Երեք տարի առաջ բոլորովին անիրաւացի կերպով ծախսուած 3500 ռուբլու հարցը, որը տեղական նօտար Մ. Գ. Չայցեան՝ իւր երէցփոխութեան օրով ծախսել էր հանգուցեալ «Մարինիստ» Յ. Այվազովսկու կտակով թողած անձեռնմխելի 50000 ռուբլուց, որի սօկոսիքն ստանում է Ս. Սարգիս եկեղեցին, նորից հրապարակ է գալիս՝ և դառնում ծխական ժողովի խնդիր:

Երկրորդ՝ հանգուցեալ Հ. Յ. Բէրբէրեանի 100000-ի հասնող կտակի թէ գործադրութիւնը՝ և թէ հաշւետուութիւնը, որ հակառակ կտակի տեղի է ունեցել շարունակ (12 տարի) միմիայն երկու եղբայր Ալթունձեանների, Յ. Սելինեանի և տիկին Բէրբէրեանի եղբայրներից մէկի գործադրութեամբ՝ առանց ընդհանուր ծխական ժողովի գիտութեան, այժմս դառնում է հերթական պահանջելի հարց, որով պ. պ. կտակարարներից պահանջւում է ըստ բառացի մտաց կտակի, տալ բացարձակ հաշիւ ծխական ժողովին՝ յայտարարելով այն հայ և ուսն լրագրութեան միջոցաւ իւրօրօքանչիւր տարի:

Երրորդ՝ Ս. Սարգիս եկեղեցու հայոց աղքատախնամ ընկերութիւնը, որը դարձեալ կեղրոնացած է եղել միմիայն հարուստների ձեռքը և որոնք շատ անխնամ կերպով են վարել իւրեանց պաշտօնը, դառնում է դարձեալ ծխական ժողովի լուրջ հարցերից մինը:

Չորրորդ՝ նոր ընտրւած երէցփոխ Նիկ. Սուբաշեան, որ ամիսներ շարունակ հաշւետեաններին հաշիւ չէ տուել, չ'տալով նոյն իսկ ծխական ժողովին

հաշիւ, երբ ծխականք և ծխատէր քահանան զպրոց բանալու համար կամենում էին գիտնալ թէ որքան դրամ կայ յիշեալ երէցփոխի մօտ, առաջ է եկել այն ընդհանուր մեծ չարիքը, որը մինչև ցօրս էլ տանջում է տեղական հայ բնակչութեան:

Սուբաշեան երէցփոխի այդ անիրաւացի վարմունքը արդարացնում է Բեսսարաբիայի հայոց առաջնորդ Ներսէս արքեպիսկոպոս Խուզավերդեանի վիճակային ատեանը՝ (իւր տան սեղանատունը, ուր ատենական գործերը՝ այն տեղ են կատարել և կատարում) իւր նպատակաւոր՝ և կատարեալ անիրաւացի հետեւեալ գրութեամբ:

Պատճէն:

Ն. Ն. Գ.

Վիճակային Բարեկրօն Ներսէս քահանայի
Կոնսիստորիա Հերթեցեանց Եկեղեցեաց Հայոց
Հայոց Թէոզոսիոյ:

Նոր-Նախիջևանի
և

Բեսսարաբիոյ.
Թ. 1465.

Ի 4 նոյեմբ. 1905 ամի
Ի Քիշնև:

«Առ հեռագրական խնդիր թերզեանի, յՅ-ն ամսոյս, Վիճակային Կոնսիստորիայս ՚ի նկատի ունելով զպահանջ ժողովրդեանդ հակառակ 1232 յօդւածոյ ժա. հատ. Ա. մասին օրինաց Տէրութեան հրատարակեալ 1896 ամի, այսու պատուիրէ յայտնել ծխական ժողովրդականաց, զի երեսփոխանք եկեղեցեաց հայոց պարտ են տալ զհաշիւ յաւարտ իւրաքանչիւր տարւոյ ընդհանուր ժողովոյ ծխականաց, զկնի որոյ գայն հաշիւ մատուցանելոց է թեմական հոգևոր իշխանութեան»:

«Ձայսմանէ հրամանագրեցաւ ՚ի սոյն

Թիւ պ. երեսփոխանի եկեղեցեաց քաղաքիգ: Անդամ Կոնսիստորիայի՝ Սարգիս քահանայ Թաթսիզեանց.

Ատենադպիր՝ Կ. Յովհաննջանեան:

Իսկականի հետ բնա առ բառ ճիշտ է՝ և ուղիղ, Ներսէս քահանայ Հերթեցեան: 1906 թ. 19 մայիսի Թէոզոսիա:

Առաջնորդի այդ անտակա և բիւրոկրատին յատուկ գրութիւնը ապացուցանում է այն, որ Թէոզոսիայի հայերը իրաւունք չունին երեւցփոխներէց հաշիւ և կամ անհրաժեշտ կարիքներէ համար փող պահանջելու, որովհետև առաջնորդներէ կաթնատու կով և մտերիմ երէցփոխները ծնունդ լինելով Պետական օրինաց 1232 յօդւածից՝ այնքան անձեռնմխելի են և զուցէ մաքուր, որքան Պետական հաճութեամբ առաջնորդական պաշտօնի մէջ հաստատուած Խուզավերդեաններ, որոնք ժողովրդի կեանքն ու հոգին վարակելուց առանձին՝ ուրիշ ոչ մի գործի ընդունակ չեն եղել:

Այսպէս թէ այնպէս, ժողովրդական նոր գիտակցական շարժումը՝ ազաների բարկութիւնը զրգուում է հ. Հերթեցեանի դէմ, որոնք աշխատում են ինչ կերպ էլ լինի՝ վրէժխնդրի լինել քահանային:

Մինչև այդ ժամանակ ազաները միմեանց միա կրծողներ են եղել. բայց այս դէպքում սկսում են միանալ և ընդհանուր ուժով գործել թէ քահանայի՝ և թէ արթնացած ժողովրդի դէմ: Երէցփոխ Սուբաշեան, թէև 60 տարեկանից աւելի՝ ալեխառն մարդ, չ՛մաշելով գոնէ իւր սիպտակած մագերից, սկսում է անցնել փողոցէ փողոց, խանութէ խանութ, աներից տուն՝ մէկին այս, միւսին այն համոզելով՝ ստորագրութիւններ է որսում հ. Հերթեցեանի դէմ գրւած բողոքի տակ: Այդ մասին մի բնորոշ նամակ կար «Крымский Вѣстникъ» թերթի № 8-րդում (1906 թ.) Սիմէօն Չորայեանի ստորագրութեամբ: Պարոն Չորայեան մի առ մի նկարագրելով Սուբաշեանի ստոր

վարմունքը, աւելացնում է, որ ինքը խաբւած է երէցփոխից՝ ուստի և հրապարակաւ յետ է վերցնում իւր ստորագրութիւնը ընդդէմ հ. Հերթեցեանի:

Նախ քան այս գիտակցական շարժումը, քանի դեռ ազաներից հաշիւներ պահանջւելիս չէ եղել և քանի դեռ Տարախչեան նկատողութիւններ չէր ստացել հ. Հերթեցեանից իւր անվայել և սինլըոր արարքների համար՝ մենք կարգացել ենք 1904 թ. «Մշակի» № 285-ի մէջ հետևեալ տողերը Թէօդօսիայից գրւած Դեկտեմբերի 4-ի նամակում, որի հեղինակն է եղել իրեն համար առաջւանից «բուն» տաքացնող Մ. Տարախչեան, կարծելով որ շողոքորթութեամբ արդէն հ. Ներսէսի խնամակալութիւնը կարող է վայելել: Բայց Տարախչեան սխալուում էր, որովհետև Հերթեցեան քահանան «շողոքորթներին» բնաջինջ սնողն է եղել, քան շրջապատել դրանցով:

Ահա սոքա են պ. Տարախչեանի խօսքերը յիշեալ նամակում: «Կ'անցնի և մի քանի օր, և Թէօդօսիան բախտ կ'ունենայ իր այնքան երկար սպասած մշտական քահանան ունենալու: Վերջապէս՝ երկու ամիս սպասելուց յետոյ՝ ժողովրդի միաձայն ընտրեալ քահանան՝ Տէր Ներսէս Հերթեցեան, տեղական բարձր հոգևոր կառավարութեան կողմից հաստատուեց, որը և այս օրերս Լուգանսկից կ'ժամանէ այս տեղ»:

Ինչպէս Տարախչեանի՝ այնպէս և «ազաների» համար հ. Հերթեցեան եղած է մի սքանչելի, մի օրինակելի հոգևորական թէ գիտութեամբ, թէ ընդհանուր զարգացողութեամբ՝ և թէ տաղանդաւոր քարոզչութեամբ:

Եւ իբրև փաստ՝ ներկայացնում ենք ընթերցողներին հ. Ներսէսին ուղղած ազաների «ուղերձը» աէր հօր տօնախմբութեան օրը, որը գրել է նոյն «բազում ակնկալութիւն» ունեցող Տարախչեանը՝ և ստորագրել են բոլոր ազաները ի թիւս բանւորական ներկայացուցիչների:

«Սիրելի Տէր Հայր!»

«Մենք Թէօդօսիայի հայ-Լուսաւորչականներս, պատիւ ունինք որդիական ակնածութեամբ շնորհաւորելու Ձեր՝—մեր ամենիս սիրելի հոգևոր հօր ծննդեան և անւանակոչութեան տարեդարձը: Տայ Աստուած, որ երկար, շատ երկար տարիներ կարողանաք շարունակել Ձեր արդիւնաւէտ գործունէութիւնը՝ յօգուտ եկեղեցուն և հայրենիքին: Ծանր է Ձեր խաչը, բայց թող ծանր բոպէներին մեր Փրկիչը՝ յոյս և հաւատ ներշնչէ նոյն անձնւիրութեամբ, նոյն եռանդով յառաջ ընթանալու: Իսկ մենք Թէօդօսացիներս, որ հայութեան համար կորած կարող ենք համարուել, յոյս ունենք, որ Ձեր անդու ջանքերով կը կարողանանք ժամանակին լինել իսկական հայեր, հայի հոգով»:

«Ընդունեցէք, Տէր Հայր, Ձեզ սիրող Ձեր ծխականների երախտագիտութեան հաւաստիքը»:

1905 թ. 26-ն փետրվարի՝ Թէօդօսիա:

1. Երեցփոխան հայոց եկեղեցիների՝ Կ. Արութեանց:
2. Ուսուցիչ հայոց ուսումնարանի Մկրտիչ Տարախչեանց:
3. Տրդատ Աբրահամեան (Իրաւաբան):
4. Յովակիմ Արութեանց:
5. Մինաս Զաքարեան (հոգաբարձու):
6. Սարգիս Ստարստեան:
7. Ստեփան Լազեան:
8. Ազարիա Բաբեան (հոգաբարձու):
9. Աստուածատուր Քայալեան (փոխ հոգաբարձու):
10. Միքայէլ Ալեանակի (ուսանող):
11. Սիմէօն Քէշիշեան (հոգաբարձու):
12. Յակովբ Քէֆչեան*) (հաշւետես):
13. Յովհաննէս Այտինեան:
14. Կեցօ Եայլիեան:

*) «Որ և իսկ մատնեաց զնա» (հ. Հերթեցեանին):
(Մանօթ. հեղին):

15. Յովհաննէս Նալբանդեան*):
16. Սարգիս Բալշեան:
17. Գաբրիէլ Մնգեղեան (հաշւետես):
18. Պօղոս Ճէվէլիկեան:
19. Խաչատուր Քեպապճեան:
20. Տիգրան Թարվերտեան:
21. Միհրան Յովակիմեան:
22. Սարգիս Թաթոսեան:
23. Մարիա Խրիստաֆորովա Տ. Բէրբէրեան (կալւածատէր):
24. Карпъ Карповичъ Алтунджи (Контр. Госуд. Банка).
25. Ալէքսան Ալթունճեան (նախ. որբ. ընկերութ.):
26. Արիստակէս Գամբուրեան:
27. Արտաշէս Բաբինեան:
28. Ստեփան Գարակաշեան:
29. Գէորգ Քէշիշեան:
30. Կարապետ Սուբաշեան:
31. Լուսեղէն Սուբաշեան:
32. Մարտիրոս Ծուռգտակեան:
33. Կարապետ Էքմէքճեան:
34. Կարապետ Երեմեանց:
35. Գաբրիէլ Յովհաննիսեան:
36. Կարապետ Տիրացուեան:
37. Յարութիւն Ղարիբեան:
38. Անդրանիկ Մուսայեան:
39. Եղբարք Մանուկեանց:
40. Յարութիւն Նէվէլէկեանց:
41. Պետրոս Էքմէքճեանց:
42. Յարութիւն Թերգեանց:

Սակայն երբ «աղաների» և «ընկերութեան» սիրելի աէր Ներսէսը ծխի իրաւասութեան՝ հասարակական վասնուած գումարների հարցով է սկսում զբաղւիլ, արդէն այդ ժամանակ՝ այդ «սիրելի» և «անդուլ ջանքերով արդիւնաւէտ գործիչը՝» դառնում է մի ա-

*) Վաղամեռիկ Վահան Նալբանդեանի հայրը: Ծան. հեղ.



տելի և չարութեանց պատճառ մարդ, որը համար աղաները իւրեանց պատիւն են վաճառք հանել Թէօդօսիայի ժամ. գեներալ նահանգապետի առաջ ամեն կերպ վարկաբեկ անելով իւրեանց քահանային՝ և որի հիման վերայ գեներալ նահանգապետը պահանջել է Սիօնդից հեռացնելու տ. Ներսէսին Թէօդօսիայից:

Մասնութեան գաղափարը գուցէ այդ աստիճան համաճարակ չէր լինի Թէօդօսիայում եթէ աղաների վարժուները թեմական իշխանաւորը չ'ջատագովէր տկնյայտնի կերպով, որը մենք կ'ատենենք յետագայ դէպքերում:

Եւ որքան հ. Հերթեցեան ջանացել է փայլել հասարակական օգտաբեր գործերում, այնքան աւելի կատաղել են աղաները և սկսել են բամբասել: Օրինակ հ. Հերթեցեան հիմնում է 1905 թ. մայիսի 2-ին կանոնաց բարեխնամ ընկերութիւն որի նպատակն է լինում աղքատ երեխաներին ամեն կերպ հոգալուց զկնի՝ տալ ուսման և արհեստագիտութեան: Առաջի տարին հաւաքւում է մօտ 700 ըուբլի, որից հ. Ներսէս Ընկերութեան թոյլաւութեամբ տեղական «անանուն» դպրոցի 12 չբաւոր աշակերտուհիներին ոտից ց'զլուի հազցնում է: Երկու աղքատ օրիորդների կար ու ձևի դպրոց է տալիս վճարելով իւրաքանչիւրի համար ամսէնը 30 ըուբլի վարձ: Բայց չար լեզուները ինչպէս են Տարախշեան, Քէֆշեան Յակովբ և Բենիկ վարդապետը՝ սկսեցին զրպարտել հ. Հերթեցեանին, որպէս թէ Հերթեցեան իւրացրել է կանանց ընկերութեան գումարից մնացած 289 ըուբլին: Բայց այդ զրպարտիչները ամօթից գուրկ լինելով չ'ջանացին գոնէ իրենց վարկաբեկ անունը վերականգնել՝ ներողութիւն խնդրելով հ. Հերթեցեանից, որովհետև հ. Ներսէս 289 ըուբլին չէր իւրացրել և այդ պարզեց քննիչ Բարդէն վարդապետի ներկայութեամբ: Հայր Հերթեցեան Նոր-Նախիջևանի Ս. Խաչ վանքը աքսոր գնալուց երկու օր առաջ յիշեալ գումարը ստանձնե-

2005
20133

Ընդ քննիչին ունի նրանից հետևեալ ստացականը:
 «Արժանապատիւ Տէր Ներսէս քահանայ Հերթեցեանից ստացայ երկու հարիւր ութսուն և ինն ուրբի (289) ՚ի հաշիւ տեղական հայ կանանց աղքատախնամ ընկերութեան:
 Բարգէն վարդապետ:

22 ապրիլի 1906 թ.

Թէօդոսիա:

Կանանց ընկերութիւնից յետոյ՝ հ. Ներսէս առանձին խնամք է տարել բանւորներին: Օրինակ Ստամբոլի ծխախոտի գործարանում աշխատող հայ բանւորները ազգային և եկեղեցական թե՛ տօներին զրկւած են եղել եկեղեցուց. և ահա հ. Հերթեցեան ուղարկելով յիշեալ գործարանի հիմնադրին հայ եկեղեցու նշանաւոր և անշարժ տօների ցուցակը, խընդրելիս է եղած թոյլատրել նրանց եկեղեցի գալ և գուրս չ'գալ այդ օրերի վարձը՝ աշխատաւորների օրահաշւից:

Ֆիրմայի տէրը պ. В. О. Стамболи-ին, ոչ միայն չի յարգում հ. Հերթեցեանի միջնորդութիւնը, այլ իսկոյն կարգադրելով տէր հօր կամեցածի համաձայն, գրում է իւր յատուկ շնորհակալութիւնը այդ առթիւ, հետևեալ գրութեամբ:

Копія.

Θεοδοσία, Марта 21 дня 1905 г.

Адресъ для всякаго рода корреспонденд. Θεοδοσία—Стамболи.

Табачная фабрика
 В. О. Стамболи
 въ Θεοδοσίи (на югѣ Крыма)
 соб. домъ.
 Существов. съ 1861 г.
 Телефонъ № 98.

Его Высокопреподобію
 Г. Настоятелю Григоріанскихъ церквей.
 Здѣсь.

За присланную намъ Вашимъ Высокопреподобіемъ, при отношеніи Вашемъ 7-го с/м. за № 29, карточку большихъ празниковъ Армяно-Григоріанской церкви, приносимъ Вамъ нашу искреннюю благодарность.

Съ совершеннымъ къ Вамъ уваженіемъ
 В. О. Стамболи.

Съ подлиннымъ вѣрно,
 свящ. Н. Эртевціанъ.

Հայր Հերթեցեանի հակառակորդների մէջ մի ոմն Յակովբ Քէֆչեան կարս բաղաքի մեշչանին, դիմած է մի վերին աստիճանի ստոր միջոցի անսանարկելու Տէր Ներսէսին հետևեալ զրպարտական գրութեամբ, որից փչում է դժոխային հնոցի ապականող գազային հոտ...

Ահա դաւեր սարքող Յ. Քէֆչեանի մեղադրանքները՝ իւր գրած 7-երես գրութիւնից, որը իբրև ցուցմունք ներկայացրել է քննիչ Բարգէն վարդապետին:

Առաջին՝ 5-րդ երեսի՝ 16-րդ տողում: «Տ. Ներսէսը ժողովրդին իրան քով հաւաքելով, սկսել է գանազան դասախօսութիւններով զբաղուել...

Երկրորդ՝ 6-րդ երես՝ տող 21-րդ, «Տէր Ներսէսը խոստովանութեան ժամանակ՝ ծաղրում է խոստովանութիւնը և ճաշակը». իսկ 24-րդ տողում՝ աւերացնում է. «ուրանալով և հերքելով Աստուծոյ գոյութիւնը»:

Երբ որդի՝ 28-րդ տողում. «խոյս է տալիս աղ-
քատի ննջեցեալը թաղելու»:

2-րդ որդի՝ 31-րդ տողում գրում է «Նա (Տ.
Ներսէսը՝) հակառակ տիրող օրէնքի (պետական օրէն-
քի) հեռացնում է ժողովրդի ընտրած և Ս. Առաջնոր-
դի հաստատած երէցփոխանին (Ն. Սուբաշեանին) և
նշանակում է ինքնագլուխ կերպով մէկին»:

Հինգերորդի՝ 33-րդ տողում գրում է: «Նա՝
իր իրաւունքները, զրի սահմանը չ՛ճանաչելով՝ կալ-
ւածական գործի համար յարաբերութիւն է սկսում
նահանգապետների հետ»:

Վեցերորդի՝ 7-րդ երեսում 12-րդ տող: «Երբ
հայր քննիչը բարեճաճի, ես կարող եմ ներկայացնել
բաղմամբիւ նամակներ, որոնցով թագնուած մեր մահ-
ուան սպառնալիքով փող է պահանջում»:

Եօթներորդի՝ 14-րդ տող: Այս և նրանց նման
ուրիշ յանցանքներ այն աստիճանի կատարած, որոնց
լուրը հասել է ինչպէս երևում է տեղիս գեներալ նա-
հանգապետին, որը պահանջում է հոգևոր իշխանու-
թիւնից հեռացնել Թէօդօսիայից անարժան քահանա-
յին: Ես մեղադրում եմ դարձեալ Տ. Ներսէսին. ժո-
ղովրդի փողերը խաբէբայութեամբ իւրացնելու մէջ
թէ այստեղ՝ և թէ Լուկանսկում»:

Յիշեալ Յ. Քէֆչեանից առանձին՝ հ. Ներսէսի
վերայ բարդում են նաև երկու սպանութեանց գործ,
որը մենք կ'տեսնենք հետևեալ գլխում, որոց պատ-
ճառով և հրաւիրւում է քննիչ Սինօդից և թէ հոգե-
ւոր քննիչը որքան բարեխղճօրէն է սկսում իւր քնն-
նութիւնը և որչափ իրաւացի և արդար են դուրս գա-
լիս հ. Հերթեցեանին զրպարտող աղաները՝ և առանձ-
նապէս Յակովբ Քէֆչեան, որը այդ ժամանակ Թէօ-
դօսիայում Դաշնակցութեան ենթ-կօմիտէի ներկայա-
ցուցիչներից մինն է եղած, միևնոյն ժամանակ և «Բե-
նիկ վարդապետի և գեներալ նահանգապետի զաղա-
նի լրտեսը, ինչպէս այդ պարզ նկատւում է իւր բո-
լորից, ուր նրան յայտնի է լինում թէ ինչպիսի՛ լու-

րեր և որպիսի՛ մեղադրանքներով հասած են ժամա-
նակաւոր տեղական գէն. նահանգապետին, որ վեջինս
արգէն պաշտօնական ղեկուցումն է համարել այն և
վճռողական դիրք բռնել տէր Ներսէսի վերաբերմամբ:
Բռնուած է նաև մի գաղտնի նպատակով հեռագիր
դարձեալ նոյն Քէֆչեանից՝ հ. Հերթեցեանի նկատ-
մամբ, որը ընթերցողը կ'տեսնի «քննական գործում»
և թող այդ զարմանք չ'պատճառէ ընթերցողին, թէ
ինչ մարդիկ տեղ են գտել «Դաշնակցական ազատ յե-
ղափոխական գործում» և ինչպէ՛ս դոքա խայտառա-
կեցին հերոսների և մաքուր մարտիկների բացած ճա-
նապարհը՝ թողնելով հայ հասարակութեան մէջ յա-
ւերժ անարգանքի արժանի Յ. Քէֆչեաններ...

Գ. ԳԼՈՒԽ.

(բովանդակութիւն).

1905 թ. Սեպտեմբերի 28-ի հոգաբարձական ժո-
ղովր: Երէցփոխի և քահանայի վէճը: Երէցփոխ Ն. Սու-
բաշեանի և Գ. Մխիթարեանի ընդհարումը: Սուբա-
շեանի քննիչ պահանջելը Կոնսիստորիայից յանձին
Նահապետ եպիսկոպոսի: Նահապետեանի փոխարէն՝
Կոպչէկճեանի քննիչ նշանակւելը առաջնորդից: Կոպ-
չէկճեանի առաջի գալը Թէօդօսիա և աղաների հետ
բողոքի նախագիծ կազմել: Հերթեցեանի հետ չ'տես-
նւելը: Հերթեցեանի բողոքը առաջնորդին՝ Կոպչէկ-
ճեանի գալու և մասնակի ժողովներ գումարելու մա-
սին: Առաջնորդի խորհրդաւոր լուծութիւնը: Կոպչէկ-
ճեանի երկրորդ գալուստը և երկրորդ մեղադրական
արձանագրութեան կազմելը:

* * *

1905 թ. Սեպտեմբերի 28-ին՝ Թէօդօսիայի հայոց
անբաղդ ուսումնարանում տեղի է ունենում հոգաբար-
ձական ժողով: Վճուրի հարցերն են լինում, ա) կազ-
մել 1905-906 թ. դպրոց, նախահաշիւ: բ) փոփոխու-
թեան ենթարկել դպրոցի անյարմար սենեակները:
գ) Պատուէր տալ աշակերտների համար նոր նստա-

բաններ շինելու:

Հոգաբարձութեան նախագահ՝ հ. Հերթեցեան առաջարկում է երէցփոխ Նիկ. Սուբաշեանին՝ այս անհրաժեշտ կարիքների համար փող բաց թողնել: Սուբաշեան մերժում է քահանային՝ պատճառաբանելով, որ փող չ'կայ: Հայր Հերթեցեան պատասխանում է. «Իրօք եթէ փող չ'կայ, յայտնեցէք ծխականներին այդ առթիւ՝ դիմենք նրանց օժանդակութեն»: Սուբաշեան դարձեալ մերժում է և անձնական հաշիւներ առաջ բերելով, յանգճում է նախագահին անպատուելու ասելով: «Սա ինչո՞ւ շարունակ դուն փող ես պահանջում, մէկ դպրոցի անունով, միւսը տանգ ունի մօտի համար» (տունը եկեղեցապատկան շէնք է) և վերջը խօսակցութեան տօնը փոխելով՝ սկսում է կատաղաբար գոռալ և ամօթահարել քահանային փող ուղեցածի համար: Նախագահող քահանան ևս իւր կողմից վրդովում է երէցփոխի վարմունքից և համարում է այդ վարմունքը ապտակելու արժանի վարմունք: Երէցփոխը՝ ուղղակի կորցնում է իրեն և ազայական ամբարտաւան եսամոլութեամբ տաքացած թոյլ է տալիս իրեն կատարեալ անարգաբար վերաբերելու հ. նախագահին: Հոգաբարձու աղաները՝ մի սնու և խորին ու դուրեկան լուծիւն են պահպանել: Հ. Հերթեցեան բացարձակ նկատելով այդ նպատակաւոր սրոշումը, յայտարարում է փակած ժողովը՝ և դուրս է գալիս դպրոցից, մոռանալով դպրոցում հերթական կարգի անհրաժեշտ թղթեր:

Այդ հոգաբարձուները շարունակում են մնալ դպրոցում մինչև երեկոյեան դէմ: Նախ քան դոցա ցրելը՝ քահանայի ազգական Գ. Մխիթարեան, դպրոցի բաց լուսամուտներից լսելով Սուբաշեան երէցփոխի անվայել խօսքերը քահանայի հասցէին, սպասելիս է եղել դպրոցի դրան բացադրութիւն պահանջելու Սուբաշեանից: Հոգաբարձուները սկսում են դուրս գալ դպրոցից և տեսնելով դրան մօտ կանգնած երիտասարդին՝ բոլորեքեան բարևում են և անցնում:

Երիտասարդը պատասխանում է ամենքին քաղաքավարութեամբ:

Երբ անցնում է Սուբաշեան, արդէն ամօթից գլուխը կախած չի բարևում երիտասարդին:

Երիտասարդ Գէորգը մօտենում է իսկոյն Սուբաշեանին և բարևելուց յետոյ շատ քաղաքավարութեամբ խնդրում է բացադրութիւն: Երէցփոխ Սուբաշեան նորից զրգուում է և հրում է երիտասարդին անւանելով վերջինի «գանգալախ», որ Ղրիմցիք գործ են ածում այդ խօսքը կովկասեցիների նկատմամբ, որ նշանակում է «յիմար» և «գատարկ գլուխ»: Երիտասարդը վիրաւորելով այդ արհամարական խօսքից՝ խլում է Սուբաշեանի ձեռքից ձեռնափայտը՝ և հարւածում է Սուբաշեանին: Հոգաբարձուք թէև հեռացած, բայց վերադառնում են դէպի երէցփոխը՝ և բաժանում միմեանցից կուռոյններին:

Հետևեալ օրը՝ երէցփոխ Սուբաշեան նախ գործ է տալիս տեղական քննիչին, յայտնելով, որ Հերթեցեան քահանայի ազգականը կամենում էր իրեն սպանել՝ խնդրում է երիտասարդին քրէական պատասխանատուութեան կոչել և միևնոյն ժամանակ հեռազիր են տալիս Քիչնև առաջնորդին՝ և Տփխիս եպիսկոպոս Նահապետեանին, որ վերջինս գայ քննութեան հ. Հերթեցեանի վերաբերմամբ, որովհետև տէր Ներսէսն է թելադրել իւր ազգականին՝ երէցփոխին սպանելու:

Նահապետեան խիստ ուրախանում է, որ վերջապէս եկաւ մի յարմար ժամ և նա այնպէս պիտ հեռացնէ թէօզօսիայից իւր վարկը բեկանող «ըմբոստ» քահանային, որ եկած և գնացած ճանապարհը յայտնի չ'լինի, բայց շատ ցաւում է, որ ինքը Տփխիսում զբաղած լինելով եկեղեցական կալւածական խնդրով, առաջարկում է առաջնորդ Ներսէս Արքեպիսկոպոսին իւր փոխարէն նշանակելու Սիմֆերօպօլի «յայտնի» Օգոսենտիոս առաջ քահանայ կոպչէկձեանին, որին ազաները յարգելիս են եղել իբրև ձեռնտու քահանայ՝ իսկ միջին և վերջին դասակարգի ժողովուրդը ատե-

լով ատելիս է եղել: Յիշեալ քահանայի անունը գրա-
կան մի երկու երկերում՝ ինչպէս «Ուտիացոց բար-
բառի» ուսումնասիրութեան գրքում՝ յիշած է (յա-
ւելածում) իբրև «ղև» «կախարդ» և «սիւլուկ» պատ-
ւարժան անուններով: Եւ ահա այդ «կախարդ և ղև»
համարած աւագ քահանան նշանակում է քննիչ՝
«Վասն գործոյն Ներսէս քահանայի»: Օգտեստիոս քա-
հանայ Կոպչէկճեան առանձին բաւականութեամբ
մտնում է Թէօօօսիա և ձեռնամուխ եղել գործի:
Սակայն նկատելով որ այդքան գոռում գոչիւնը լոկ
ենթագրութիւն է, աղաների գրգռման արդիւնք է,
բայց աղաների խաթրը չ'կտարելու համար՝ եօթն օր
շարունակ «Ներոպա» հիւրանոցում խելք խելքի տուած,
գրել են ջնջել են, մինչև դուրս են բերել մի բողոք,
որ Սուբաշեանին սպանել էր ուզում Հերթեցեան քա-
հանայի ազգական Գէորգը: (Ազգանւան պէտք չեն
զգացել): Եւ ապացուցւում է նրանով, որ Գէորգը
երէցփոխին հարւածելիս՝ խփում էր հաստ փայտով
և ոչ թէ երէցփոխի ձեռքի բարակ փայտով: Եւ վեր-
ջապէս պ. Նիկողայոս Սուբաշեանի բղաւոցը և գո-
ռոցը՝ նման էր սպանութեան գուռը քաշած մի անա-
սունի կանչի, ուստի Գէորգը մեղաւոր է, մարդաս-
պան է և այդ վարմունքի պատճառը տէր Ներսէսն է:
Վկայ են գրւում բոլոր հոգաբարձուներ և նոյն իսկ
Մ. Տարախչեան, և այդ խելքով ու խնամքով կար-
գաւորւած բողոքը ուղարկում են առաջնորդին: Իսկ
քննիչ անուն կրող հ. Կոպչէկճեան առանց հարց ու
փորձի, առանց տեսակցելու հ. Հերթեցեանի հետ՝
վերագառնում է Սիմֆերոպոլ:

Տէր Ներսէսը՝ յայտնում է Կոնստատտրիային
Կոպչէկճեանի գալու՝ մասնակի ժողովներ գումարելու
և վերագարձի մասին, խնդրում է իբրև ծխատէր՝ գիտ-
նալ գործի էութիւնը: Ո՛չ առաջնորդը և ոչ Կոնստա-
տտրիայն տեղեկութիւն չեն տալիս հ. Հերթեցեանին:
Այլ մի բան միայն: Երբ առաջնորդը ստանում է յի-
շեալ բողոքը՝ և տեսնում է, որ միակողմանի մի գրու-

թիւն է, ուստի հրաման է արձակած եղել (թէև դար-
ձեալ գաղտնի հ. Հերթեցեանից) հ. Կոպչէկճեանի վե-
րայ գնալու Թէօօօսիա՝ և լրացնելու քննութիւնը:
Սկզբում տէր Կոպչէկճեան չի գալիս Թէօօօսիա, այլ
ուղարկում է Սուբաշեանի բողոքի պատճէնը, խընդ-
րում է բացատրութիւն: Հայր Հերթեցեան երկրորդ
անգամն է դիմում առաջնորդին և առաջ բերելով
փաստեր ապացուցած է լինում թեմակալին, որ հ.
Կոպչէկճեան բարեխիղճ քննիչ չէ, այլ աւելի շուտ
զրգիչ է, ուստի խնդրում է Կոպչէկճեանի փոխարէն
կարգել մի այլ բարեխիղճ և ձեռնհաս մարդու, նոյն
իսկ աշխարհականի, քան Կոպչէկճեանին: Առաջնորդը
այս անգամն էլ լուրթիւն է պահում և մի կարճ ժա-
մանակից յետոյ տէր Օգտեստիոս Կոպչէկճեան նորից
մտնում է Թէօօօսիա և առանց գիտութեան ծխատէր
տէր Ներսէս քահանայի՝ կազմում է ծխական ժողով:
Հ. Հերթեցեան դիմում է պաշտօնապէս քննիչին
խնդրելով իւր ունեցած լիազօրութեան կամ կրկնակի
քննութեան գալու Կոնստատտրիայի հրամանը՝ և կամ
առաջադրութիւնը: Քննիչ քահանան ևս անպատաս-
խան է թողնում հ. Հերթեցեանի խնդիրը՝ և կոչելով
իւր մօտ (հիւրանոցում) ժամհարներից մէկին, տա-
լիս է նրան հրաւիրաթուղթ ծխական ընդհանուր ժո-
ղով գումարելու: Հայր Հերթեցեան ունենալով ուս-
տիկանապետի № 358 (1905) առաջադրութիւնը թէ
«մասնաւոր և թէ ընդհանուր ծխական ժողովների
գումարման առթիւ՝ ինքը իբրև ծխատէր քահանայ և
հոգաբարձութեան նախագահ պարտական է 8 օր ա-
ռաջ տեղեկացնել ոստիկանապետին», ուստի արգե-
լում է ծխական ժողովը իւր կողմից՝ թողնելով գու-
մարելիք ժողովի պատասխանատուութիւնը եկուր
քահանայի վերայ: Քննիչ քահանան փոխանակ ըստ իւր
իրաւունքի (եթէ նա ունէր լիազօրութիւն) դիմելու
ուր հարկն էր և ստանալու ժողով գումարելու թոյլ-
տուութիւնը, բարկանում է հ. Հերթեցեանի վերայ,
կազմելով երկրորդ արձանագրութիւնը, հեռանում է

Թէօղօսիայից՝ սերմանելով չարիքի առաջի հունար:

Ե. ԳԼՈՒԽ.

(բովանդակութիւն).

(Սիմֆերոպօլ քաղաքում Կոպչէկճեանի վիրաւոր-
ւելը. նոր մեղադրանք հ. Հերթեցեանի դէմ: Զրպար-
տութիւնը մնում է լոկ զրպարտութիւն: Առաջնորդ
Խուզավէրդեան մարմնաւոր իշխանութեան դերում):

1905 թ. նոյեմբեր ամսում՝ Սիմֆերոպօլ քաղա-
քում վիրաւորում է թեթև կերպով հանրաժանօթ Կոպ-
չէկճեան աւագ քահանան: Այս դէպքում էլ հ. Կոպ-
չէկճեան շատ աշխատում է կեղծ վկաներով հաստա-
տել, որ իւր վիրաւորելու պատճառը Հերթեցեան
քահանան է, սակայն Սիմֆերոպօլի դատական քննիչը
չ'զանելով մի էական փաստ այդ մեղադրանքի վերա-
բերմամբ՝ (չ'նայած որ դատական քննիչ պ. Нело-
вицкий լինում է շատ մտերիմ բարեկամ վիրաւորւած
Կոպչէկճեան քահանայի՝) այնուամենայնիւ իւր խղճի
հետ խողեր չի սարքում և պատասխանատուութեան
անգամ չի կոչում հ. Հերթեցեանին՝ իւր խիստ և եր-
կու ամսեայ քննութիւնից յետոյ:

Բայց այդպէս չի վարւում թեմական առաջնորդ
Ներսէս արքեպիսկոպոս Խուզավէրդեան: Վերջինս ա-
ռանց քննութեան, առանց գոնէ մօտաւոր տեղեկու-
թեան՝ հիմնւելով հ. Կոպչէկճեանի խնդրի վերայ, դա-
զարեցնում է հ. Ներսէսին քահանայութիւնից և գրում
է պաշտօնապէս:

«Ի քննական գործոց վասն բողոքանաց ե-
րեսպիտանի եկեղեցեաց հայոց քաղաքիդ՝ և
այլոց ՚ի Ձէնջ ի յայտ եկն, զի արդարև
խոովայոյզ և անհանգիստ բնաւորութեամբ
Ձերով՝ թերագրելով ազգականի Ձերում ու-
րումն Գէորգայ նախ ձեռնամուխ լինել կե-
նաց Երեսպիտանին՝ և ապա կարգեալ ի մէնջ
քննիչ ծերունի Օգոսենտիոս աւագ քահանայն
Կոպչակճեանց»: Այնուհետև այդ արտաքոյ

կարգի վեղարաւոր դատաւորը՝ քահանայի կոչման
նկատմամբ սաղմոսներից և մարգարէութիւններից
բարբառելով՝ վերջացնում է իւր բարոյախօսական
ասեմ թէ խրատական՝ առաջադրութիւնը այսպէս.
«Ի սոյն թիւ՝ մատուցմամբ իսկական քննական գոր-
ծոյն, խնդրեցաք զբարեհաճ անօրէնութիւն Նորին
Սուրբ Օծութեան Վեհափառ Հայրապետն ազգիս,
խնդրելով տեղափոխել զՁեզ յայլ վիճակ ի քահանայա-
գործութիւն»: № 313, յ8 դեկտեմբ. 1905. Քիչնև:

Ահա ընթերցող, ահա մի խարզախ վարմունք, ո-
րը պարուրւած է տխմար, տգէտ և յետին աստիճանի
ստոր նպատակների իրագործման համար: Ես չէի
ցանկալ մի ըստէ անգամ լինել դատավոր քննադատող
և Ձեր եզրակացութիւնը իմ մտքով դուրս բերող՝ այլ
ես նպատակ եմ ընտրել միմիայն եղեռնագործութեան,
մտանութեան յատուկ փաստերը լուսաբանելու՝ թող-
նելով այնուհետև բոլոր եզրակացութիւնը Ձեր խո-
հուն դատողութեան, սակայն այսպիսի դէպքերում
ներեցէք ինձ, որ ես ևս կամենում եմ իմ ներքին յուզ-
մունքն թեթևացնել նկատելով անօրինակ իշխանու-
թեան վատ վարմունքը: Ներսէս արքեպիսկոպոս Խու-
զավէրտեան իւր այդ առաջադրութեամբ ինքն իրեն
մերկացնում է այնպէս, որ նոյն իսկ մենք սքանչա-
նում ենք նորա տգիտութեամբ: Օրինակ նա՝ այդ
սրբազան կոչումն ունեցող հոգևորականը, որ հրա-
մաններով միայն բարոյախօս և թղթով բարոյագէտ
է հանդիսացել ստորադրեալ քահանայի վերաբերմամբ,
հէնց իւր գրութեան սկզբնատառից սկսած ց'վերջն՝
ստում է և չարաչար խաբում: Վեհափառ Հայրապե-
տի դիւան քննական գործ՝ յանձին Սուբաշեանի և ա-
ւագ քահանայ Կոպչէկճեանի սպանութեանց աղագաւ
այն էլ դեռ յիշում է «Ի յայտ եկեալ» (այսինքն ա-
պացուցւած գործ) այդպիսի մի քրէական գործ ոչ
մտել է՝ և ոչ կայ եղել: Սրբազան առաջնորդը ցաւ
ի սիրտ սուտ է խօսում: Նորա զրկած գործը, Սու-
բաշեանի՝ և Կոպչէկճեանի բողոքներն են եղել, որը

Քիւանից զրկւել է Սինօդ՝ մօտաւոր քննութիւն կատարելու: Եւ այդ բողոքների պատճէնները հ. Հերթեցեանի մօտ կան:

Ընթերցողներին յայտնի է արդէն՝ թէ Սուբաշեանի բողոքը իբրև քննական գործ և այն էլ դեռ ապացուցւած չէր կարող լինի, որովհետև մեղադրեալի կողմից՝ այն է հ. Հերթեցեանի կողմից բացաղութիւն չէ եղել: Հերթեցեանի կողմից միմիայն բողոք է մտել Կոնստանտնուպոլիս, որով մեղադրեալը օր ցերեկով տեսնելով Կոպչէկճեանի դաւադիր վարմունքը՝ հրաժարւել է նորա ձեռքով քննութիւնից. բայց այդ դեռ ապացոյց չէ, որ Հերթեցեան քահանայն մեղաւոր է:

Իսկ հ. Կոպչէկճեանի մասով թէօղօսիայում քննութիւն չէ կատարւել՝ և չէր էլ կարող լինի, որովհետև անցքը պատահել է Սիմֆերօպօլ քաղաքում և ոչ թէ թէօղօսիայում: Սիմֆերօպօլում քննուում է հ. Կոպչէկճեանի գործը դատավարական լուրջ և բազմակողմանի հետազօտութեամբ մարմնաւոր իշխանութեան ձեռքով և Ներսէս քահանայ Հերթեցեան նոյն իսկ դատի չէ կոչուում, որովհետև ապացոյցներ չեն եղել քահանայի մեղաւորութեան, բայց Քիչնեում՝ Ներսէս արքեպիսկոպոսը՝ երազի մէջ տեսնելով իւր սիրելի և «զանազան տուրքերի» միակ աղբիւր հ. Կոպչէկճեանին վիրաւորւած, իսկոյն վեր ցատկելով գոռացել է, որ դա Հերթեցեանի գործն է և հետևապէս՝ մի հրաման՝ դադարեցնել քահանայութիւնից: Երկիւղ կրելու ինչ կայ. մարդը գեներալ-գուբերնատօրի դերումն է զգացել իրեն և հետևապէս արտադրել է իւր քէֆի ուղեցածը: Այդպիսի դէպքերում օրէնք, դատարան և քննութիւն գոյութիւն չեն կարող ունենալ. այլ մի բան. — վատ կամ լաւ տրամադրութիւն, և վճիռը այն «կաղպարով» է դուրս է գալիս:

Վերոյիշեալներից առանձին, ես կ'ընդդէի ընթերցողին ուշի ուշով հետևելու առաջնորդի արձակած վճռի վերջին խօսքերին, որով այդ եպիսկոպոսը

այլ շատ հրաշալի կերպով դուրս է ժայթքել իւր ներքին ամբոխմունքը: Իւր թեմում հ. Հերթեցեանին համարել է «Մարդասպան» և այդ մարդասպան մարդու համար դեռ ինքը բարեխօսութեան նեղութիւն է յանձրն առել Ամենայն Հայոց Կաթողիկոսին գրելու, որ Տէր Ներսէսին այլ թեմ տանի քահանայագործելու համար: Սա մի պերճախօս փաստ է, որ առաջնորդը չ'ցանկանալով հ. Հերթեցեանի ուղղամիտ ներկայութիւնը տանել իւր թեմում, աշխատել է հեռացնել իւր թեմից. բայց չ'կարողանալով մի այլ միջոց ընտրել, մտածել է «մարդասպան» անունը տալով հեռացնել, համոզւելով, որ մարդասպանութիւնը ծանր խօսք է, հակառակ է մարդոց և Աստուծոյ, ուստի և այդպէս էլ արել է: Բայց մենք տալով մեր յարգանքը հայ ժողովրդի դարերով սահմանած եկեղեցական նւիրական կարգին ու սահմանազրական ուղղութեանը, կատենք Տէր Ներսէս արքեպիսկոպոսին, որ իւր զըրպարատութիւնը յանձին հ. Հերթեցեանի միանգամայն անվայել է իւր կոչմանը ու տարիքին և դրանով նացոյց է տուել, որ ինքը՝ ոչ եկեղեցական է հայ հօտի, ոչ եպիսկոպոս է հայ-եկեղեցւոյ՝ և ոչ բարեխիղճ մարդ է Աստուծոյ Արարչակերտ աշխարհում: Եւ լաւ չէր լինի որ այդպիսին հեռանար այդ պատասխանատու կոչումից, որով ազատած կ'լինէր այս կամ այն առաջնորդական թեմը իւր վատահամբաւ և անօգտակար գործերից, որոնց մարդաշար նմուշները՝ մեր ընթերցողը կ'տեսնէ յետագայ գլուխներում:

Անցնելով բուն պատմութեան խնդրին, կ'աւելացնեմ, որ Սուբաշեանի բողոքը մասնում է թէօղօսիայի հաշտարար դատաւորի իրաւասութեանը, որով Սուբաշեան երէցփոխ՝ և երիտասարդ Գէորգ Մխիթարեան երկուսն էլ ճանաչուում են մեղաւոր փողոցում կոիւ անելու և հասարակաց հանգստութիւնը խանգարելու համար:

Այնուհետև՝ Օգոստոսիոս քահանայ Կոպչէկճեան

և Սուբաշեան, և աղաներ և թեմական առաջնորդ և վերջապէս Սինօզի անդամ Նահապետեան՝ գործը դնում են մի նոր ճանապարհի վերայ՝ որ մենք անւանում ենք «խաբեբայութեան և խորամանկութեան շրջան»:

2. ԳԼՈՒԽ.

(բովանդակութիւն).

Հայր Հերթեցեանին մեկուսացնելու ծխականներէրից և ուղարկելու մտադրութիւն էջմիածին: Կեղծ հեռագրներ Կաթողիկոսի անունից: Հերթեցեանի Սիմֆերօպօլ եղած միջոցին հայոց առաջնորդի զրպարտական հեռագիրը Տաւրիկեան նահանգապետին: Նահանգապետի մօտաւոր քննութիւնը, որով ապացուցւում է առաջնորդի զրպարտութիւնը: Նահանգապետի Դիւանից տրւած զրպարտական հեռագրի պատճէնը: Թէօօսիայի ծխական ժողովի բողոքը և վճիռը, «Մշակ» № 33 1906 թ. Հ. Հերթեցեանի էջմիածին գնալը՝ և Կաթողիկոսին ներկայանալը: Կաթողիկոսի գարմանքը Հերթեցեան քահանայի էջմիածին գալու համար: Կեղծ հեռագրի մերկացումը «Մշակ» № 61, 1906 թ. Դիւանապետ Յ. վարդապետի հեռագիրը «Մշակ» № 67. Սինօզի որոշումով և կաթողիկոսի հրամանով հ. Հերթեցեանի վերադարձը Թէօօսիա՝ քահանայագործելու:

* * *

Հայր Հերթեցեանի թշնամիները տեսնելով, որ կեղծ վկայութիւններով անգամ իրենց նպատակին չհասան, նորից զիմում են «անմեռ չարիքների ծնօղ» Նահապետ եպիսկոպոսին, որ վերջինս մի ելք, մի ճար ու հնար գտնէ Հերթեցեանին հեռացնելու Թէօօսիայից: Նահապետեանը՝ «բաժանեա որ տիրես» քաղաքականութեան զիմելով, կաթողիկոսի Տփլիս եղած միջոցին յօրինում է Ամենայն Հայոց Կաթողիկոսի անունից կեղծ հեռագիր, որպէս թէ արձակելով Թէօօսիայի ծխատիրութեան պաշտօնից հ. Հերթեցեա-

նին, Վեհափառ Կաթողիկոսը՝ միևնոյն ժամանակ հրամայում է քահանային գնալու անյապօղ էջմիածին և ներկայանալու իրեն: Մինչև այդ՝ Կաթողիկոսին հասած է լինում Քիշնևի հայոց առաջնորդից հետևեալ հեռագիրը: «Тифлисъ, изъ Кишинева 17. 1 59. 9. 11. 30. Его Святѣйшеству Верховному Патриарху Каѳоликосу Всѣхъ Армянъ.

«Θεοδοσίϊσκίϋ սϵαϵենνικѣ Զրτεվցіанѣ какѣ телеграфіруетѣ ктиторѣ Субаші, організовалѣ изѣ части общества, выбравѣ новаго ктитора, не признавая мою власть, 5-го 6-го 7-го служилѣ обѣдни. Донося обѣ этомѣ самоволиі Զрτεվցіана, во избѣжаніи опасности, покорнѣйше прошу Ваше Святѣйшество телеграммой вызвать Զртевцяна и отпратить монастырь на покаяніе удаленіемѣ изѣ вѣѣрренной мнѣ епархіи.

Архіепіскопъ Нерсесъ.

(Թարգմանութիւնը).

Տփլիս՝ Քիշնևից. 17. 1. 59. 9. 11. 30. (որ ծրր և որ ժամին):

Նորին Սրբութեան՝ Ամենայն Հայոց Ծայրագոյն Պատրիարք Կաթողիկոսին:

Թէօօսիայի քահանայ Հերթեցեանը՝ ինչպէս հեռագրում է երէցփոխ Սուբաշին, կազմակերպելով ժողովրդի մի մասը՝ ընտրեց նոր երէցփոխ: Չճանաչելով իմ իշխանութիւնը՝ 5-ին, 6-ին և 7-ին պատարագել է: Հաղորդելով Հերթեցեանի այդ ինքնակամութեան մասին, ի խոյս վտանգից, խոնարհաբար խնդրում եմ Ձերդ Սրբութեան՝ հեռագրով կոչել Հերթեցեանին և ուղարկել վաճառապաշտարելու, հեռացնելով ինձ յանձնուած թեմից»:

Ներսէս արքեպիսկոպոս:

Չարմանալի հաւատարմութիւն...: Բաւական է, որ Թէօօսիայի աղաներից մէկն ու մէկը՝ եղել է դա Սուբաշեան, և կամ Չայցեան մի «դօնօս» հարցրած է եղել առաջնորդ Խուզավէրդեանին, և այդ բարձր աս-

տիճան եկեղեցականը իրան կրակի միջից անցկացնելով, աշխատել է ի կատար ածել աղաների խնդիրը՝ առանց քննութեան: Այդ է ապացուցանում վերոյիշեալ հեռագիրը: Եւ իսկապէս եթէ Խուրավէրդեան լինէր գոնէ փոքր ինչ սեպհական խելքի տէր, ունենար փորձառու դատաւորի մի չնչին հմտութիւն, «ի խոյս ապագայ պատասխանատուութենէ՝» նա գոնէ պէտք էր Սուբաշեան երէցփոխի տւած հեռագիրը քննութեան առնէր և երբ իրօք հաստատուում էր Հերթեցեանի մեղաւորութիւնը՝ լիազօր էր ինքը որպէս թեմական առաջնորդ, առանց կաթողիկոսին դիմելու՝ պատիժ սահմանելու քահանայի համար: Իսկ այդ ձևի «ժանդարմիական» վարմունքը նախ դատապարտելի է հայոց թեմական մի առաջնորդի համար, որը արդարութեան գաւազանով գլուխ է անցել բանաւոր հօտի՝ տանելու նրան դէպի անոայթաք կեանք, և ապա կասկածելի: Խուրավէրդեանի նման ողորմելի է տգէտ սեւագրեստները առիթ են տուել հաստափոր աղաներին ծագրելու հէնց նոյն իսկ իրենց նման առաջնորդներին, մերկացնելով դրանց հոգեկան բոլոր առաքինութիւնները թէ վարչական, թէ կողմնապահութեան, թէ կաշառակերութեան և թէ դիրք և բարոյական ողջախոհութեան գործերում: Հանգուցեալ Սեդրակեան արքեպիսկոպոսը՝ մի մեծ հեղինակութիւն էր որի հանդէպ գլուխ էին խոնարհեցնում հանգուցեալի թշնամիները միմիայն նրա համար, որովհետև յիշեալ եկեղեցականը մամոնայապաշտ չէր, և «սև» գրօշի համար արդարութեան հետ խողեր սարքելիս չէ եղել: Թէև չ'պէտք է ծածկել, որ հանգուցեալը ևս «սևագրեաց» և շարունակութիւն «սևերի» մի հաստակող և յամաւարդ էր. բայց Սեդրակեանի յամառութիւնը և կամակորութիւնը իւր ներքին համոզմունքի արդիւնք էր, որ դարձեալ ոչ ոք չի կարող գովաբանել: Իսկ Խուրավէրդեան արքեպիսկոպոսը՝ մի «յայտնի» խաղալիք է այս կամ այն ծառայողի և ապա աղաների: Եւ նորա «գաղանի գործոց» խորհրդական և երգեալ ծա-

ւան, մի ինչ որ կարծաւոր Յովհաննանեան, որի մասին Նոր-Նախիջևանի երկու բաւականին յայտնի դիրքի և գործունեայ քահանաներ պատմեցին, որ մի «արիւնային միկրօք» է առաջնորդարան մտնող և երեսոց գործի տէր մարդկանց վերաբերմամբ, գովաբանելով նաև «յորովայն է ընտրեալ» խառնակիչ բնուէր Բենիկ վարդապետի խնամակալութեան պաշտօնը «առաքինի-ների թագ ու պսակ» Տէր Ներսէս արքեպիսկոպոս Խուրավէրդեանի նկատմամբ:

Գուցէ Խուրավէրդեան առաջնորդը այդ աստիճան «ապիկար» չ'լինէր եթէ Նահապետեանի նման մի «հազւագիւտ» սևագլուխը չ'լինէր նորա թեմակողը: Եւ բազմի բերմամբ նոյն Նահապետեան վերջերս գտանուում էր էջմիածին, Սինօղի անդամ էր և կաթողիկոսի վասանութիւնը երբեմն երբեմն գրաւող կամ աւելի՛ ճիշտը «որսացող» էր: Իսկ Նահապետեանի նման մի պաշտպան ունենալ, նշանակում է «Մարիավէլի» գիրկը հանգչել ուր ամեն մի միջոց իւր անարգել նպատակն ունի: Եւ անա Նահապետ սրբազանը շարժուում է՝ երբ Տփլիսում Վեհափառն ստանում է մեր վերև յիշած հեռագիրը՝ ուստի և անօրէնութեան պրօցսեն սկսում է: Իբր թէ՛ Վեհափառ Հայրապետը արդէն հալած իւղի տեղ ընդունելով Գիշնի առաջնորդի հեռագրական խնդիրը, անօրինած է հետևեալը այս հեռագրով:—

«Отстраняя священника Эртевциана отъ Θεодосійскаго Прихода, повелѣваемъ предложить ему безотпугательно явиться въ Эчмиадзинъ.

Մկրտիչ Կաթոլիկոս Եսէխ Բարմա 10 Կար 1906 Գ. Թիֆլիս.

(Թարգմանութիւնը).

«Հեռացնելով Հերթեցեան քահանային Թէոդօսիայի ծխատիրութիւնից, հրամայում ենք առաջարկել նրան անյապաղ ներկայանալու էջմիածին»:

Մկրտիչ Կաթողիկոս Ամենայն Հայոց:
10-ն յունվարի 1906 թ. Տփլիս:

Առաջնորդը այս ուրախառիթ հեռագիրը ստացածի պէս՝ իսկոյն հեռագրով առաջադրում է Հերթեցեան քահանային շուտով գնալու էջմիածին:

Զ. Հերթեցեան, որ յատկապէս ցանկութիւն է ունեցել գնալու Կաթողիկոսի մօտ և մի առ մի բացազրելու Թէօդօսիայի անցքերը, յունվարի 10-ին ստանալով հեռագիրը, 11-ին № 1 յայտարարութեամբ դիմում է առաջնորդին և խնդրում ուղարկելու իրեն ոռւս լեզուով հաւաստագիրը (удостоверение) Կովկաս մասերու համար՝ և ապա ճանապարհածախք երթևեկութեան և նպաստ ընտանիքին ց'իւր վերադարձը: (Մի այսպիսի տարրական ընդունուած օրէնք, Սուրբավերդեան չէ գիտցել):

Է. Հերթեցեան համոզելու համար իւր թեմակալին, որ արդարև ինքը կամենում է գնալ էջմիածին, նոյն յայտարարութեան մէջ շեշտած է, որ արևի իրեն 200 ռ. ի հաշիւ իւր ոռճկագրամի*):

Եւ իւր յայտարարութիւնը՝ ինչպէս յիշեցի, յունվարի 11-ին ուղարկել է և յուսալով, որ պատասխանը կ'ստացւի 20-ին յունվարի, որովհետև փոստը հասնում է**): Թէօդօսիայից Քիշնև 4-րդ օրը, և 4 աւուր վերայ պատասխան գալիս, ուստի հ. Հերթեցեան յունվարի 15-ին կարևոր գործով գնացած է լինում Սիմֆերոպօլ, կարճ ժամանակով վերադառնալու նպատակով:

Յունվարի 16-ին արդէն հ. Հերթեցեան լինում է Սիմֆերոպօլում, իջևանում է «Европейская» հիւրանոցում, որի մասին և հեռագրում է թէ իւր կնոջը՝ և թէ առաջնորդին:

«Առաջնորդ որ դու առաջնորդ ես», իսկոյն ցոյց է տալիս իւր շօրտր օյժը, կարողութիւնը և վարդապետ մարդու առաքինութիւնները Սիմֆերոպօլում ևս: Եւ գիտէք ընթերցող ինչ է անում այդ հայ անուն կրող հոգևորականը...: Մասնում է հ. Հերթեցեանին Սիմֆերոպօլում նստած Տաւրիկեան նահանգապետի

*) Հ. Հերթեցեան՝ բացի արգիւնքից ունեցել է տարեկան 600 ռ. ոռճիկ: (Ծանօթ. հեղ.)

**) Ըստ ցուցման հ. Հերթեցեանի: (Ծանօթ. հեղ.)

ձեռքը հեռեւալ զրպարտական հեռագրով, որ մենք իւր տեղեկագրութեամբ արտագրում ենք Տաւրիկեան նահանգապետի գիւանից արւած հաւաստագրից:

Копія.

М.В.Д.
Таврическое
губернское
Правление
—
Отдѣление.
Столъ.

Справка.

21 Января 1906 г.
№ 207.
г. Симферополь.

Священнику Нерсесу Эртевцянку объявлено чрезъ Симферопольскую Городскую Полицію о немедленномъ выѣздѣ въ Эчмиадзинъ вслѣдствіе телеграммы на имя Таврическаго губернатора отъ 17-го сего января слѣдующаго содержания:

Вслѣдствіе предложенія Верховнаго Патріарха Католикоса Всѣхъ Армянъ, покорнѣше прошу Ваше Превосходительство, немедленно отправить Θεодосійскаго священника Нерсеса Эртевціана Эчмиадзинъ, такъ какъ вопреки распоряженія высшаго Духовнаго Начальства Эртевцянецъ продолжаетъ священодѣйствовать, *нарушаетъ* спокойствіе общества армянъ.

Начальникъ Армянской епархіи Архіепіскопъ Нерсесь».

Совѣтникъ (почеркъ неразборч.).

И. д. Дѣлопроизводителя (Добрикинъ).

Իսկականի հեռ ճիշտ է Ն. ք. Հերթեցեան.

1906. յուլիսի 15. Թէօդօսիա:

(Թարգմանութիւնը):

Պ ա ա ճ է ն :

Ն. Ն. Գ.

Տաւրիկեան

նահանգական

Կառավարութիւն:

Բաժանմունք:

Սեղան:

Վերատուգութիւն:

21 յունվ. 1906 թ.

№ 207.

ք. Սիմֆերոպոլ:

Ներսէս քահանայ Հերթեցեանին Սիմֆերոպոլ քաղաքի ոստիկանութեան միջոցով յայտարարեաժ է անյապաղ էջմիածին գնալու մասին, յունվարի 17-ի Տաւրիկեան նահանգապետի անունով եկած հեռագրի հիման վերայ, որ ունի հետեւեալ բովանդակութիւնը:

Ի հետևումն առաջադրութեան Ամենայն Հայոց Մայրագոյն Պատրիարք Կաթողիկոսի՝ խոնարհաբար խնդրում եմ Ձերդ Գերազանցութեան, անյապաղ ուղարկել Թէօդօսիայի քահանայ Ներսէս Հերթեցեանին էջմիածին, որովհետև հակառակ հոգևոր Բարձր իշխանութեան կարգադրութեան, Հերթեցեանը շարունակում է քահանայադործել խանգարում է հայ հասարակութեան հանգստութիւնը»:

Հայոց թեմական առաջնորդ՝

Արքեպիսկոպոս Ներսէս:

Խորհրդական՝ (ստորագրութիւնը չի կարգացուում):

Կ. պ. գործավարի՝ Դօբրիկին:

Իսկականի հետ ճիշտ է Ն. ք. Հերթեցեան 1906 յուլիսի 15. Թէօդօսիա:

Տաւրիկեան նահանգապետի մօտաւոր հարց ու

փորձից դուրս է գալիս այն, որ Ներսէս քահանայ Հերթեցեան յունվարի 16-ին հասել է Թէօդօսիայից Սիմֆերոպոլ, հետևապէս նա յունվարի 17-ին շարունակ լինելով Սիմֆերոպոլ՝ չէր կարող Թէօդօսիայում քահանայութիւն անել: Ուրեմն այդ առաջին սուտ: Երկրորդ՝ որ նահանգապետի առանձին ուշադրութեան խնդիրն է եղել հ. Հերթեցեանի ժողովրդի հանգստութիւնը խանգարելու հարցը, բայց ի պատասխան իւր առաջադրութեան յանուն Թէօդօսիայի նախկին ոստիկանապետի՝ (Романовский) յայտնի է եղել՝ որ Ներսէս քահանայ Հերթեցեան — ժողովրդի հանգստութիւնը չէ խանգարել. ուստի պ. նահանգապետը՝ չափազանց զարմանում է, որ Թէօդօսիայի ոստիկանութեան պաշտօնը կատարել է Բեսարաբիայի հայոց առաջնորդը՝ այն էլ վատ «գօնօս»-չիկի ձևով այսինքն խաբեբայութեամբ: Եւ վերջապէս քահանայի պատարագ անելով ինչն է պէտք է ժողովրդի մէջ խռովութիւն լինի, մինչ այն աստիճան, որ ոստիկանութեան «բարերար» միջնորդութեան կամ միջամտութեան կարօտութիւն լինի: Առաջնորդ եպիսկոպոսը՝ ինչպէս ասում են, ականջ է բաց արել, որ Հերթեցեան քահանան վտանգաւոր է... Ուստի թող ոստիկանութիւնը քնից արթնանայ...:

Բայց մեծ ցաւ հայ սրբազնակատար երկար վեղարաւորին, նահանգապետը իսկոյն հասկանում է բանի էութիւնը և առաջնորդի սրտի իղձը՝ այն է հ. Հերթեցեանին «եթապով» զրկել Մայր-Աթոռ՝ մնում է նահանգապետի սրբերի տակ և Տէր Ներսէս մնում է Սիմֆերոպոլ ց'28-ն յունվարի՝ ուր և ստանում է ուսուերէն լեզուով հաւաստիագիր էջմիածին մեկնելու: Յունվարի 29-ին հ. Հերթեցեան մանում է Թէօդօսիա՝ և ստանալով երէցփոխից 200 ըուբլի ի հաշիւ իւր ոտճկադրամի, անմիջապէս ճանապարհուում է դէպի էջմիածին: Թէօդօսիան մնում է առանց հայ քահանայի:

Ժողովուրդը՝ որ արդէն հասկացել էր առաջնորդի

և ազաների դիւական խաղերի միտքը՝ արտաքոյ կարգի ծխական ժողով գումարելով՝ արձանագրում են թեմական առաջնորդի այդ զգուշի վարմունքը՝ յայտարարելով ՚ի լուր աշխարհի հետեւեալը: Տես «Մշակ» № 33. 1906 թ.

Թէօդօսիա, 25 յունվարի 1906 թ.

Հասարակական բողոք՝ և վճիռ:

«Ի ներքոյ սորին ստորագրող ծխականներս Թէօդօսիայի հայոց եկեղեցիների, որ կազմում ենք 100 տուն ծխաբաժին, այսօր հայոց դպրոցում կազմելով ընդհանուր ծխական ժողով նախագահութեամբ պ. Յ. Թերզեանի, վճռեցինք ի լուր աշխարհի յայտնի կացուցանելու հասարակութեանս անհնձն վիշտ պատճառող պարսաւելի գործերը այս կարգով:

Առաջին: Նոր-Նախիջևանի և Բեսարաբիայի Տ. Թեմակալ Առաջնորդի № 313 անցեալ 1905 թ. դեկտեմբերի 8-ի արձակած առաջագրութիւնը, որ նա դադարեցրած է համարել մեր ծխատէր Ներսէս քահանային՝ համարելով վերջինիս որպէս թելադրող իր ազգական մի երիտասարդի, երէցփոխ Ն. Սուբաշեանին ձեծելու, որպէս թէ ծխին հաշիւ չ'տալու համար, վկայում ենք, որ երիտասարդի ընդհարումը երէցփոխ Ն. Սուբաշեանի հետ, ունի անձնական բնաւորութիւն և չունի ոչ մի կապ ծխականներիս հաշիւ չ'ներկայացնելու խնդրի հետ. հետեալէս՝ առաջնորդի առաջարկութիւնը՝ ենթագրութիւն՝ և մի վճիռ է, որ զմերկ է կանոնաւոր և բարեխիղճ քննութիւնից: Մենք բողոքում ենք այդ վճռի դէմ՝ և վերականգնելով ծխատիրոջ պատիւը՝ այսօրեանից իսկ տալիս ենք բողոք Ս. էջմիածնի Սինօզին վերաքննելու առաջնորդի վճիռը:

Երկրորդ՝ նոյն թեմական առաջնորդի նոյն թիւ առաջագրութեան այն կէտը, որով դարձեալ քահանան մեղաւոր է ճանաչել որպէս մեղսակից Սիմֆերօպօլի արդէն «յայտնի» կոպէէկճեան աւագ քահանային վիրաւորելու գործում, դա ակնյայտնի

զրպարտութիւն է և առաջնորդ եպիսկոպոսի ենթազրութեան վճիռ: Բողոքում ենք այդ զրպարտութեան դէմ:

Երրորդ՝ երէցփոխ Ն. Սուբաշեանին, որը իր յամառ բնաւորութեամբ առ ոչինչ համարեց ծխականներիս պահանջը ծխին հաշիւ տալու այն դէպքում, երբ ծխի ներկայացուցիչները — հաշւետեսները՝ բարձի թողի էին արել իրանց բարոյական պարտքը՝ և Թէօդօսիայի հինաւուրց եկեղեցիները՝ Ս. Սարգիս և Ս. Գէորգ՝ արդէն քայքայման և անբարեգարգ վիճակին էին մասնել և նոյնպէս էլ դպրոցը՝ երէցփոխ Սուբաշեանի ոչ միայն ուշագրութիւն չէր դարձնում քայքայման առաջն առնելու, այն նոյն իսկ հակառակեց ծխականներին հաշիւ տալու իր մօտի գումարի՝ պատճառաբանելով, որ ինքը պարտական է տարվայ վերջին հաշիւ տալու ծխին: Ուստի՝ Սուբաշեանին ճանաչել անարժան ծխիս յարգանքը վայելելու արժանի՝ այսօրվանից տալ վերջնական բողոք՝ հեռացնելու Սուբաշեանին երէցփոխութեան պաշտօնից:

Չորրորդ. Քաղաքիս «բուրժուա» հայ դասակարգը՝ որի համար մեր ծխատէր Ներսէս քահանան հաճելի չէ իր պահանջող և շիտակ բնաւորութեամբ՝ և այդ ազաներն են, որ դիմում են ամեն «յայտնի» և «զազանի» միջոցների հեռացնելու Տէր Ներսէսին:

Այսօրեանից բաժանուում ենք այդ «աղա» դասակարգից կազմելով առանձին ծխաբաժին, բաժանելով չորս եկեղեցիները հաւասարապէս իրանց կայքերով:

Հինգերորդ՝ որովհետև Նոր-Նախիջևանի և Բեսարաբիայի Հայոց թեմակալ առաջնորդ Խուրաթեան Ներսէս, յունվարի 17-ին Տաւրիկեան պ. Նահանգապետի միջոցով ուզում էր հեռացնել քաղաքիցս մեր ծխատէր Ներսէս քահանային՝ համարելով վերջինին, որպէս մեր հասարակական հանգստութիւնը վրդովուողի՝ (յունվարի 17-ին) մենք այսու բողոքում ենք, որ դա զրպարտութիւն է: Եւ որպէս թէ ծխա-

տէր Ներսէս քահանան հակառակել է Վեհափառի հրամանին ս. Էջմիածին գնալու, դա ևս զրպարտութիւն է, որովհետեւ երբ հեռագիր ստացւեց, որ Ներսէս քահանան գնայ Էջմիածին, նա՛ հ. Հերթեցեան № 1 յայտարարութեամբ խնդրեց առաջնորդից «УДОСТОВѢРЕНІЕ» կողմաս մտնելու և ապա երթեկեկութեան և թէ ճանապարհածախքի հրամանը գրված է ամսոյս 16-ին. և նա հստաւ տեղս՝ ամսիս 20-ին. բայց ինչից զրդւած, և ի՞նչ հիման վերայ առաջնորդը ամսիս 17-ին պ. նահանգապետից հեռագրով խնդրում է, որ իբր Ներսէս քահանան ժողովրդի հանգստութիւնը խանգարող է և ս. Էջմիածին չը գնացող հակառակ բարձր իշխանութեան հրամանի, ուստի նրան (հ. Հերթեցեանին) ոստիկանութեամբ ուղարկել Էջմիածին, այս մեզ զարմանք և մեծ ցաւ պատճառեց թէ իր խորհուրդեան տեսակէտից և թէ անխղճութեան. նամանաւանդ, որ հ. Հերթեցեան ամսոյս 15-ից բացակայում էր Թէօդոսիայից:

Վ ճ ի ու :

Վեցերորդ. Տարախչեան Մկրտիչ ուսուցչին համարել բոլորովին արձակւած իր թէ անընդունակութեան կողմից, որ նա փոխանակ դաստիարակելու մատաղ ուսանողներին, ընդհակառակը՝ փշաջրել է նրանց «ծեծել» և թէ հասարակութեանս մէջ բռնւեց որպէս խօսք «տանող-բերող»:

(95 ստորագրութիւններ):

Առաջնորդից առանձին՝ միևնոյն ժամանակ, ազանները ևս կամենալով վարկաբեկ անել հ. Հերթեցեանին օտարների աչքում, որոց կարծիքը (ուսուների, գերմանացիների, լեհերի, թաթարների, կարաիմների և հրէաների) աւելի նպաստաւոր է եղել տէր հօր համար, «վարձում են» մի ինչ որ անօնիմ թըղթակցի Թէօդոսիայում և սա միշտ աննպաստ լուրեր է հաղորդել «Крымскій Вѣстникъ» թերթին: Նոյն ծխականները բողոքում են նաև այդ «բուրժուա» թերթում մի առ մի թւելով նպատակաւոր զրպար-

տութիւնները, վերականգնում են հ. Ներսէսի անունը:

Վերջապէս հ. Հերթեցեան փետրվարի 20-ին՝ հասնում է Էջմիածին և նոյն ամսի 28-ին ներկայանում Ամենայն Հայոց Վեհափառ Կաթողիկոսին: Եւ անաթէ ինչ է գրում հ. Ներսէս «Մշակի» № 61-րդում իւր ներկայանալու մասին:

...«Փետրվարի 28-ին՝ երբ պատիւ ունեցայ Վեհափառ Հայրապետին ներկայանալու, Վեհի առաջին հարցը եղաւ այս.

— Ինչո՞ւ էք եկած:

— Ձերդ Սրբութիւնն է բարեհաճել հեռագրով ինձ կոչել, ուստի եկած եմ լսելու Վեհիս կամքը:

— Ես ձեզի կանչած չեմ և ինչո՞ւ պիտի կանչէի. կերևի ազոնք են կանչել. և հայեացքը նետեց Հայրապետը՝ դէպի զիւանի դրան...:

Բայց երբ խօսք խնդրեցի շարունակելու ասելիքս, ծերունագարդ Ս. Հայրապետը արդէն վրդովւած էր ներքին բուռն յուզմամբ. ուստի թիկն գալով բարձերին, լռութեամբ մեկնեց ինձ իր աջը՝ և ես շտապեցի համբուրելու արդէն ցամաքած օժեալ հայրապետական աջը՝ դուրս եկայ դէպի զիւանատուն: Դիւանապետին ցոյց տալով վերոյիշեալ հեռագիրը՝ խընդրեցի գիտնալ թէ Դիւանից է անցել այս հեռագիրը, բայց հայր Դիւանապետի խօսքը քարտուղարի ներկայութեամբ եղաւ այս, «Դիւանից՝ Վեհի կողմից այդպիսի հեռագիր տրւած չէ Բեսարաբիայի առաջնորդին»:

Այս կեղծիքի դէմ բողոքեցի Սինօղին. բայց տեսնենք գաղտնիքը ո՞րի փէշերի ներքոյ պիտի երևան դայ:

Ներսէս քահանայ Հերթեցեան» Մարտի 15. 1906 թ.

«Մշակի» 67-րդ համարում, Յուսիկ վարդապետ Զոհրաբեան՝ (Նահապետեանին ստորագրութիւն տուող ծառաներից մինը՝) որ այդ ժամանակ Դիւանապետն էր, շտապում է իւր խոստովանած ճշմարտութիւնը

մի կերպ ծածկել, բայց շատ անշնորհք լինելով «խաբեբայութեան կոտորը» դարձեալ դուրս է մտում: Յիշեալ վարդապետը հեռագրում է այսպէս, «Էջմիածին՝ մարտի 27.

Հեռագրով:

Ներսէս քահանայ Հերթեցեանցի համակի առիթով, որ գետեղած էր «Մշակի» № 61-ի մէջ, Ամենայն Հայոց Վեհափառ Կաթողիկոսի զիւանատունը յայտարարում է, որ Ներսէս քահանան Էջմիածին էր կանչւած Նորին Վեհափառութեան սեփական ստորագրութիւն կրող հեռագրով, Կաթողիկոսական կրնքով Նախիջևանի և Բեսսարաբիոյ թեմական առաջնորդի անունով, վերջինի հեռագրական խնդիրքով և յայտարարութեամբ:

Դիւանապետ՝ Յուսիկ վարդապետ»:

Մատաղ Յուսիկ վարդապետի հեռագիրը պարզում է և այն, որ Հերթեցեան կոչւած է եղել միայն և ոչ թէ արձակւած Թէօդօսիայի քահանայութիւնից: Բայց թէ ո՞վ է գրել Հերթեցեանին Էջմիածին կոչելու հեռագիրը՝ կարծեմ ոչ թէ մի «մատաղ» Յուսիկ՝ այլ նոյն իսկ 10 հասակ այլ և այլ Յուսիկներ չեն կարող ուրանալ, որ յիշեալ հեռագիրը Տփլիսում գրել է ոչ թէ զիւանապետ Յուսիկ, այլ «սրբազնագործ» Նահապետ եպիսկոպոսը որի պատճէնը կայ հ. Հերթեցեանի մօտ և զիրը Նահապետ եպիսկոպոսինն է: Չենք զարմանում, որ Նահապետեանի զրած հեռագրի վրայ ձեռք կարող է դրած լինել և զառամեալ Կաթողիկոսը՝ և կնիքն էլ խփած կ'լինի պ. Սորէնը: Այլ մենք զարմանում ենք, որ Նահապետեանի պաշապան Յուսիկ վարդապետը՝ չի ուրանում Վեհափառի ասած խօսքերը Հերթեցեան քահանային՝ թէ «ես Ձեզ չեմ կանչել, և ինչո՞ւ պիտի կանչէի»:

Խնդիրը շատ պարզ է, որ Նահապետեան և ընկերութիւն խաբեբայութեամբ կորզել էին և Հայրապետական կնիք, և ստորագրութիւն Հերթեցեան քա-

հանային տանելու Էջմիածին: Տանելուց յետոյ յանկարծ անաէր արդարութիւնը մէջ տեղ է եկել և նախանձախնդիր եղել բնածին օձին: Վեհափառ Հայրապետը, բարձր ձայնով ասել է եկած քահանային. «ես Ձեզի կանչած չեմ, և ինչո՞ւ պիտի կանչէի»: Արդարև, եթէ Վեհափառը կանչած լինէր, զոնէ մի նպատակ պիտի ունենար այդ կոչը. կամ քննութիւն և կամ վերջապէս պատիժ: Բայց որ ոչ քննութիւն է տեղի ունենում և ոչ պատիժ, սա արդարացնում է ծերունագարդ Հայրապետի խօսքերը՝ «թէ ինչո՞ւ պիտի կանչէի»: Ասում եմ, Դիւանի կամմարիլայի անբաղդութիւնը նրանումն է լինում, որ Նահապետեան Էջմիածնում չի լինում և հետեալպէս անփորձ և անուշադիր ձագուկները պատճառ դարձան մի «յայտնի» խտտակեաց Սրբազանի խայտառակելուն...:

Ափսոս քեզ Էջմիածին, ափսոս քեզ հայ ժողովրդի հոգեկան ամենաբուռն՝ և ամենավեհ ու նւիրական զգացմունքների տաճար, որ քո շուրջը՝ մարդասպանութիւնը կատարւում է աղօթքով և նւիրական զգեստների կամ փէշերի ներքոյ և խաբեբայութեամբ, և կեղծաւորութեամբ, և ստորութեամբ:

Ինչպէ՞ս օգտւել են զրանից հոգեկան անկեանքները և լոյս աշխարհում ապրելու անընդունակները, որոնք բացի սև նախանձից աւելի ոչինչ չեն ամբարել բաժանելու հայ ժողովրդին:

Ներսէս քահանայ Հերթեցեան Վեհափառի յատուկ ցանկութեամբ և Դիւանից տրւած ոռու լեզուով վկայականով անմիջապէս վերադառնում է Թէօդօսիա՝ քահանայազործելու: Այնուհետև Նահապետեան Տրփլիսից վազում է Էջմիածին՝ բայց բանը բանից անց է կեցած լինում: Դիւանապետ Յուսիկ Վարդապետի հեռագրական համակը դարձեալ գրում է հ. Հերթեցեան առանձին գրութեամբ. տես «Մշակ» № 78, և երբ Դիւանապետը փորձում է դարձեալ Կաթողիկոսութիւն անել, խիստ յանդիմանելով Վեհափառից՝ դառնում է ոռու բանաստեղծ Պուշկինի «ոսկէ ձկնիկ»

հէքեաթի ծովերի թագուհի և հրամայող «մագալու» պառաւը՝ և արտաքսուելով Դիւանապետութիւնից, նրատու՛մ է դարձեալ իւր վանականների դասը՝ ուր կատուներ և ազուաներ դարդ են կազմում «սւերի» շրջանում:

Հ. Հերթեցեանի վերադարձից յետոյ՝ անցնում է ստութեան և խարդախութեան շրջանը և վրայ է հասնում «անարդար քննութեան» և «մասնութեան մեծ շրջանը»:

է. ԳԼՈՒԽ.

(բովանդակութիւն).

Հ. Հերթեցեանի Թէօդօսիա վերադարձը: Աղաների դիմումը գեն. նահանգապետին: Ոստիկանապետ Սոպով և հ. Հերթեցեանի վերադարձի հաւաստիապալի պահանջերը: Աղաների յուզած գրութիւնը: Մազիրեան Ներսէս հայ ազգանունով գեներալի քսութիւնները: Բենիկ վ-ի Թէօդօսիա մտնելը և ներկայանալը գեն. նահանգապետին: Շտապակի-կապիտան Մ. Բաղդասարեան յանդիմանում է Բենիկին չարախօսութեան համար: Բենիկի հեռանալը Թէօդօսիայից: Առաջնորդի № 1313 հեռագիրը յանուն հ. Հերթեցեանի և առանձին գրութիւնը գեն. նահանգապետին: Գեն. նահանգապետի դիմումը Սինօգ: Հ. Հերթեցեանի աքսորւելը Ն. Նախիջևանի Ս. Խաչ: Սինօգի անգամ Բաբգէն վ-ի քննիչ նշանակւելը՝ Սատիկեան քահանայի փոխարէն: 90 հոգի ժողովրդի հեռագրով բողոքը առաջնորդի դէմ. «Մշակ» № 85. Տ. Բատամեանի նամակը. «Մշակ» № 100. Յովհաննէս քահ. Աբրահամեանի նամակը:

* * *

Մարտի 20-ին, Ամենայն Հայոց Կաթողիկոսի թոյլտուութեամբ էջմիածնից վերադառնում է հ. Հերթեցեան Թէօդօսիա՝ շարունակելու իւր պաշտօնը: Աղաների կատաղութեան ոչ չափ է լինում՝ և ոչ սահ-

ման Եւ իսկոյն դոքա դիմում են գեն. նահանգապետին յայտնելով, որ Հերթեցեան քահանան արդէն վերադարձել է և առանց թոյլտուութեան հոգևոր բարձրը իշխանութեան հրամանի: Հ. Հերթեցեանի մօտ իսկոյն յայտնուում է ոստիկանապետ Սոպով և ի միջի այլոց խնդրում է գիտնալ թէ հ. Հերթեցեան ունի՞ վերադարձի թոյլտուութիւն: Տէր Ներսէսը ցոյց է տալիս Վեհափառի Դիւանի հաւաստիազգիրը՝ (УДОСТОВѢРЕНІЕ) որից երևում է, որ հ. Հերթեցեան վերադարձել է քահանայապարծելու Կաթողիկոսի հաճութեամբ: Ոստիկանապետը ներողութիւն խնդրելով այդ անախորժ վարմունքի համար, հեռանում է: Բայց չարագործ աղաները ալէկոծ գրութեան ներքոյ՝ դարձեալ հնար են փնտռում հ. Հերթեցեանին հեռացնելու Թէօդօսիայից: Ուստի և պաշտօնաթող մի ինչ որ գեներալ մայեօր Մազիրեան Ներսէս հայ ազգանունով սկսում է զանազան տեսակ ստոր քսութիւններով փոխել ժամ. գեն. նահանգապետի ամենափոքր նպատակը կարծիքները հ. Հերթեցեանի նկատմամբ՝ համարելով քահանային «աւագակապետ», «տերօրիստներ» պահող՝ և պետական բոլոր կարգերին հակառակող: Նոյն բանը կրկնած է լինում «տխրահոշակ» Բենիկ վ-ը, որ այդ ժամանակ Թէօդօսիայում ժամանակաւորապէս ժամ է ասելիս եղել: Վարդապետի այդ «տգեղ» վարմունքը նկատել է գեն. նահանգապետի «ատիւտանդ» շտապակի-կապիտան Մ. Բաղդասարեան, որի առթիւ և բաւականին լուրջ վէճ է տեղի ունեցել: Հ. Հերթեցեանի Թէօդօսիա մտնելուց երկու օր յետոյ Բենիկը չքանում է. բայց Բենիկի կէսը կամ աւելի ճիշտ «մեծ-կտորը» այն է առաջնորդ Ներսէս Խուրավէրդեան, մոռանալով Ամենայն Հայոց քահանայապետի բարձր իշխանութիւնը, ոտքի տակ տալով արդէն ժողովրդի ձայնը ու բողոքը, ուստի անմիջապէս հետեւեալ հեռագիրն է ուղղում հ. Հերթեցեանին:

«Изъ Кишинева № 1313. 1906 г. Феодосію.

Священнику Нерсесу Эртевціану.

Предписываю, немедленно удалиться изъ Вы-
сочайше ввѣренной мнѣ епархіи.

Архіепіскопъ Нерсесъ».

(Թարգմանութիւն):

«Բիշնկից № 1313, 1906 թ. ի Թէօդօսիա:

Ներսէս քահանայ Հերթեցեանին:

Առաջադրում եմ անմիջապէս հեռանալ Բարձրա-
դոյնս ինձ յանձնուած թեմից:

Արքեպիսկոպոս Ներսէս»:

Միևնոյն ժամանակ, յիշեալ հայ արքեպիսկոպոսը հեռագրով դիմում է Թէօդօսիայի գեներալ նահանգապետին՝ բացազրելով պետական օրինաց միաբը, որ ինքը լինելով Բեսսարաբիայի հայոց առաջնորդը և հաստատուած լինելով Բարձրագոյն հաճութեամբ, գտնում է վերադարձող Հերթեցեան քահանային «անբարեյոյս՝» և վնասակար «բարեմիտ» հայ ծխականների նկատմամբ, խնդրում է օրինական միջոցներ ձեռք առնելու վերջնականապէս արտաքսելու Թէօդօսիայից Հերթեցեանին, գտնելով նաև քահանայի վերադարձը իւր կամքին հակառակ: Գեներալ նահանգապետը անմիջապէս դիմում է էջմիածնի Սինօզի և խնդրում շուտափոյթ հեռացնել Թէօդօսիայից Հերթեցեան քահանային, որպէս «անբարեյոյս՝ և զըրգոյն» մարդու: Սինօզը պատասխանում է, որ Հերթեցեան քահանան վերադարձած լինելով Կաթուղիկոսի կամքով, ուստի պէտք է դիմել անձամբ կաթուղիկոսին: Գեներալ նահանգապետը այս անգամ դիմում է Երևանի նահանգապետին, խնդրելով, որ վերջինս անձամբ համոզէ Վեհափառ Կաթուղիկոսին, Հերթեցեանին յետ կանչելու: Երևանի նահանգապետը դիմում է Սինօզի Պրօկուրոր Փրենգելին, որի շնորհիւ Սինօզը որոշում է Տէր Ներսէսին մեկուսացնել Նոր-Նախիջևանի Ս. Խաչ վանքը ց'առանձին կարգապրութիւն:

Հ. Հերթեցեանի էջմիածնում եղած միջոցին, Թէօդօսիայի ծխականների և ծխատէր քահանայի բողոքը քննելու համար, Սինօզի օրագրական կարգով որոշում է քննիչ և նոյն իսկ կարգում, Վլադիկաւկազի քահանայ Յակովբ Սառիկեան. և նոյն իսկ Սինօզը՝ ուղարկած է լինում բողոքները Աստրախանի Կոնսիստորիային՝ յանձնելու հ. Սառիկեանին. բայց եպիսկոպոս Նահապետեան, շատ լաւ գիտցած է եղել, որ իւր «հոգևոր ծնօղ» Ներսէս եպիսկոպոսը պիտի մերկանայ իւր խայտառակ գործերում և Նահապետեանի երեսն էլ պիտի «սպիտակի» ուստի շտապում է Կաթուղիկոսի մօտ, մի կերպ համոզում է Վեհափառին և հ. Սառիկեանի փոխարէն՝ նշանակել է տալիս քննիչ, Սինօզի անդամ Բաբգէն վարդապետ Աղաւելեանին, որը թէ իւր վարդապետական կոչումն՝ և թէ Սինօզի անդամութեան պատիւն ունենալու խնդիրներում՝ հոգով պարտական է Նահապետեանին:

Հայր Ներսէս ստանալով Սինօզի որոշումը, (հեռագրով իսկ) շտապելիս է եղել մեկնելու Ս. Խաչ: Այդ միջոցներում և գալիս է քննիչ Բաբգէն վարդապետը: Հայր Ներսէսի ծխականների մէջ սկսում է մի խորին վրդովմունք և անվերջ ատելութիւն դէպի «տարօրինակ» առաջնորդը: Ուստի դարձեալ ծխական ժողով, և այս անգամ մի մեծ և բառերի առատութեամբ հեռագրական բողոք են տալիս «Մշակ» և «Ալիք» լրագրերին: «Ալիքը», որի խմբագրական կազմը ինչպէս երևում է «խնամի-խնամի» խաղերի հետ է լինում, արժան չի համարում իւր «ազգայնական» էջերում տեղ տալ աշխատաւոր ժողովրդի բուն զայրոյթին և բողոքին, որովհետև այդ բանւորներից նրանց օգուտի աղբիւր չի եղել: Միայն «Մշակ» լրագիրը լսում է բողոքող ժողովրդի ձայնը՝ և իւր № 85-րդում տպագրւում է 90 տուն ծխականների բողոքը, որ նոյնութեամբ արտագրում ենք:

«Թէօդօսիայից 20 ապրիլի՝ թւով մեզ հեռագրում են.

«Տեղեկութիւն «Մշակի» խմբագրութեան:

«Բեսսարաբիայի թեմական առաջնորդ Ներսէսը, յունվարի 1-ին տաւրիկեան նահանգապետի միջոցով հեռացրեց մեր ծխական քահանայ Ներսէսին իր պաշտօնավարութիւնից, զրկելով մեզ հոգևոր մխիթարութիւնից:

Եկեղեցին փակուել է. ժամերգութիւնը դադարել է մենք մեր երեխաներով հանդերձ զրկուած ենք հաղորդութիւն ընդունելուց:

Այդ ժամանակ մեռած մի աղքատ պառաւ կին թողվեց առանց քահանայի: Բողոքեցինք 36 անգամ, հեռագրեցինք Կաթողիկոսին, Սինօզին և Պրօկուրօրին՝ բացաղբելով մեր դրութիւնը: Մարտի 20-ին հազիւ այստեղ եկաւ Սինօզի թոյլաւութեամբ հայր Ներսէս իր ծառայութիւնը շարունակելու, առաջնորդը երկրորդ անգամ պահանջեց հեռացնելու Ներսէս քահանային:

Այդ մասին՝ քահանան և մենք գեղուցինք Սինօզին: Եւ անհայդ պատճառով թեմական առաջնորդի գայրոյթը ամենա-անէղ չափերի հասաւ:

Ապրիլի 9-ին, № 1313 հեռագրով առաջնորդը հրամայեց Տ. Ներսէսին անյապաղ հեռանալ Բարձրագոյն իր իրաւասութեան յանձնուած թեմից: Բողոք ուղարկեցինք Սինօզին՝ Խուրափէրդեանի վրդովելի կամայականութեան դէմ: Քննութեան համար ուղարկուած է այստեղ Սառիկեան քահանայի փոխարէն՝ Բարզէն վարդապետը և այսօր առաջնորդի գրութեան հիման վերայ, ժամանակաւոր նահանգապետը յայտնեց Հերթեցեան քահանային, որ հեռանայ Թէօդօսիայից: Նորից բողոք ուղարկեցինք Սինօզ և թեմական առաջնորդի վարմունքը համարուած է հասարակութեանս իրաւունքների ուղղակի ոտնահարում, և արդարութեան ուրացումն անձնական կրքերի բաւականութեան համար:

Նորից փակուեց եկեղեցին և թող փակուած էլ մնայ

մինչև որ մենք չ'լսենք նրա մէջ նոր արժանաւոր, Քրիստոնէական ոգով ներշնչուած, օգտակար թեմական առաջնորդի անւան յիշատակութիւնը՝ Խուրափէրդեանի փոխարէն:

Ստորագրել են 90 հոգի:

Թէօդօսիայի ժողովրդի բողոքը արձագանք գտնելով աւելի կենսունակ քաղաքներից մէկում այն է Ռոստովում, պ. Տ. Բաստամեան՝ որը լաւ ճանաչելով Խուրափէրդեանին և իրաւացի կերպով զգուշացնելով նորա արարմունքից գրում է հետևեալը: (Տես «Մշակ» № 100):

«Ռոստով, ապրիլի 25.

«Մշակի» 85 համարում ի շարս հայութեան կեանք սղոցող հեռագրերի և տեղեկութիւնների, կարդացի նաև Թէօդօսիա քաղաքի հայ ժողովրդի 90 ստորագրութիւն կրող հեռագիրը՝ ապրիլի 20-ից:

Հեռագիրը՝ սոսկալի իրողութիւններ է պատմում: Բեսսարաբիայի հայոց առաջնորդ Խուրափէրդեան արքեպիսկոպոս Ներսէս, Թէօդօսիայի հայ ժողովրդին հոգեպէս մխիթարելու փոխարէն, ՚ի տրիտուր ժողովրդի տուած բարութիւնների 1906 թ. առաջին ամսից մինչև այժմ, որքան վրդովել է ժողովրդի հոգեկան ներքին կեանքը, որ ժողովուրդը այսօր զգուշացնում է յիշեալ եպիսկոպոսի անունը՝ լսել իր եկեղեցում:

Սա ցաւալի և շատ ցաւալի՝ երևոյթ է: Ես չեմ յիշում 50 տարւայ ընթացքում գոնէ մի առաջնորդի, որի անունը այս աստիճան զգուշի դառնար ժողովրդի համար: Խուրափէրդեան արքեպիսկոպոս Ներսէս, ինչպէս հանգուցեալ Բաստամեան վարդապետն է բնորոշել նրա էութիւնը՝ և որքան ես ինքս եմ ճանաչում, մի ողորմելի տգէտ մարդ է:

Մենք միշտ փայլել ենք այդ արտաքոյ կարգի տգէտներով. բայց այդ տգիտութիւնը՝ սոսկալի չարքների գուռ չէր բացել այնպէս, ինչպէս այսօր Թէ-

օգոսիսյում: Չորս ամիս շարունակ փակել եկեղեցիները, ժողովուրդը մեծ ու փոքր զրկել սրբութիւնից, մեռածները թաղել առանց քահանայի, քահանային աքսորել երկիցս սատիկանութեան և զինւորական իշխանութեան ձեռքով, սա ի՞նչ սոսկալի՝ և խայտառակ առաջնորդութիւն է?

Եւ այս բոլորը ինչո՞ւ համար:

Միմիայն յագեցնելու վարդապետ սևագլուխ և սևասիրտ մարդու բարկութեան ծարււր!

Ի՞նչպէս մի ծխատէր քահանայ համարձակուում է բնական աչքով նայել իր առաջնորդի սխալ արարմունքներին:

Առաջնորդը տուեց մի հրաման՝ սխալ թէ ուղիղ՝ քահանան իբրև ստորագրեալ, պէտք է հպատակուայի հրամանին. ապա թէ ոչ՝ Բարձրագոյն իշխանութեան հրամանով և ճիպտով՝ դ՛ուրս թեմից:

Եւ այսօր՝ Բեստարաբիայի առաջնորդ Ներսէս, այդպիսի մի ճիպտով վանել է Թէօդոսիայի հայոց քահանայ Ներսէս Հերթեցեանին, որը առաջնորդի սխալ արարմունքների մասին օրինական բողոք է ներկայացրել Սինոդին: Առաջնորդի կատաղութեան սահմանը կորել է էլ ոչ Սինոդ, ոչ էջմիածին՝ և ոչ էլ ժողովուրդ է ճանաչում Սուղավէրդեան Առաջնորդը:

Ես նւաստս, քաջ ծանօթ լինելով Սուղավէրդեանի բարոյական կեանքին և նրա առաջնորդական օգտակարութեան գործին՝ միացնում եմ իմ կատարեալ դժգոհութիւնը Թէօդոսիայի հայ ժողովրդի իրաւացի դժգոհութեան, յայտնում եմ անձայր զգւանք առաջնորդի այդ խայտառակ խաղին:

Տ. Բաստամեան»:

Հրապարակական այդ դատափետումներից առանձին, հ. Ներսէս ստացած է լինում տասնեակ միութարական և յուսադիր նամակներ՝ բացի հայ գրագէտներից՝ նաև Թէօդոսիայի և Կերչի շրջանի ժողովրդական դպրոցների վերատեսուչ պ. СИМЕОНЪ ИЛЬИЧЪ Марковъ-ից և Միմֆերոպոլի յայտնի իրաւարան

և հրապարակախօս ЛЕНОНИДЪ ЯКОВЛЕВИЧЪ Айзенштейнъ-ից, որոնցից թոյլաւութիւն չունենալուս պատճառով չեմ կարող հրատարակել նոցա նամակները: Բայց ամենից հետաքրքիր և առանձին ուշադրութեան արժանի գրութիւն է Բեստարաբիայի վիճակի Հնչեշտ քաղաքի Տէր Յովհաննէս քահանայ Աբրահամեանի (բարձրագոյն կուրսերում լսած) հետեւալ նամակը ուղղած հ. Հերթեցեանին:

1906, Ապրիլի 23, Հնչեշտ (Բեստարաբիա):

«Սիրելի և Յարգելի տէր Ներսէս!

«Չ՛գիտեմ ի՞նչպէս կամ ինչո՞վ յայտնեմ իմ հիացմունքը քո եզակի քաջութեանդ համար՝ առաջնորդի և ընկերութեան ազեղ՝ և ստոր արարքների վերաբերմամբ: Այժմ անչափ հետաքրքրական է քահանայ Սատիկեանի քննութեան արդիւնքը և դրա հետեանքը: Արդեօք կադատուենք քո ջանքերի շնորհիւ այս նեխլած վարչութիւնից: Վանքապատկան կալածի (Հայկական շրջապատը Քիշնևի) գործը, որ նոյնպէս պէտք էր հրապարակ հանել, մնաց մոռացւած մինչև օրս: Հայ ընկերութեանը մերժեցին տալ կապալով (տարեկան 24,000 ռ. վարձով), բայց ավեցին հրէտներին, որոց ներկայացուցիչը 12,000 ռուբլու... ներկայացրեց առաջնորդին ու կոնսխստորիային՝ և վերջրեց կապալը նոյն 24,000-ով: Հայերը շատ դժգոհ են այդ օրից սկսած թէ առաջնորդի, թէ քարտուղարի՝ և թէ վարիչ անդամների դէմ, վերջիններից որոնցից մինը՝ զեկտեմբերին (1905 թ.) անձամբ ինձ հետեւալն էր ասում քո մասին. «այդպիսի աւագակ, բունդով շէկ քահանայի... կ'տեսնես, ինչպէս դուրս կ'քշենք մեր թեմից. արդէն սրբազանը վճռել է այդ...: Բայց խոփը բարին առաւ: Երանի թէ ազատէինք քո շնորհիւ այս 4 վարիչներից: Արդեօք կ'տեսնենք այդ ցանկալի օրը: Ողջոյններ տանեցոցդ: Անկեղծ յարգանք՝ Յով. քահ. Աբրահամեան:

Յ. Գ. վերջապէս մեր ժողովրդի աչքը բացուում է»:

Ը. ԳԼՈՒԽ.

(բովանդակութիւն).

Քննիչ Բաբգէն վ-ի Թէօզօսիա հասնելը: Ժողովրդի տածած յոյսը: Սիմ. Չորայեանի խօսքերը քննիչին ներկայանալիս: Բաբգէնի խորամանկ վարմունքը: Սուբաշեանի գործի տևումը Չ շաբաթ: Քննիչի քէֆը հ.-Ղրիմում: Հ. Հերթեցեանի որդու հիւանդութիւնը: Ժողովրդի խնդիրը՝ յետ կոչելու հ. Հերթեցեանին քննութեան: Բաբգէնի մերժումը, խաբելով իբր թէ՛ Սինօղից իրաւունք չ'կայ: Հ. Հերթեցեանի գիմումը Սինօղ՝ և Մ. վարդապետի պատասխանը: Հայր Հերթեցեանի որդու հիւանդութեան վտանգաւոր բնաւորութիւնը: Տէր Ներսէսի ճանապարհուելը Ս. Խաչից դէպի Թէօզօսիա: Հ. Ներսէս գտնում է մեռած իւր որդուն: Բացում է քննիչ Բաբգէն վարդապետի եղբոնագործութիւնը՝ բժշկի № 35-րդ վկայագրից յետոյ: Հ. Ներսէսի որդու թաղումը: Ժողովրդի բողոքը՝ այդ մարդասպանութեան դէմ— «Մշակ» № 119: Բաբգէն աշխատում է արդարանալ: Բացում է քննիչի կեղծութիւնը և խաբելալութիւնը՝ գեներալ նահանգապետին գրած թղթից յետոյ:

Ապրիլի 22-ին հ. Հերթեցեան գնացած է լինում Ն. Նախիջևանի Ս. Խաչ վանք, իսկ քննիչ Բաբգէն վարդապետը՝ արդէն Թէօզօսիայումն է լինում:

Ճանշած ծխականները՝ մեծ ու փոքր շրջապատում են հոգևոր քննիչին, յուսալով որ այդ հոգևորականը՝ գոնէ իբրև Սինօղի անգամ պիտի կարենայ արգարութեամբ քննելու իւրեանց բողոքը՝ անձնատուր չ'լինելով այս կամ այն աղայի քմահաճոյքին: Սակայն տեսնելով վարդապետի գոյնը, փորձած մարդիկ իսկոյն գուշակում են, որ քննիչ վարդապետը շուտով խաղալիք պիտ գառնայ աղաների ձեռքին և նոցա գրպաններին երկցս անգամ համբոյր տալով, պիտի աւելի խճճէ գործը՝ և փախչի: Ուստի

և ծխականներից մինը՝ մի բաւականին ազատախօս երիտասարդ, լուսանկար պ. Ս. Չորայեան, վարդապետին ներկայանալու «Եւրոպա» հիւրանոցում, բազմութեան նիրկայութեամբ ասում է հետեւեալը: «Հայր սուրբ, թոյլ տւէք յայտնելու Ձեզ, որ մեզ մօտ որքան հոգևորական քննիչներ են եկել թէ մօտերքս և թէ առաջներում, այս տանջւած ժողովրդի բողոքները լսելու «աղաների» հարստահարութեանց դէմ, դարձեալ մենք աշխատաւորներս ենք սուտեղ, որովհետև քննիչների սիրտը չենք կարողացել շահել: Իսկ ամեն ինչ տակն ու վրայ անող «աղաները» մնացել են սուրբ և մաքուր: Ես լաւ ճանաչելով մեր աղաներին, նրանց հնարագիտութիւնը, համոզւած եմ, որ պիտի սուտենք, մեր բերանը արդէն այրւել է նոցա եփած կերակրից...»:

Մրա հանդէպ՝ վարդապետը կեղծ ու պատիր ձեւերով պատասխանում է, որ իւր համար՝ «հարուստ» և «աղքատ» չ'կայ. բոլորեքեան էլ մի են՝ և նա եկել է արդար քննութեամբ վերականգնելու արգարութիւնը: Աղքատները բաւականին ուրախացած են լինում սրանից՝ իսկ «աղաները» ըստ սովորականի «ուռել են» և թթու երես են ցոյց տուել քննիչին: Նոյն իսկ գեներալ Մազիրեան և միջին դասակարգի կողմը անձանց նախկին երեցփոխ հ. Արութեանը՝ բաւականին բարձր տօնով և վիրաւորական խօսքերով միմեանց ներկել են այդ ժամին: Սակայն ժողովրդի յոյսը և սպասելիքը շատ կարճ ժամանակում գործընթանում է, քննիչ վարդապետը արդէն «աղաների» կարգով սեղաններից յագեցած, յետ է դնում, իջեցնում է իւր երեսի դիմակը, որը «խրատական սաղմոսներով» հացրել էր Բաբգէնի երեսին հայոց ազգի ապագայ կաթողիկոսացու նահապետեան եպիսկոպոսը: Ուստի և Բաբգէն վարդապետը զիմակաւորւած մտնում է Թէօզօսիա, սկսելով գործը բաւականին խորամանկութեամբ:

Սկսում է այցելել միջին դասակարգի աչքի ընկ-

նոյ անձնաւորութեանց աներր: Կորզում է նոցանից բաւականին գաղտնիքներ և նախազգուշացնելով աղաներին. քննութեան ժամերին խառն ու փնթոր հարցերով այնպէս է մոլորեցնում բողոքատու բանւորներին, որ վերջինները ուղղակի «արձան» են կտրւում: Այդ աջող բողոքներում քննիչը՝ աղաների ներկայութեամբ սկսում է յանդիմանութիւն կարգալ բանւորներին, զրկելով շատ տեղերում նոցա իւրեանց ասելիքը ապացուցանելու հնարաւորութիւնից:

Բողոքատու երէցփոխ Սուբաշեանի բողոքը որ արդէն մտած է եղել տեղական հաշտարար գատավորի իրաւասութեան ներքոյ, դառնում է Բաբգէն վարդապետի յատուկ ուշադրութեան խնդիրը: Ուստի, ուղիղ երկու շաբաթ այդ հոգևոր քննիչը սկսել է յոգնեցնել վկաներին տանելով և բերելով, որպէս զի կարենայ զիանալ թէ Սուբաշեանին ծեծողը Գէորդ անունով երիտասարդն է եղել ծեծող իւր սեփական համոզմունքով թէ Տ. Ներսէսն է թելադրել: Եւ այդ անում է դեռ այն ժամանակ, երբ երիտասարդ Գէորդը՝ խաչի և աւետարանի մօտ երգմամբ ասում է քննիչին, որ ինքն է ծեծել Սուբաշեանին իւր ներքին անբաւականութեան պատճառով առանց սրա կամ նրա դրդմամբ կամ թելադրութեամբ:

Երկու շաբաթից յետոյ, քննիչ վարդապետը նշանակում է հանգիստ: Երեք օր ժամանակով ընդհատելով գործը՝ վարդապետը գնում է Հին-Ղրիմ քէֆի...:

Եւ անա՛ այդ օրերում լուրջ կերպով հիւանդանում է հ. Հերթեցեանի որդին:

Երբ վարդապետը քէֆից դառնում է Թէօդօսիա, ծխականները յայտնում են այս՝ խնդրում են յետ կոչել Տ. Ներսէսին Ս. Խաչից գալու թէ տեսնելու որդուն՝ և սպա սկսել քահանայի ներկայութեամբ քննութիւն:

Վարդապետ քննիչը յայտնում է բողոքատուներին, որ ինքը իբրև քննիչ, լիազօրութիւն չունի հ. Հերթեցեանին յետս կոչելու, դա Սինօզի գործն է:

Խեղճ բանւորները հաւատ են ընծայում վարդապետի խօսքերին, դարձեալ դիմում են Սինօզ, խնդրելով թոյլ տալ քահանային վերադառնալու Թէօդօսիա և քննութեան գործին մասնակցելու իբրև բողոքատու:

Սինօզից պատասխան չի ստացւում: Ժողովուրդը՝ յուսակտուր մնում է շարած: Արդարադատութեան ճանապարհները բոլորովին փակած է լինում խեղճ ժողովրդի առաջ, որովհետև Սինօզի տէր ու տնօրէնը լինում է ընթերցողին արդէն յայտնի Ն. Նահապետեան, որ միևնոյն ժամանակ և անդամ էր Սինօզի: Ժողովրդից առանձին, Ս. Խաչից՝ հ. Հերթեցեան ևս դիմում է Սինօզ՝ և խնդրում է հնարաւորութիւն՝ յանուն արդարութեան՝ երեք օր ժամանակով մտնելու Թէօդօսիա և վկաների ներկայութեամբ ապացուցանելու աղաների զրպարտութիւնները: Սինօզը արդէն յատուկ քննիչ ուղարկած լինելով, անդամ ևս յայտնում է հ. Հերթեցեանին, որ դա Քննիչի գործն է, ուստի և Սինօզի անդամ Տ. Մատթէոս վարդապետը հեռագրում է Տէր Ներսէսին. «Изъ Эчмиадзина № 84 въ Нахичевань н.Д. священнику Эртевциану.

Обратись Θεодосію слѣдователю членъ Синода Архимандритъ Матеосъ».

(Թարգմանութիւն).

«Էջմիածնից № 84, Նախիջևան Դօնի վերայ:

Հերթեցեան քահանային:

Դիմիր Թէօդօսիա քննիչին:

Անդամ Սինօզի Մատթէոս վարդապետ»:

Բայց դարձեալ քննիչը պատասխան չ'տալով հայր Հերթեցեանի դիմումներին՝ չի կամենում նրան քննութեան կանչել: Այդպիսով, որքան աշխատել է քննիչը ծածկել իւր կեղծութիւնը և ստախօսութիւնը, բայց նա դարձեալ երևան է եկել և դեռ աւելի լու փաստերով, որ մենք կ'տեսնենք քիչ յետոյ՝ Քննիչի զրած պաշտօնական թղթում՝ յանուն Թէօդօսիայի գեն. նահանգապետի:

бернатору.

Въ качествѣ члена Эчміадзинскаго Армяно-Григоріанскаго Свят. Синода, на коего и возложено слѣдствіе по дѣлу о священникѣ Н. Эртевціанѣ, имѣю честь покорнѣйше просить Ваше Превосходительство разрѣшить названному священнику возвращеніемъ пребываніе въ Θεодосіи, какъ по болѣзни сына, такъ и полученія отъ него объясненія по обвинательнымъ пунктамъ.

Архимандритъ Бабкенъ.

19-го мая 1906 г. за № 7 Θεодосія.

(Թարգմանութիւն).

Նորին Գերագանցութեան՝

Թէօդօսիայի ժամանակաւոր գեներալ պ. Նահանգապետին:

«Որպէս անդամ էջմիածնի հայ-իռւսաւորչական Սրբազան Սինօզի, որին և յանձնւած է Հերթեցեան բահանայի մասով եղած գործի քննութիւնը, պատիւունիմ խոնարհաբար խնդրելու Ձերդ Գերագանցութեան թոյլ տալ յիշեալ քահանային վերադառնալու ու մնալու Թէօդօսիայում թէ որդու հիւանդութեան պատճառով՝ և թէ ստանալու նրանից բացազրութիւն՝ մեղադրական կէտերի համաձայն:

Բարգէն վարդապետ:

19 Մայիսի 1906 ամի թ. 7. Թէօդօսիա»:

Ի պատասխան յիշեալ խնդրի, գեն. նահանգապետը թոյլ է տալիս իւր № 104-րդ մայիսի 21-ի պաշտօնական գրութեամբ հ. Հերթեցեանին վերադառնալու, և հ. Հերթեցեան արդէն վերադարձած էր:

Ինձ թւում է, որ քննիչի վերոյիշեալ գրութիւնը որոշելով Բարգէն վ-ի իրաւասութիւնը, շատ գեղեցիկ կերպով բնորոշում է մեր շեշտած բացասական յատկութիւնները նոյն վարդապետի նկատմամբ, որով նա բոլորովին իզուր տեղը ահագին զրկանքներ է պատճառել բողոքատուներին, կրկնակի նեոագրերով Սինօզ դիմելու և ապա նպատակաւոր կերպով ու-

շարքել է իւր դիմումը նահանգապետին, չ'նայած, որ 7 օր առաջ նրան խնդրած են եղել հ. Հերթեցեանի որդու լուրջ հիւանդութեան մասին և հօր վերադարձի:

Այս յայտնի կեղծիքից և անսանձափայել արարմունքից յետոյ, տակաւին՝ այդ չնաշխարհիկ վարդապետը՝ շարունակելիս է լինում իւր խարդախութիւնը: Օրինակ, նախ փախչելով հրապարակական քննութիւնից, քննիչը չէ տուել հ. Հերթեցեանին մեղադրական գործի բոլոր պատճէնները, որպէս զի քահանան կարողացած լինի պարզելու այս կամ այն բողոքը իւր վկաների ցուցմունքով:

Թ. ԳԼՈՒԽ.

(բովանդակութիւն).

Նախայի հ. աղօթատան 500 ր. զգեստների խընդիրը և հոգաբարձութեան շնորհակալիքը հ. Հերթեցեանին: Բարգէն Նախայում: Նորա կազմած արձանագրութիւնը և նշանակած գինը զգեստների վերաբերմամբ:

Երդւեալ վկայ կեցօ Նայլիեանի բողոքը՝ քննիչի կեղծ արձանագրութեան մասին: Քննչի կամայական մակագրութիւնը Նայլիեանի վկայութեան նկատմամբ: Միջանկեալ խօսք: Նահապետեանի հեռագիրը № 201: Դժոխային կոնցերտի վերջին ակքորդը:

Բաւական չէ այն, որ հոգևոր քննիչ Բարգէն վարդապետ խոյս է տուել հրապարակական քննութիւնից, թևարկելով աղաների յայտնի բանակին, այլ նաև նպատակաւ քննական գեղծումներ է գործել և խոտորնակի ճանապարհներով աշխատել է բարդել հ. Հերթեցեանի վերայ մեղադրանքներ: Օրինակ այսպիսի մի խնդիր, 1905 թ. Սեպտեմբերի 16-ին, Նախաքաղաքի հոգաբարձութիւնը՝ ստանում է հ. Հերթեցեանից իւր յանձնած 500 ըուբլիով պատրաստել տուած եկեղեցական զգեստը և չ'զանելով այդ գործում զժգոհութեան մի որև է խնդիր, հոգաբարձութիւնը՝

իւր նախագահի միջոցով յայտնում է Տէր Ներսէսին շնորհակալութիւն իւր հոգատարութեան համար հետեւեալ գրութեամբ:

Պատճէն:

(Գրութիւնը գրված է հոգ. Ստեփանեանի ուսերէն բլանկով թղթի վերայ). Ծանօթ. հեղին:

«Ялта 16 սեպտեմբերի 1905 ամի:

Персидский и Кавказский
магазинъ
Н. С. Степанова
въ Ялтѣ.

Набережная ул. д. Стахѣва.

Отдѣленіе въ Алупкѣ.

Воронцовская ул. противъ
гостиницы «Россія».

Արժանապատիւ Տէր Ներսէս պատուական եղբայր:

Ձեր սրբութեան առողջութիւնը հարցնելն զկնի, դարձեալ ներողութիւն կը խնդրեմ ի սրբութենէ ձերմէ, որ այսքան ժամանակ Ձեր Սրբութեան նամակ չ'զրեցինք Դուք պէտք է որ մեզ ներէք: Մեծ շնորհակալութիւնը կը մատուցանեմք Ձեր սրբութեան այս զգեստների մասին և ահա պ. Գէորգից ստացանք հետեւեալ զգեստները հաշիւն հետ և մի լաւ օրինաւոր արկղի մէջ գրած:

- 10 հատ ձերմակ շապիկներ:
- 2 հատ մեծ լաւ օրինաւոր շապիկներ. (փարջայէ):
- 3 հատ շուշառ. (փարջայից 2-ը, 1-ը բարխատից):
- 3 հատ փորուրար. (փարջայից):
- 2 գոյգ բազրանդ. (նոյն):

Միայն ձերմակ թանկագին շուրջառին մէկ գոյգ բազրանտ չ'կար. բայց կարելի է որ պ. Գէորգը մոռացել է տանը. և ահա 6 բուբլի ալ փող տուինք պ. Գէորգին ճանապարհածախս և զրկեցինք եկաւ:

Մնամ յարգանք խոնարհ եղբայր ձեր՝
Յովհաննէս քահանայ Ղազարեանց:
Աղօթատուն հայոց»:

Անցնում է դէպքից ուղիղ մի տարի, յիշեալ զգեստները գործադրում են շարունակ՝ և հ. Ներսէս Հերթեցեան ոչ հոգաբարձութիւնից և ոչ երէցփոխից ստացած է լինում դժգոհութեան գիր: Սակայն երբ դալիս է յիշեալ քննիչը, նկատելով որ մի որոշ զգալի բան չ'կարողացաւ բարդել հ. Հերթեցեանի վերայ, մտնում է Եալտա, տեսնում է աղօթատունը, հետաքրքրւում է հ. Ներսէսի կարել տուած զգեստներով, և այդ տեղ ևս սարքում է իրեն յատուկ մի գործ, որից երբէք տեղեկութիւն անգամ չէ ունեցել հ. Հերթեցեան՝ մինչև էջմիածին գնալը:

Եւ ահա թէ ինչպիսի գործ:

Մի տարւայ գործադրելի զգեստները՝ այդ «երանելի» վարդապետը սկսում է գնահատութեան հանել հատ հատ, և արձանագրութիւն է կազմում՝ ստիպում հ. Հերթեցեանին շնորհակալութիւն յայտնող հոգաբարձութեան և քահանային ստորագրելու այդ արձանագրութեան ներքոյ, որ Ներսէս քահանայ Հերթեցեանի կարել տուած 500 ռ. արժէքաւոր զգեստը՝ արժէ 303 բուբլի՝ և 29 կոպ.: Եւ չ'նայելով, որ հ. Հերթեցեան մի առ մի հաշիւն էլ է զրկած լինում զգեստների հետ: Բայց «իմաստնագոյն» վարդապետը, չի ընդունում այդ հաշիւը և իբրև Սինօդի յայտնի «չլեն» հրամայում է ճանաչել այն իւր կամեցածի պէս՝ այն է 303 ռ. և 29 կոպէկ: Երեք հարիւր և երեք բուբլի լինելով մի զգալի գումար, մի կերպ դարձեալ հասկանալի է. բայց այդ անտէր 29-ը կողարձեալ հասկանալի է. բայց այդ անտէր 29-ը կողարձեալ չի հասկացում ինչ մնացորդ է: Հաւանական է, որ վարդապետը հրէական իմաստութեամբ «մետաքս է» վաճառք հանել և 29 կոպէկը մի «գօլօտնիկի» գին է!?! Եստ պարզ է և միանգամայն հասկանալի, որ հոգևոր քննիչը՝ ուղղակի թելատրուած է մտել իւր պատասխանատու գերում և շատ զգալի կերպով

արդարութեան շուրջը խաղեր է յօրինել. մի կողմից ցոյց տալով իւր վաղեմի թշնամութիւնը և Հերթեցեանի դէմ, մի այլ կողմից իւր կատարեալ անձեռնհասութիւնը քննական՝ և իրաւագիտական խնդիրներու մ: Բաւական չէ այն, որ յիշեալ Բաբգէն վ-ը, մի երկու տարի օրինակի խաթեր համար, Սարկովայում աէրաէրութիւն է արել և երբեմն երբեմն ազատ ունկնդրութիւն է ունեցել որպէս թէ իրաւագիտութեան կուրսերում: Դրանով Բաբգէն վարդապետը՝ (որ յայտնի է եղել Էջմիածնի ձեմարանական դասնթացում որպէս անընդունակ և վատ սովորողներից մինը գեւ խաւարամիտ ուղղութեամբ) չի դառնում իրաւագէտ՝ որին և յանձնում է լուրջ գործի ձեռնամուխ լինելու պատիւը: Միջանկեալ շեշտում եմ, որ եթէ Յ. քահանայ Սառիկեանը մնար քննչի պաշտօնում, նախ Ձ ամիս քէֆ չէր անի Թէօդօսիայում աւելի զրգոելով ծխականներին աղաների դէմ՝ և ապա գործը բարեխղճօրէն՝ առանց միակողմանութեան և օրինական ձևով քննելուց յետոյ՝ և օրինական կարգով աւարտում տւած կ'լինէր գործին: Եւ իրօք, այնպիսի ծիծաղելի ձև չէր լինում ստացած Սինօզ մտած քննական գործը՝ ինչպէս այն եղել է այսպէս: Քննիչ վարդապետը քննական գործից առանձին և տալիս է իւր եզրակացութիւնը, առանձին թղթով և «պունկտերով»: Հայր Հերթեցեան լինելով Էջմիածնում, դատախազի թոյլտուութեամբ աչքից անց է կացնում հոգևոր քննիչի ներկայացրած գործը՝ և յանկարծ նկատում է և քննչի առանձին եզրակացութիւնը: Բաւական չէ, որ քննիչը իրաւունք չ'պէտք է համարած լինէր տալու իւր եզրակացութիւնը, քանի որ ներկայացրել էր ամբողջ քննական գործը՝ և եզրակացութիւնը կամ վճիռը կախւած է լինում այդ դէպքում Սինօզի յատուկ նիստից, որին և ներկայ լինելու չէ քննիչը, Բաբգէն վարդապետը աւելի յայտնի կացուցանելու համար իւր «միակողմանի» եղածը ներկայացնում է և իւր եզրակացութիւնը դնելով այնտեղ

ցուցումներ, որոնք չեն եղել նոյն իսկ քննական գործում:

Եւ դրան հետեւել է մի անագին շարք բողոքներ: Հայր Հերթեցեան քաղածքներ բերելով քննական գործից ցոյց է տուել քննչի կատարեալ անհեթեթութիւնները, քննական կեղծիքները, իսկ վերջինս բողոք է տալիս Սինօզին և. Հերթեցեանի ոճի՝ լեզուի և գրութեան դէմ գտնելով այնտեղ վիրաւորական ձևեր՝ խնդրում է Սինօզին պատժել բողոքատու քահանային:

Եւ Էջմիածնի Սինօզն էլ՝ թոյլ է տւել այս վերաբերմունքը երկու կողմից շարունակելու ուղիղ մի ամիս: Այստեղ իրականանում է ժողովրդի այն սացւածքը, թէ «ակօսի ծռութիւնը՝ մեծ եղանիցն է»:

Էջմիածնի Սինօզը տակաւին կարիք ունի իսկապէս հասկանալու և գիտնալու. նախ իւր իրաւասութեան սահմանը՝ և ըստ այնմ տալու հրահանգ և կամ վճիռ այս կամ այն գործին, որը իւր իրաւասութեանն է վերապահւած ըստ պետ. օրինաց: Եւ մեր ասելիքը՝ բոլորովին արդարացնում է Սինօզի այժմեան փաստաբան պ. Գ. Ենգիբարեան՝ 1906 թ. № 4-րդ «Հովիւ» շաբաթաթերթում՝ «ս. Էջմիածնի շուրջ» վերնագիր յօդւածում ուր 'ի միջի այլոց յիշւած է հետեւեալը: «Լինում են դէպքեր, երբ Սինօզը մտնում են գանգատներ կամ պատշաճաւոր հոգևոր իշխանութիւնների կողմից տեղեկութիւններ այս կամ այն պաշտօնեայի գեղծումների մասին, որոնք քրէական օրէնքներով պիտի դատուին: Այսպիսի դէպքերում օրէնքներով պիտի դատուին: Այսպիսի դէպքերում մի որ և է քահանայի կամ վարդապետի միջոցաւ, որոց կատարած քննութիւնները ըստ մեծի մասին շատ պակասաւոր են լինում և ծիծաղելի»:

Հաւանական է, որ պ. Ենգիբարեանը 'ի միջի այլ քննական գործերի, տեսած է եղել և Բաբգէն վարդապետի կատարած քննութիւնը Թէօդօսիայում՝ ուստի և չէ թաքցրել իւր զարմանքը:

Կրկնում եմ, Բաբգէն վարդապետը գոյութիւն

Հառած բողոքներից՝ ինքն է բողոքել կամ բողոք կազմել և ինքն էլ իւր բողոքը քննել ու եզրակացութիւն դրել: Այլապէս՝ Նալտայի հայոց աղօթատան 500 ռ. զգեստների մասին բողոքը ծնունդ չէր առնի:

Նոյն ձևի նպատակաւոր բողոք է՝ Ներսէս արքեպիսկոպոս Խուզալէրզեանի սկսած գործը հ. Հերթեցեանի դէմ՝ սրանից 4 տարի առաջ Լուզանսկ քաղաքում հանգանակած յօգուտ կարմիր խաչի զըրկած 292 ըուբլու պատմութիւնը:

Ներսէս քահանայ Հերթեցեան 1903 թւի վերջին ամիսներում՝ Լուզանսկ քաղաքում, մի ուրախալի երեկոյթում հանգանակում է տեղական աղօթատուն համար գանգալներ առնելու համար 100 ըուբլի: Փողը արևում է պ. Յակովբ Թովմասեանի մօտ պահելու: 1904 թ. յունվար՝ թէ՛ փետրվար ամիսներում հանգանակվում է Հեռաւոր Արևելք գնացող զինուորների ընտանեաց համար փող Լուզանսկի հայերի շըրջանում: Հաւաքում են քահանան և երէցփոխը և պ. Ս. Սափարեան, 192 ըուբլի: Եւ որովհետև այդ ժամանակ ինչպէս ամբողջ Ռուսաստանում՝ և այնպէս էլ Լուզանսկում՝ իւրաքանչիւր ազգ և ժողովուրդ կամենում է մի զգալի գումարով օգնութեան հասնել տառապեալ ժողովրդի տառապեալ մնացած ընտանիքներին, զրա համար հայերի մէջ (տեղական) ևս միտք է ծագում մի որոշ գումար ուղարկելու նահանգապետին՝ ի սնօրէնութիւն այն նպատակի համար, որի համար և գումարել են փողը: Ուստի Լուզանսկի հայերի խորհրդարանում, այն է պ. Եղիա Քուչարեանի խանութում ըստ սովորական կարգի հաւաքւում են հոգաբարձուներից երեք հոգի և ծխականներից երկու՝ և երկար ու բարակ խօսելուց յետոյ, որոշում են պ. Յ. Թովմասեանի մօտի 100 ըուբլին էլ աւելացնել այդ հանգանակած 192 ըուբլու վերայ և ըստ այնմ մաղթանք կատարել ուսաց գէնքի յաղթութեան համար, հրաւիրել քաղաքագլխին և ապա այդ գումարը յանձնել նրան՝ կամ նրա խորհրդով

կարգադրել:

Հայր Հերթեցեան համաձայն չի լինում 100 ըուբլին առնելու. այլ յորդորում է նորից փող հաւաքելու ուժքեր որ ցանկանում են առատ նւէր ուղարկելու: Ծխականներից մինը՝ առաջարկում է, «քանի որ 100 ըուբլին մատեան մտած չէ, քանի որ մենք դահա սեփհական աղօթատուն չունենք նէ, զանգերի համար դահա կանուխ է ստակ ժողւելը. իմիս կարծիքովս՝ եկէք ПИСЬМЕННО (գրաւոր) հարցնենք ստակ տւողների կարծիքը. եթէ համաձայն ըլլան նէ 100 ըուբլին կը աւելացնենք 192 ըուբլու վերայ. չէ՛ չուզեն նէ, այն ատեն կ'նայենք»:

Հայր Հերթեցեան յուսալով, որ 100 ըուբլու նւիրատուները չեն համաձայնի տալու յիշեալ գումարը այլ նպատակի, կազմում է ցուցակ՝ նւիրատուների՝ և գրում է ուսւ լեզուով իւր դիմումը նւիրատուներին՝ հարցնելով նորանց կամքը: (Որովհետև հայերէն չեն հասկանում եղել):

Իսնից դուրս է գալիս, որ բոլորեքեանք, այն է 45 հոգի ընդգէմ երկուսի, վճռում են 100 ըուբլին տալ աւելացնել 192 ըուբլու վերայ: Դիմադրողները լինում են պ. պ. Պետրոս Մանուշակեան՝ և Յ. Յովհաննիսեան: Այդպիսով խնդիրն արդէն փակւում է և բոլորին յայտնի այդ որոշումը իւր ժամանակին կատարւում է:

Իսկ այսօր, 4 տարւայ այդ գործը, որ իւր բոլոր կողմերով վերապահւած է Լուզանսկի հայ հասարակութեան, յետին նպատակով դառնում է թեմական առաջնորդի իրաւասութեան խնդիր: Տէր-Ներսէս քահանայ Հերթեցեան զրկած է այդ գումարը իւր նպատակին և կամ ոչ՝ այդ հարցով պիտի զբաղւէին նւիրատուները որպէս իրանց սեփհական տուրք. իսկ փոքրիշատէ խեղբը զլիսին առաջնորդը անպայման պիտի իրեն հեռու պահէր քաղաքացիական և քրէական գործերում խառնելու միտումից, յարելով, որ դա մարմնաւոր իշխանութեան գործ է: Սակայն այդպէս

չէ վարւել Տէր Ներսէս արքեպիսկոպոս, որովհետև յիշեալ Արհին՝ փափագով տոչորւած է եղել հ. Հերթեցեանին արտաքսելու իւր թեմից, ուստի իւր ստոր նպատակների ծառայութեան գործում գտնելով ճալայից փախած մի ինչ որ Ստեփ. քահ. Պապայեանի, վերջինիս միջոցով սկսել է «հին յարգը քամուին» տալ:

Բայց որքան առաքինի, բարեխիղճ և արժանի առաջնորդական կոչումի անհատ կ'լինէր Խուրապէրտեան, որ միմիայն կեդրոնացած լինէր իւր թեմական իշխանութեան օգտաբեր գործերում և գոնէ «կորիզի» մեծութեամբ մի օգտակար և բարի գործ կատարելով՝ անմահ Ներսէսների անունը չ'մրտաէր այնպէս, ինչպէս Բաբգէն և Բենիկ վարդապետները հայ մարդու՝ և հայ վարդապետի անունը:

Այս միջանկեալ պատմութիւնից անցնելով, ես արձանագրում եմ Բաբգէն վ-ի քննական գործի ակնյայտի գեղծումները, լրացնելու այդ քննիչի կատարած գործի մեծութիւնը:

Քննական գործի երգւեալ վկաներից պ. Կեցօ Յայրիեանի ցուցմունքը, որ Տէր Ներսէս եկեղեցում քարոզելիս խօսեց միայն ճշմարտութեան և նորա յաղթանակի մասին և ուրիշ ոչինչ, քննիչը՝ իւր Ա-րդ արձանագրութեան մէջ գրում է. «որ Տ. Ներսէս մեզ զրգոնց հարսանների դէմ»: Եւ երբ հ. Հերթեցեան ստանում է այդ ցուցմունքների պատճէնները, Կեցօ Յայրիեան հետաքրքրւում է զիտնալ թէ ինչպէ՞ս է արձանագրել իւր ցուցմունքը հ. քննիչը՝ տեսնում է որ բոլորովին այլ բան է արձանագրել և հակառակ ոգով, ուստի գնում է անձամբ քննիչի մօտ՝ և բացաղբութիւն պահանջում, պնդելով, որ գրւի այնպէս, ինչպէս ինքն է ցոյց տուել: Քննիչը դէս դէն ընկնելուց յետոյ՝ յայտնում է բողոքատուին՝ իւր ձեռքով գրելու ցուցմունքը: Այս արդէն ապացոյց է եղած, որ քննիչը գտել է բողոքատուի պահանջը իրաւացի և խոյս ապագայ տարածայնութիւնից միջոց

է տւել վկային իւր ասելիքը ասելու ազատ խղճի մտօք: Վկայ Յայրիեան գրաւոր կերպով ներկայացնում է իւր ասելիքը անձամբ: Քննիչը ստանում է այն իբրև վկայութիւն, իբրև գործ՝ և վերջը, երբ Կեցօ Յայրիեան հեռանում է, նոր ցուցմունքի վերայ աւելացնում է «Չճանաչել սոյն վկայութիւնը օրինաւոր, որովհետև քահանայի թելադրութեամբ է եղած»: (Տես երես Սինսօղի քննական գործի 127-րդ):

Կարծում եմ, որ ընթերցողը իսկոյն կ'նկատէ, որ քննիչ վարդապետի այդ ձև արարմունքը կամայական մի յիմար տղայական խաղ է. և անկարծիք, այդպիսի տղայական խաղեր կարող է սարքել միմեայն Բաբգէն վարդապետը, որը շատ խակ է իրաւագիտութեան մէջ և համարեա ոչինչ չ'գիտէ՝ իսկ անաչառութեան և ազնիւ գործերում՝ այդ վարդապետը աչքի է ընկնում իւր բացասական և մոլթ կողմերով:

Եթէ յիշեալ քննիչը ունենար փորձառութիւն, նա կամ պիտի ընդունէր նոր վկայութիւնը առանց զանազան մակագրութիւններով և կամ կարող էր չ'ընդունել՝ ասելով վկային, որ բողոքէ Սինսօղ և նոր քննութեամբ կ'պարզէր ամեն ինչ:

Այս ակնյայտի խարդախ վարմունքից յետոյ մենք տեսնում ենք որ քննիչ վարդապետը ամենաանարգաբար ծաղրել է ժողովրդին, նշանակութիւն չ'տալով նորա մի շարք բողոքներին, ծածկելով և չ'քննելով հետևեալ բողոքատու խնդիրները, որոնք Սինսօղը յանձնել էր յիշեալ վարդապետին քննելու:

Ահա այդ կէտերը:

Ա). Չէ քննել առաջնորդի դէմ եղած բողոքները:

Բ). Չէ քննել և չէ պահանջել Սուբաշեան երէց-փոխի 1905-906 թ. տարեկան չ'ներկայացրած հաշիւները:

Գ). Չէ քննել նօտար Մարտիրոս Չայցեանի ապօրինի վարմունքը, որ յիշեալ պարոնը 3500 ըուբլի

ինքնագլուխ կերպով վաճառել է Ս. Սարգիս եկեղեցու գրամը՝ հանգուցեալ Յովհաննէս Այվազովսկու կտակով թողած անձեռնմխելի 50,000 ռուբլուց:

Դ). Չէ քննել Ղազարոս Բէրբէրեանի 100,000-ի հասնող կտակի կամայական գործադրութեան դէմ եղած բողոքները:

Եւ երբ անձար մնացած ծխական ժողովուրդը իւր ծխական լիազօր ներկայացուցչի՝ այն է պ. Յարութիւն Թերզեանի միջոցով բողոքում են Սինոդ Բարզէն վարդապետի այդ անիրաւացի վարմունքի դէմ՝ խնդրելով Սինոդին, որ վերջինս հրամայէ վարդապետին մի առ մի քննելու ժողովրդի բողոքները, ահա այդ վերջին պահումն ևս լսում է Նահապետեանի ձայնը Սինոդից, որը պատասխանում է խեղճ ժողովրդին հետևեալը:

«Изъ Эчмиадзина № 201, 31-V. Θεοδοςίω Τερζιεύу.

Синодъ не находитъ возможнымъ стѣснять свободу слѣдователя.

Членъ Синода Епископъ Нахапетъ».

(Թարգմանութիւն).

«Էջմիածնից՝ № 201, 31-V. Թէօդօսիա Թերզեանին:

Սինոդը չի գտնում հնարաւոր՝ քննիչի ազատութիւնը ճնշելու:

Անդամ Սինոդի՝ Նահապետ եպիսկոպոս»:

Այս արդէն դժոխային կոնցերտի վերջին աքկորդն էր, որից յետոյ Բարզէն վարդապետը յայտարարում է քննութիւնը վերջացած և ինքը որպէս թէ արդէն յոգնած այդ աննզին գործերից և տանջւած, մի ամիս էլ աւելի շարունակում է մնալ ՚ի հաշիւ ժողովրդի Թէօդօսիայում՝ Սև ծովի լողարաններում և միջնոց երեկոներում ծովափնեայ էակների տեսքով... մխիթարում:

Ժ. ԳԼՈՒԽ.

(բովանդակութիւն).

112 տուն ծխականների արտաքոյ կարգի ընդհանուր ժողովը: Հրապարակով բացադրութիւն պահանջելը Յ. Քէֆչեանից իւր մեղադրական կէտերի նկատմամբ, որով Քէֆչեան հ. Հերթեցեանին զրպարտում էր: Քէֆչեան պապանձում է: Նոյն ժողովում արձանագրում է.— ա) արտաքսել ծխականների շարքից Յ. Քէֆչեանին և բ) ուսուցիչ Մ. Տարախչեանին արտաքսել տիրացութիւնից և ուսուցչութիւնից: Հ. Հերթեցեանի կրկին վերընտրութիւնը՝ 112 ծխականներով: Թէ ինչո՞ւ և ի՞նչ հանգամանքում հ. Հերթեցեան դիմած է հայոց եկեղ. կալւածքների կառավարիչ պ. Զիբօրդին: Զիբօրդի պատասխանը: Հ. Հերթեցեանի էջմիածին կոչւելը և Ստօլիպինի № 4271 գրութիւնը Ամենայն Հայոց Կաթողիկոսին:

Նախ քան քննիչ Բարզէն վ-ի հեռանալը, ամբողջ ժողովուրդը, որ մի լեռնացած և «դէզ առ դէզ» կատաղի մեծութիւն էր կազմել թէ քննիչի բոլոր արարքներից և թէ Յակովբ Քէֆչեան ծխականի ակնյայտնի զրպարտութիւնների պատճառով, որով այդ Քէֆչեան մեղադրելիս է եղել իրենց ծխատէր Տէր Ներսէս քահանայ Հերթեցեանին, գաղտնի նպատակով Տէր հօր մասին տեղեկութիւններ որսալով, ուստի ընտրում են 6 հոգուց մի ներկայացուցիչին, որոնք ներկայանալով քննիչին, առաջարկում են, որ բազաքի ամբողջ հայութիւնը հաւաքւած Ս. Սարգիս եկեղեցու բակում, սպասում է քննիչին, որի ներկայութեամբ կատարելու է մի յայտնի ակտ: Բարզէն վարդապետը զգալով բանի էութիւնը, այդ օրը խոյս է տալիս ժողովի գնալու, յուսալով, որ ծխականների լարւած վիճակը կ'թեթևանայ աստիճանաբար: Սակայն մի օր անց, դարձեալ նոյն բազմութիւնը, որի վերայ աւերացած է լինում և կանանց բազմութիւնը՝ միթխարի վեժնութեամբ սկսում են անց ու

դարձ անել Ս. Սարգիս եկեղեցու բաղում:

Դարձեալ նոյն պատգամաւորութիւնը կրկին ներկայանալով քննչին՝ խիստ պահանջ են դնում վերջնիս դպրոց գալուն և ծխական ժողովին ներկայ լինելուն:

Թէև ակամայից, բայց և այնպէս, Բարգէն իսկոյն պատրաստում է գալու, յարելով, որ ինքը կ'գնայ գէն. նահանգապետին զեկուցանելու ժողովի մասին՝ և թէ նահանգապետը կամք տայ՝ կ'գայ ժողովին:

Ծխականք գիտէին, որ էջմիածնի այդ Բարգէնը վերջերս խիստ շուտ շուտ «եղ ու մուսներ» է արել նահանգապետի մօտ, գնում է նորա բարեկամական քաղցր ժպիտը՝ և ՚ի դէպ՝ խնամակալ զօրքի պաշտպանութիւնը խնդրելու եթէ բան է, Թէօդօսիացիք կ'փորձեն վարդապետի սեպած կաշին սպիտակացնելու...:

Մի ժամից անց, գալիս է յիշեալ «քննիչը» և տեղ բռնում ծխական դպրոցում:

Ծխական ներկայացուցիչներ, պ. պ. Կ. Արուսեան, Յ. Թերզեան, Լ. Դրնակսիգեան, Ս. Չորայեան և Յ. Ղարիբեան՝ գրաւոր ներկայացնելով Յ. Քէֆչեանի բոլոր զրպարտական կէտերը քահանայի նկատմամբ, որ իբր հ. Ներսէս «քարոզել է անասուածութիւն», ծաղրել է սրբութիւնը, ժողովրդից փողեր է պահանջել արեան սպառնալիքներով, ինքնագլուխ երէցփոխ է ընտրել, ժողովներ և դասախօսութիւններ է ունեցել շարունակ՝ զրգռելով հասարակութեան, գնում են նաև քննիչի դիմաց Քէֆչեանի հետեւեալ հեռագիրը, որը յիշեալ բողոքատուն մայիսի 15-ին պատասխանով տրւած է լինում Ն. Նախիջևան պ. Յարութիւն Նալբանդեանին (անմահ Միք. Նալբանդեանի եղոր որդուն) հայր Հերթեցեանի մասով:

«Нахичевандонъ № 451 15-V.

Налбандіанцу.

Священникъ Нерсесъ Эртевцянь Сурпхачѣ

или окрестностяхъ, прошу сообщить секретно».

Кефчяну.

(Թարգմանութիւն).

«Նախիջևան-Դօն. № 451. 15-V.

Նալբանդեանցին:

Ներսէս քահանայ Հերթեցեանը Սուրբ Խաչոճմն է, թէ շրջակայքում, խնդրում եմ գաղտնաբար յայտնել:

Քէֆչեանին»:

Ընտրելով վարդապետին ժողովի նախագահ, ծխականները խնդրում են հ. նախագահին իսկոյն կոչել Յ. Քէֆչեանին գալու և հրապարակաւ ապացուցանելու իւր բոլոր հնարած մեղադրական կէտերը: Կոչում են և ուսուցիչ Տարախչեանին: Յ. Քէֆչեան շրջապատւած իւր երկու Դաշնակցական ողորմելի զինուորներով, կանգնում է ծխականների շարքը և գտնելով իրեն այդ դիրքում ոչ այնքան պատուաբեր՝ մօտենում է նախագահ վարդապետին և կամենում է զեռ առանձին աթոռ գրաւել, բայց ծխական ներկայացուցիչները զրկում են պ. Քէֆչեանին այդ պատուից: Ուսուցիչ Տարախչեան ծածկւում է:

Սկսում է հարց ու փորձ և պահանջում բացազրութիւն: Յակովբ Քէֆչեան աւելի վատթար վիճակում է զգում իրեն՝ բան վասակ Սիւնին և կամ Մեսրոպեան Արծրունին: Ուստի սկսում է կմկմալ, գունատուիլ և ապա ուղղակի պապանձւում է...:

Միայն մի հարցի նկատմամբ, այն է թէ ինչո՞ւ չէ՞մ զրգամամբ Քէֆչեան հեռագրով կամեցած է գիտնալ հ. Հերթեցեանի տեղը, «զրպարտիչը» պատասխանել է, «որ այդ իւր վիտնալու բանն է՝» և լռել է: Իսկ վերոյիշեալի մասին ոչ մի փաստ՝ կամ զբաւոր ցուցումն, ինչպէս ինքն է խոստացած լինում սկզբնում ներկայանալու վարդապետին. և այդ օրը մերկանում է իւր կեղծ ու պատիր զրպարտանքների զործում սև երես կանգնելով թէ արանց՝ և թէ կանանց մէջ:

Ծխական ժողովը՝ իսկոյն անցնում է գործի: Կազմում է 112 հոգու ստորագրութեամբ առանձին արձանագրութիւն՝ ուր մի առ մի թւելով յիշեալ Քէֆչեանի բոլոր բացասական կողմերը, միաձայն վճռում են. «ճանաչել բոլորովին արտաքսուած Ղարսի մեշչանին Յակովբ Քէֆչեանին Թէօդօսիայի հայ ժողովրդի անդամութիւնից չ'ընդունելով նրան և ոչ մի դէպքում հայ մարդկանց մէջ»: Բարբէն վարդապետը իբրև նախագահ ստիպուած է լինում իւր սրտակից բարեկամի դատավճռի ներքոյ տալ վաւերացումն, որ ուղիղ՝ իւր ներկայութեամբ 112 տուն ծխականները՝ կազմեցին յիշեալ վճիռը: Դէպքը տեղի է ունենում 1906 թ. յունիսի 4-ին: (Տես քննական գործ Սինօզի՝ երես 145):

Նոյն անձանց առանձին վճռով երկրորդ անգամ արձակուում է և արտաքսուում Թէօդօսիայից Աղէքսանդրապօլի բնակիչ Մկրտիչ Սարգսեան Տարախչեան, որ պատահաբար Թէօդօսիայում տիրացուի և ուսուցչի պաշտօն է վարելիս եղել: Արտաքսման պատճառները եղել են ա) գողութիւն, թէ ինչպէս յիշեալ ուսուցիչ պարօնը իւրացրել է 1905 թ. տօնածառից մնացած 13 բուբլին, բ) աշակերտներին շարունակ ծեծելը և գ) ուսուցչական կատարեալ անընդունակութիւնը:

Նոյն ժողովում բացւում է նաև այն՝ թէ ինչպէս նօտար պ. Մ. Գրիգորեան Չայցեան՝ որից պահանջւում է եղել հ. Հերթեանի նախագահութեամբ իւր վասնած 3500 ռ. գումարի գործադրութեան պատճառները, կանչել է իւր մօտ բանւոր Յարութիւն Ղարիբեանին և գրղել բանւորին՝ Տէր Ներսէսին ծովը նետելու:

Ծխական ժողովը կազմում է մի երրորդ արձանագրութիւն գարձեալ նոյն անձանց ներկայութեամբ և ստորագրութեամբ և Բարբէն վարդապետի նախագահութեամբ, որ ինքեանք (112) ՚ի սրտէ գոհ լինելով հ. Հերթեանի պաշտօնավարութիւնից, տալիս են

երկրորդ ընտրութեան գիր հ. քննիչին տանելու իւր հետ Սինօզ ի գիտութիւն սրբազան սինօդականների, որ ինչպէս առաջ, նոյնպէս էլ այժմ տածելով յարգանք դէպի Հերթեան բահանան իւր շիտակ և անկողմնապահ վերաբերմունքի համար դէպի բոլոր ծխականները, միաձայն ընտրած են, ընտրում են նորից և պատրաստ են նոյն իսկ իրենցից ոռծիկ տալ հ. Հերթեանին և պահել ՚շտապէս ծխատէր հովիւ:

Այնուհետև ծխական ժողովը պարզում է և այն հանգամանքը՝ թէ ինչո՞ւ իւրեանց ծխատէր քահանան գրագրութիւն է սկսել եկեղեցական կալածոց կառավարիչ պ. Զիբօլղի հետ, որի համար Քէֆչեան մեղաւոր էր գտնում հ. Հերթեանին:

Ահա յիշեալ ժողովում կարդացւած գրագրութիւնները թէ հ. Հերթեանի՝ և թէ պ. Զիբօլղի կողմից, որ մենք անհրաժեշտ ենք համարում իսկութեամբ առաջ բերելու, որպէս զի աւելի պարզ լինի Տէր Ներսէս հօր արթուն գործունէութեան բնաւորութիւնը:

Ա). հ. Հերթեանի գրութիւնը պ. Զիբօլղին:

Копія.

М.В.Д.

Настоятель

В. Срочное.

Θεодосійскихъ Армяно-

Григоріанскихъ церквей

№ 39.

Марта 24 дня 1905 г.

г. Θεодосія.

Его Высочородю Г. Завѣдывающему Имуществомъ Θεодосійскихъ Армяно-Григоріанскихъ церквей въ г. Θεодосіи г. Зибольдъ.

Согласно приказу Нахичевано-Бессарабской Армяно-Григоріанской Духовной Консисторіи отъ 18-го марта 1905 г., за № 629, честь имѣю просить Васъ въ возможно непродолжительномъ времени сообщить мнѣ слѣдующія свѣдѣнія:

1). Въ какомъ положеніи находится все отоб-

ранное въ казну недвижимое имущество, принадле-
жащее Θεодосійскимъ Армяно-Григоріанскимъ
церквямъ: какъ-то дома, магазины и проч.?

2). Какіе доходы поступили въ казну съ иму-
ществъ, указанныхъ въ первомъ пунктѣ со дня
отобрания ихъ въ казну и по настоящее время.

2). Были-ли произведены расходы на ремонтъ
или иныя нужды по содержанію и управленію оз-
наченными имуществами со дня отобрания и по
настоящее время, и если были произведены, то
какіе и въ какомъ размѣрѣ.

Настоятель церквей

Нерсесь Эртевціанъ.

Ուղիղ է իսկականի հետ՝ Ն. ք. Հերթևեան.
1906 թ. VIII-20.

(Թարգմանութիւն),

Պատճէն:

Ն.Ն.Գ.

Աւագերէց

Յոյժ կարկոր:

Թէօդօսիայի Հայ-Լուսա-
ւորչական եկեղեցիների:

Նորին Բարեձնութեան պ.
Կառավարչի Թէօդօսիայի Հայ-
Լուսաւորչական եկեղեցիների
գոյքերի Զիրօլիին՝ Թէօդօսի-
այում:

№ 39.

Մարտի 24, 1905 թիւ.
ք. Թէօդօսիա.

Նոր-Նախիջևանի և Բեսարաբիայի Հայ-Լուսա-
ւորչական Հոգևոր Կոնստանտնուպոլիսի հրամանի համա-
ձայն որ 'ի 18 մարտի 1905 ամի թիւ 629, պատիւ
ունիմ ինգրեյու Չեզ, որքան հնարաբաւոր է՝ կարճ
ժամանակում յայտնելու ինձ հետևեալ տեղեկութիւն-
ները:

1). Ի՞նչ գրութեան ներքոյ են գանուում պե-
տութեան գրաւած Թէօդօսիայի Հայ-Լուսաւորչական
եկեղեցիներին պատկանած բոլոր անշարժ կայքերը,
որպիսիք են՝ աններ, մագազիններ և այլն:

2). Որպիսիք եկամուտներ է մտել արքունի գան-

ձաարն կարածքներից (առաջի պունկտում յիշած)
նոցա գրաւման օրից՝ և ներկայ ժամանակում:

3). Եղել են ծախքեր յիշեալ կարածքների վե-
րանորոգութեանց, պահպանութեան, վարձադրութեան
և այլ կարիքների համար, գրաւման օրից՝ և ապա
ներկայ ժամանակում. և եթէ եղած են՝ որպիսիք և
որքան:

Աւագերէց եկեղեցիների՝

Ներսէս Հերթևեան

Ուղիղ է իսկականի հետ՝ Ն. ք. Հերթևեան.
1906 թ. VIII-20.

Իսկ պ. Զիրօլիի գրութիւն պատասխանը հետև-
եալն է:

Копія.

М.З.иГ.И.

Лѣсничій
Θεодосійскаго

Опытнаго

Горно-Культурнаго
Лѣстничества

Марта 26 дня 1905.

№ 63.

г. Θεодосія.

Г. Настоятелю Θεодосій-
скихъ Армяно - Григоріан-
скихъ церквей.

Вслѣдствіе отношенія отъ 24-го се-
го марта за № 39, имѣю честь увѣ-
домить Васъ, Милостивый Государь, что
Ваша просьба не можетъ быть удовлет-
ворена, такъ какъ я не уполномоченъ
своимъ начальствомъ сообщать кому
бы то не было свѣдѣнія объ Армяно-
Григоріанскихъ имуществахъ.

Старшій зав. Лѣсничій Зибольдъ.

Իսկականի հետ ուղիղ է Ն. ք. Հերթևեան.
1906 VIII-20:

Պատճէն.

(Թարգմանութիւնը).

Երկրագործութեան՝ և
Կայսերական կալածոց
Նախարարութիւն:

Անտառապետ՝

Փորձառու Լեոնային
մշակութեան անտառա-
պետութեան:

Թէօդօսիայի Հայ-Լուսա-
ւորչական եկեղեցիների Տ.
Աւագ երիցուն:

Մարտի 26, 1905 թ.

№ 63.

ի Թէօդօսիա:

Ի հետևումն Ձեր մարտի 24-ի թիւ
39 գրութեան՝ պատիւ ունիմ յայտնելու
Ձեզ, ողորմած տէր, որ Ձեր խնդրածը՝ չի
կարող բաւարարուել, որովհետև ես իմ իշ-
խանութիւնից չունիմ լիազօրութիւն ովկու-
ղէ լինի՝ տալ տեղեկութիւն Հայ-Լուսաւոր-
չականների կայքերի վերաբերմամբ:

Անտառապետ և գլխաւոր կառավարիչ՝ Զիբօլ՝դ:

Իսկականի հետ ուղիղ է՝ Ն. ք. Հերթեցեան.
1906. VIII-20.

Առ այս, հ. Հերթեցեան՝ այլ ևս պատասխան
չի գրում յիշեալ անտառապետին, այլ նրա գրու-
թիւնը՝ (իսկականը) և իւր եկեղեցիների երէցփոխի
գրութիւնը՝ յայտարարութեամբ ներկայացնում է
Քիշնիի Կոնսիստորիային՝ գրելով հետևեալը:

«Ի վիճակային Կոնսիստորիայն Հայոց Նոր-Նա-
խիջևանի և Բեսարաբիոյ:

Թէօդօսիայի Հայ-Լուսաւորչական
եկեղեցիների քահանայից՝

Յայտարարութիւն:

«Համաձայն վիճակային հոգևոր Բարձր Ատենիդ
հրամանագրութեան, որ ՚ի 18 ամսոյս թ. 629, ստա-
նալ անյապաղ ճիշտ տեղեկութիւն մեր եկեղեցական
գրաւած շարժական և անշարժ կայքերի մասին, թէ
ի՞նչ վիճակումն էին գտանուում կայքերը՝ զբաւելուց
առաջ և յետոյ, առաջադրեցի եկեղեցիներիս պ. երէց-
փոխին տալու գրաւոր իւր ունեցած տեղեկութիւն-
ները:

Երէցփոխի տեղեկութիւնը լրացուցիչ չէ, ուստի
ճիշտ տեղեկութիւն ստանալու համար, պաշտօնապէս
խնդրեցի քաղաքիս անտառապետ պ. Զիբօլ՝դին, որի
խնամոցն է յանձնուած մեր եկեղեցական կայքերի
կառավարչութիւնը, տալու ինձ լրիւ տեղեկութիւն:

Պարոն Զիբօլ՝դ, իւր № 63 պատասխանագրու-
թեամբ յայտնում է, որ չունենալով իւր կառավա-
րութիւնից հրահանգութիւն, ուստի չի կարող և ոչ
ոքի տալու տեղեկութիւն Հայ-Լուսաւորչական եկեղե-
ցու ստացւածքի մասին:

Յղելով ընդ սմին թէ երէցփոխի № 1 յայտա-
րարութիւնը և թէ Զիբօլ՝դի գրութիւնը, շնորհ ունիմ
խոնարհաբար խնդրելու Ատենիդ առանձին ուշադրու-
թիւնը՝ վերջինս պատասխանի աւթիւ:

Քանի զեռ Բարձրագոյն հրամանով մեզանից
խլած չէ մեր եկեղեցական կալածքների սեփակա-
նութեան իրաւունքը, օրինական տեսակէտով ոչ մի-
այն տեղեկութիւն տալը պիտի դժւարանան մեր կալ-
ւածքների սնտես ոռւս կառավարութեան վարիչնե-
րը, այլ թէ նոքա պարտական են իւրաքանչիւր տա-
րի՝ իւրեանց գործառնութեանց հաշիւ ներկայացնե-
լու գոնէ վիճակային Ատենիդ իբր սեփականատիրոջ,
չ՛սպասելով իսկ թէ հայոց եկեղեցական թեմական
իշխանութիւնը կ'ընդունէ այդ հաշիւները՝ թէ՛ ոչ:

Անտառապետ Զիբօլ՝դի գրութիւնը լինելով մինը
գեղեցիկ փաստերից՝ թէ ի՞նչպէս ծածկուում է մեր

աչքերից մեր սեփականութիւնը, խոնարհաբար կ'իւրնդ-
րէի, պ. Զիբօլ'ի գրութիւնը, ուշադրութեան արժա-
նի խնդիր դարձնելուց յետոյ, ուղարկէիք 'ի տես և
ի սնորէնութիւն Երկրագործական և Կոյսերական
կարածոց նախարարութեանց»:

Ներսէս քահանայ Հերթեցեան:

1905 թ. 28 մարտի.

Թէօօսիա:

№ 41.

Այս գրութիւնները ընթերցումից վերջը, հեռա-
նում է նախագահ վարդապետը և ժողովը արձակ-
ւում է:

Հայր Հերթեցեանին առաջարկում է քննիչ Բար-
զէն վարդապետի կողմից՝ կրկին վերագտնալու Ս.
Խաչ: Եւ որովհետև ընտանեկան այդ գզալի դժբախ-
տութեանց պատճառով հ. Հերթեցեանի կինը հիւանդ
է լինում, ուստի Տէր Ներսէսը այդ յայտնի պատճա-
ռով չի կարողանում 'ի կատար անել «կատարած»
վարդապետի պահանջը:

Վարդապետը իսկոյն ներկայանում է գեներալ
գուբերնատորին և գեկուցանում է, որ ինքը արդէն
իւր քննութիւնը վերջացրել է և առաջարկել քահա-
նային վերագտնալու Ս. Խաչ ց'որ կարգադրութիւն:
Բայց քահանան դժկամակելով՝ չի ուզում կատարել
իւր կարգադրութիւնը: Գեներալ նահանգապետը, ո-
րին յայտնի էին արդէն քահանայի վիճակը և ընտա-
նեկան գրութիւնը՝ թէև խօստանում է Սինօղի ան-
դամ և քննիչ Բարզէն վարդապետին ի կատար անել
նորա խնդիրը, բայց իբրև մարդ՝ և ոչ թէ վարդա-
պետ, ձգձգում է հետամուտ լինելու խնդիրը ուղիղ
20 օր:

Ժողովրդի գրութիւնը դէպի լաւն է փոխուում:
կարծելով, որ զինուորական իշխանութեան կողմից
այլ ևս վանդ չի կարող սպասել, կրկին ծխական
ժողով են գումարում և արձակում «աղա» հոգաբար-
ձուներին, և դիմելով առաջնորդին, խնդրում են

յեւ ուղարկել Սաբաշեան երէցփոխի «ծածուկ» կեր-
պով Կոնստանտնուպոլիս գրկած հաշեմատեանը, քննելու
1905-906 թ. հաշիւները՝ և թէ Բարզէն աղա-վար-
դապետի ծախքերը: Աղաները, երէցփոխը և գեներալ
Ներսէս Մագիրեան նորից են թակում նահանգապետի
դուռը...:

Նահանգապետը՝ («Քերցիկ» անունով) ուղղակի
զգւելով այդ ստոր մարդկանց ոտնձգութիւններից,
կանչում է իւր մօտ բոլոր «աղա» հոգաբարձուներին
և խիստ յանգիմանում, որ շարունակ դոքա իւր հան-
գապութիւնը խանգարելով՝ ուղղակի շճեցրել են ի-
րեն: Նոյն յանգիմանութիւնը կարգում է նաև բողո-
քող ժողովրդի ներկայացուցիչներին, որոց թւում
աչքի էր ընկնում Կոստանդին Արութեանը:

Չեն խրատում այդ յանգիմանութիւնից «աղա-
ները» և վրայ է հասնում Բեսարաբիայի առաջնոր-
դի «կրկնակի» բողոքը, որը միանում է աղաների
ուժգին բողոքի հետ և գեներալ Մագիրեանի կնոջ
(ուսու կին) միջոցով՝ իւր բարեկամ նահանգապետ
Քերցիկին է արւում:

Բողոքը նոր բան չէր. դարձեալ Տէր Ներսէսի
արաքսելու հարցն էր: Կատարում է այդ նոր «Նե-
րովկիատայի» խնդիրը՝ և գեն. նահանգապետը վեր-
ջին անգամ ևս դիմում է էջմիածին Սինօղ՝ հ. Հեր-
թեցեանին հեռացնելու: Բայց այդ ժամանակ հաս-
նում է Վեհափառ Հայրիկի սփոփող հեռագիրը թէ
Տ. Ներսէսին և թէ նահանգապետին, որ 'ի նկատի
ուղենալով քահանայի ընտանեկան գրութիւնը, հրա-
մայում է Տ. Ներսէսին մնալ Թէօօսիա ընտանեաց
վիճակը խնամելու:

Պարզ բան է, որ այս սնորէնութիւնը չէր կա-
րող դուր գալ թէ գեն. նահանգապետին, թէ «աղա-
ներին», թէ առաջնորդ Ներսէս արքեպիսկոպոսին՝ և
թէ քննիչ Բարզէն վարդապետին, որը դարձեալ չէր
բաժանում իրեն համար «Մուհամմէտի գրախո»
դարձած Թէօօսիայից:

Ուստի սոցա միախորհուրդ, միասիրտ ցանկութեամբ, գեներալ նահանգապետը՝ դիմում է ներքին գործոց նախարարին, բողոքելով Ամենայն Հայոց Կաթողիկոսի կարգադրութեան դէմ:

Այդ միջոցներում՝ օր ցերեկով սպանում է Տ. Ներսէսի կուսակից միակ հարուստ մարդը՝ այն է Կ. Մ. Արուսեան, որը ազաների աչքի փուշն է եղել:

Իսկ Բաբգէն վարդապետի «ծովային» և մթնշող երեկոների որսորդութեանց քաջարի գործերի լուրը հասած լինելով Վեհ. Կաթողիկոսին՝ Վեհափառը հեռագրով պատելիւրում է քննիչ վարդապետին շտապով վերադառնալու էջմիածին:

Բաբգէնը անուշաղիր է թողնում Վեհի հրամանը: Երբորդ հեռագիրն արդէն լինում է գեներալ նահանգապետի անունով, անմիջապէս ճանապարհել դէպի էջմիածին քննիչ Բաբգէն վարդապետին, Հերթեցեան բանակային և երէցփոխ Սուբաշեանին: Բաբգէն վարդապետը իսկոյն գնում է Նալտա, իբր լրացուցիչ քննութիւն կատարելու, իսկ Թէօդօսիայում պրիտաւը հեռագրական հրամանը ձեռին Բաբգէն է որոնելիս եղել՝ յայտնելու նրան, որ վերադառնայ էջմիածին: Հայր Ն. Հերթեցեանը անմիջապէս ճանապարհւում է էջմիածին, կնոջը և երեխաներին տանելով Ստաւրօպօլ իւր աներոջ մօտ: Բայց Սուբաշեան Նիկողայոս երէցփոխին՝ Սուղավէրտեան առջնորդը պահպանում է կեղծ ու պատիր հեռագրերով յանուն Կաթողիկոսի, որպէս թէ Սուբաշեան հիւանդ է: Այն ինչ, Սուբաշեան լինում է իւր կալածքում և քէֆերի հետ:

Հայր Հերթեցեանի էջմիածին եղած միջոցին՝ Ամենայն Հայոց Վեհափառ Կաթողիկոսը ստանում է նախարարապետ Պ. Ա. Ստօլիպինից՝ օգոստոսի 22-ից զրւած № 4271 հետեւեալ գրութիւնը Տէր Ներսէսի վերաբերմամբ:

Копія.

Министръ
Внутреннихъ Дѣлъ.

Ваше Святѣйшество
Милостивый Архипастыр!

Вслѣдствіе возбужденнаго Временнымъ Генералъ Губернаторомъ гор. Феодосіи ходатайства объ отозваніи и устраненіи отъ должности настоятеля Феодосійскихъ Армяно-Григоріанскихъ церквей священника Нерсеса Эртевціана, въ виду крайне вреднаго направленія его дѣятельности, вызвавшей возмущеніе среди Армянскаго населенія города и распространившейся на войска мѣстнаго гарнизона, Эчміадзинскимъ Синодомъ было сдѣлано распоряженіе объ устраненіи означеннаго священника отъ должности съ заключеніемъ въ монастырь Свят. Креста въ гор. Нахичеванѣ н-Дону. Но по телеграммѣ Вашего Святѣйшества, Нерсесъ Эртевціанъ вернулся въ Феодосію.

Имѣя въ виду, что устраненіе означеннаго священника Эчміадзинскимъ Армяно-Григоріанскимъ Синодомъ, обязаннымъ наблюдать за дѣйствами подчиненныхъ ему должностныхъ лицъ, послѣдовало на точномъ основаніи дѣйствующаго закона (ст. ст. 1141, 1146 устав. иностр. исповѣд.) я считаю необходимымъ обратиться вниманіе Вашего Святѣйшества на то, что распоряженіе Ваше о возвращеніи означеннаго духовнаго лица въ мѣсто, гдѣ прибываніе его признано Прави-

тельств. властью вреднымъ. не можетъ быть признано соотвѣтствующимъ Государственнымъ интересамъ, ибо оно создастъ для Правительства затрудненія въ борьбѣ его съ проявленіями революціоннаго движенія.

Поручая себя Архипастырскимъ молитвамъ Вашимъ, имѣю честь быть Вашего Святѣйшества

Покорный слуга П. А. Столыпинъ.

21 Августа 1906 г.

Въ С. Петербургѣ

За № 4271.

Իսկականի հետ ճիշտ է. Ն. ք. Հերթեցեան: 1906 թ. Դեկտեմբ. 25.

(Թարգմանութիւն).

Պ ա տ Ճ է ն .

Նախարար՝
Ներքին գործոց.

Ձերդ Սրբութիւն՝
Ոգորմած Հովապետ!

Ի հետևումն թէօգօսիա քաղաքի ժամանակաւոր գեներալ նահանգապետի յարուցած միջնորդութեան, յետ կանչել թէօգօսիայի Հայ-Լուսաւորչական եկեղեցիների երէց Ներսէս քահանայ Հերթեցեանին և հեռացնել պաշտօնից, նորա չափազանց վրասակարուղղութեան և գործունէութեան համար, առաջ բերելով խոսովութիւն քաղաքի հայ բնակիչների մէջ և տարածելով տեղական քաղաքապահ գորքի մէջ, էջմիածնի Սինօզով կարգադրւած է եղել յիշեալ քահանային պաշտօնից հեռացնելով փակել Դօնի վերաի Նախիջևան Քաղաքի Ս. Խաչ վանքում. բայց, Ձերդ Սրբութեան հեռագրի համաձայն, Ներսէս Հեր-

թեցեան վերադառնում է Թէօգօսիա:

Ի նկատի առնելով, որ յիշեալ քահանայի հետացնելը էջմիածնի Հայ-Լուսաւորչական Սինօզով, որ պարտական է վերահսկել իրեն ենթարկւող պաշտօնակատար անձանց գործունէութեան, հետևած է գործադրւող օրէնքի ճիշտ հիման վերայ (Յօդ. յօդ. 1141, 1146, կանօն. օտար դաւանութեանց):

Ես համարում եմ կարևոր՝ Ձերդ Սրբութեան ուշադրութիւնը դարձնելու այն բանին, որ Ձեր կարգադրութիւնը՝ յիշեալ հոգևոր անձին վերադառնալու այնտեղ, ուր նրա լինելը կառավարչական իշխանութեան կողմից վնասակար է ճանաչւած, չի կարող համապատասխանել Պետութեան շահերին, որովհետև նա կստեղծէ կառավարութեան համար դժւարութիւն՝ երևան եկած յեղափոխական շարժման դէմ կուռելու գործում:

Յանձնելով ինձ Ձեր Հովապետական աղօթից պատիւ ունիմ լինել Ձերդ Սրբութեան խոնարհ ծառայ՝ Պ. Ա. Ստօլիպին:

21 օգոստոսի 1906 թ.

Ս.-Պետերբուրգ.

№ 4271.

Իսկականի հետ ուղիղ է. Ն. ք. Հերթեցեան: 1906 թ. դեկտեմբերի 25.

Այդ նոյն պարագայում, էջմիածնի Հայ-Լուսաւորչական համարւած Սինօզը սկսում է շոյել նախարարապետի քմահաճոյքը, մոռացութեան տալով միշտ կարևոր և էական խնդիր: Ուշադիր ընթերցողը անշուշտ մոռացութեան չէ տուել նախարարապետ Ստօլիպինի մեղադրական գրութիւնը Ամենայն Հայոց կաթողիկոսին, որ իբր վեհափառ Հայրապետը՝ հակառակ Սինօզի որոշման Հերթեցեան քահանային Ս. Խաչից վերադարձրել է թէօգօսիա: Բայց այդ անգին սուտը, մերկացնելու ընդունակութիւն և ճիշտը

չունեցան գերապայծառ Մինօղականք, չ'նայած որ իւրեանց ձեռքին կար դրական փաստ, որով նորա կարող էին և նոյն իսկ պարտական էին յայտնելու նախարարապետին, որ թէօգօսիայի ժամանակաւոր գեն. նահանգապետ Գերցիկ՝ իւր բարձր իշխանութեանը մոլորեցրել է կեղծ դօնօսներով, սուեր ձգելով Ամենայն Հայոց ծերունագարդ քահանայապետի անւան և գործունէութեան:

Որ վեհափառ Կաթողիկոսը Տէր Ներսէս քահանայ Հերթեցեանին ոչ գրաւոր և ոչ էլ հեռագրով թոյլ է տուել և կամ հրամայել Ս. Խաչից վերադառնալու թէօգօսիա, դա պարզ էր քննիչ Մինօղի անգամ Բաբգէն վարդապետին՝ և ապա Մինօղականներին, որոնք սկսել էին շարաթներով պահել իւրեանց մօտ քննական գործը, այնտեղ անշուշտ նկատած կ'լինէին, որ Ներսէս քահանայ Հերթեցեանին Ս. Խաչից թէօգօսիա գնալու համար թոյլ է տուել թէօգօսիայի ժամանակաւոր գեներալ նահանգապետ Գերցիկը՝ իւր № 104 Մայիսի 21-ի գրութեամբ՝ ի պատասխան քննիչ Բաբգէնի № 7, մայիսի 19-ի տեղեկագրութեան: (Տես Մինօղ. քնն. գործում): Իսկ վեհափառ Կաթողիկոսի հեռագրական անօրէնութիւնը լինում է յունիսի 4-ին, այն պարագայում, երբ Տ. Ներսէսի ընտանիքը հիւանդ գրութեան ներքոյ տառապելիս է եղել որդու մահւան առթիւ, և «բարեխիղճ» քննիչ Բաբգէն վարդապետն սկսել է պահանջել հայր Հերթեցեանից վերադառնալու Ս. Խաչ, Տէր Ներսէս՝ հեռագրով խնդրում է վեհափառին թոյլ տալ իրեն առժամանակեայ մնալու հիւանդ ընտանեաց մօտ, վեհափառը՝ անօրինում է հեռեւալը այս հեռագրով, իսկականը քննիչ Բաբգէնին, իսկ պատճէնը հայր Հերթեցեանին:

«Изъ Эчміадзіна № 16 Θεοδοсіу.
 Копія Эртевціану.
 Его Святѣйшество повелѣлъ разрѣшитель священнику Эртевціану остаться Θεοδοсіи попеченіи»

семейства.

За правителя Канцеляріи
 Архимандритъ Тачать».

(Թարգմանութիւն).

«Էջմիածնից № 16, թէօգօսիա.

Պատճէնը Հերթեցեանին:

Նորին Սրբութիւնը հրամայեց թոյլ տալ Հերթեցեան քահանային մնալու թէօգօսիա, ընտանիքը խնամելու համար:

Դիւանի կառավարչի փոխարէն՝

Տաճատ վարդապետ»:

Սրանից տասնձին, Մինօղը՝ դեռ պատիժ էլ է նշանակում Հայր Հերթեցեանին, ուղարկելու Սեան երեք ամիս ապաշխարելու:

Հետաքրքիր է և յատկապէս ուշադրութեան արժանի Մինօղի այդ պատմական հոգեբանութիւնը, որով նա ղեկավարել է իւր գոյութեան օրից ց'ներկայս, քահանաներին պատժելու խնդրում:

Տէր Ներսէսին պատիժ նշանակելու շարժառիթները հետևեալներն են.

1) — որ Տէր Ներսէս՝ 1906 թ. յունվարի 3-ի, թէօգօսիայի ծխական ժողովի որոշմամբ, ուր նախագահ է լինում պ. Յ. Թերզեան, յանձն է առնում ի կատար ածել 90 տուն ծխականների խնդիրը, այն է, յունվարի 5-ին, 6-ին և 7-ին եկեղեցիները չ'փակել և չ'թոյլ տալ ժողովրդականներին ուսու կամ յոյն եկեղեցում լսելու Ծննդեան և կամ Մկրտութեան տօների հանդիսաւոր ժամերգութիւնը, այլ մայրենի հարազատ եկեղեցում լինել և հոգեպէս մխիթարել, ուստի և հայր Հերթեցեան*), չ'նայած որ թեմական առաջնորդի կողմից բանադրանքի է մասնակցել, զիջա-

*) Թեմ առաջնորդը հ. Հերթեցեանին արգելելով, երկրորդ քահանայ չէ զրկել թէօգօսիա՝ ուստի և 4 եկեղեցիները փակ են եղել: Ծան. հեղ.:

ներով ժողովրդի գրաւոր երաշխաւորութեան, բայց է անուժ փակւած եկեղեցւոյ դռները և տարեկան այդ յայտնի տօները կատարում՝ մխիթարանք պատճառելով հալածւած և տանջւած ժողովրդականներին:

Սինօզը՝ ի նկատի ունենալով, որ Տէր Ներսէսը թէև ունի երաշխաւորութիւն ծխականներից, որոնք գրում են, որ մենք ենք առնում պատասխանատուութիւնը մեզ վերայ՝ և մենք ենք յատկապէս պահանջել, որ ծխատէր քահանան այդպիսի հրաշալի օրերում չ'թողնէ մեր եկեղեցին փակ և կատարէ եկեղեցական արարողութիւնները, բայց և այնպէս որոշում է, «գտնել Ներսէս քահանայ Հերթեցեանին մեղաւոր, իւր թեմական իշխանութեան հրամանը չ'կատարելու գործում»:

Ահա այստեղ բացւում է Սինօզի հոգեբանութեան բոլոր հանգոյցները:

Ի՞նչ է ասում Սինօզը?

— Էջմիածնի Սինօզը վճռում է, որ իրեն համար գոյութիւն չունի հայ ժողովուրդ՝ և ժողովրդի կամք:

Ամեն ինչ, օրէնք, կարգ, կանոն, կամք և ցանկութիւն՝ «ի ձեռս առաջնորդաց է»: Եւս առաւել, որ այդ առաջնորդը Բարձրագոյն հաճութեամբ հաստատւած է... վերջացաւ ամեն ինչ: Ոչ թէ միայն 90 տուն ծխականներ, այլ նոյն իսկ հազար 90 տուն լինին, դարձեալ խօսքը առաջնորդինն է. հետևապէս հետևել ժողովրդին, թողնել առաջնորդներին, այդ արդէն սրբապղծութիւն է և օրինազանցութիւն: Եւ ահա այդ օրինազանցութեան համար հայր Հերթեցեան կրկին մատնւում է դատապարտութեան:

2-րդ շարժառիթը՝ այն է, որ Ներսէս քահանայ Հերթեցեան, երբ ծխականները թողած հին և առաջնորդից հաստատւած երէցփոխին, դպրոցում նոր երէցփոխան են ընտրելիս եղել, հայր Հերթեցեան՝ նպաստել է ժողովի նպատակին իւր ներկայութեամբ: Սակայն նա, Հերթեցեան քահանան, փոխանակ աշ-

խատելու, խափանելու այդ ժողովը՝ (այսինքն ոստիկանութեան դիմելու, այլապէս քահանան ինչպէս պիտի խափանէր ժողովը, նամանաւանդ, որ զա ծխի լի ու լի իրաւունքն է եղել) ներկայ է գտնուել: (Տես 1906 թ. Հոկտեմբերի № 42-րդ քննիչ Բարեզնի տրամաբանութիւնը):

3-րդ, անարգար քննիչի դէմ բողոքելիս, գործ է դրել սուր ոճ:

Ուստի որոշում են հ. Հերթեցեանին ուղարկելու Սևան՝ երեք ամսեայ ապաշխարանքի, որ խելքը գլուխը հաւաքի՝ և ճանաչէ իւր իշխանաւորներին՝ և որ վլխաւորն է՝ թէ ո՞ւմ հետ գործ ունի:

Սակայն վեհափառ Հայրապետը, որոշում է Հ. Հերթեցեանին ուղարկել Նոր-Նախիջևանի Ս. Խաչ վանքը: Այստեղ ևս վեհի խօսքը քարին է կպչում: Առաջնորդ Խուզավէրդեանը և վանահայրը կամք չեն տալիս, որ Հերթեցեան լինի Ս. Խաչ վանքում: Չ'նայած հայր Հերթեցեան երիցս անգամ խնդրած է եղել վեհին շուտով անօրինակ իւր Ս. Խաչ գնալու մասին, բայց Բարձրագոյնս հաճութեամբ հաստատւած առաջնորդ Խուզավէրդեան վեհափառի երեք հրամանների նշանակութիւն չի տալիս՝ և հայր Ներսէս մտնում է Ստաւրօպօլում վեց ամիս շարունակ՝ երբեմն երբեմն մխիթարելով տեղական հայ հօտին իւր ոգելից և իսկապէս զեղեցիկ քարոզներով, մխիթարելով նաև իւր բարեկամներից:

Սինօզը մոռացութեան է տալիս Քիչնևի առաջնորդի կամայական և բռնակալ արարքները, ժողովրդի հոգեկան հանգստութիւնը ամիսներ շարունակ վրդովւող ազա երէցփոխի և հոգաբարձուների գեղձումները, որից առժելով տուժում են թէօզօսիացիք:

Բայց սվքեր օգաւեցին հասարակաց փողերից, զանազան նպատակաւոր ճանապարհորդութիւններով:

— Օգսեւախօս քահանայ Կոպչէկճեան, Բենիկ վարդապետ, Կօնսիսաօրիս և քննիչ Բարեզնի վարդապետ:

Իսկ ունի է անիծում այսօր Թէօդօսիան, Եալ-
տան, Ղարասուբագարը, Օրբագարը, Ղրիմը և Սիմ-
ֆերօպօլը:

— Հայ երկրի «սեպուխ հոգևորականներին»
որոնք ներկայիս աւելի քան մի այլ ժամանակ, բա-
մել և ծծում են ժողովրդի կեանքի «ծուծն ու ու-
ղեղը», դարձնելով նրան անձեռնհաս քննադատելու
կեանքը իւր պարզ ու բարզ հանգամանքներով:

Եւ դեռ կան մարդիկ, որոնք աշխատում են ա-
պացուցանել, որ հայոց եկեղեցին գերի չէ ամբար-
տաւան կղերականների ձեռքին և կամ մեր եկեղե-
ցին ազատ է կղերական դասակարգից:

Իսկ մենք՝ և մեզ հետ ամբողջ Ղրիմի թերակղզ-
զին, Բեսսարաբիայի թեմը՝ բողոքելով ասում ենք:
«Մեր պատմական հիւանդութիւնը՝ հայ թշուառ և ան-
արժան հոգևորականների շնորհիւ, այսօր բեղմնաւո-
րելով՝ փղձկանքի վերջին թափով դուրս է վիժել սև
հիւանդութեան մարմնացած էակներ ապականելու
մեր անբաղձ վիճակը և կեանքը, որոնց տեսել ենք և
ձանաչել «Նահապետ», Խուրապէրդեան, Բենիկ ու
Բարգէն և մատաղ Յուսիկ անուններով»:

Եւ որպէս զի մեր ասելիքը չ'իսի ենթադրու-
թիւն, մենք առաջ կ'բերենք շատ օրինակներից մի-
այն երկուսը՝ ցոյց տալու համար թէ որքան զգուշ է
Քիչնեի թեմակալից իւր թեմի հայ ժողովուրդը՝ և
կամ Բենիկ վարդապետը իւր կէս տարւայ պաշտօ-
նավարութեան շրջանում ինչ պատիւ և ինչ անուն
է ժառանգել Ղրիմի ժողովրդի գիտակցող բաժնից:

Ընթերցողը կարգացել է և գիտէ Թէօդօսիացի-
ների բողոքը՝ և Ռոստովից ու Հնչեշտից գրւած նա-
մակները. այժմ արտատպենք առաջ Ղարասուբագա-
րի թղթակցութիւնը և յետոյ Սիմֆերօպօլիները:

ա. (Տես «Մշակ» 1906 թ. № 230):

«Նամակ Ղարասուբագարից:

Հոկտեմբերի 12.

«Մշակի» № 215-ում տպած Քիչնեից այն տե-

ղեկութիւնը, որ բողոք է գնացած էջմիածին Բես-
սարաբիայի թեմակալ առաջնորդին յետս կոչելու,
կոնսիստորիայի ամբողջ կազմը արձակելու և նրանց
տեղ նոր ընտրութիւններ կայացնելու, առիթ է տա-
լիս և ինձ աւելացնել հետևեալը:

Բանիմաց հայ հասարակութիւնը՝ քաջ ճանաչում
է թեմակալ Ներսէս արքեպիսկոպոս Խուրապէրտեա-
նին, որ նա իբր առաջնորդ Ռուսաստանի մի մեծ և
պատասխանատու թեմի—որպիսին է Բեսսարաբիայի
և Նոր-Նախիջևանի թեմը՝ իր բաժան-բաժան հատ-
ուածներով և ուրոյն կեանքով, անկարող է բաւա-
րարութիւն տալ:

Ներսէս արքեպիսկոպոս Խուրապէրտեանի տա-
րիքը, կրթութիւնը և վարչական ընդունակութիւննե-
րը ևս իւրաքանչիւր հայ գիտէ, որ անհամապատաս-
խան են ժամանակակից պահանջների, ժամանակա-
կից ոգու՝ և հասկացողութեան:

Բայց ինչ է նշանակում թողնել «դանակը ու-
կրին» հասնի: Կրագրական բողոքներն ու արտունջ-
ները՝ անդադար կրկնվում են յանձին Քիչնեի առաջ-
նորդի՝ և կոնսիստորիայի ամբողջ կազմի: Սակայն
վերջիններիս խուլ արհամարանքը դէպի մամուլի ար-
դար ձայնը՝ անփոյթ վերաբերմունքը դէպի հասարա-
կական բողոքն ու արտունջները, լոկ դատափետու-
թեան է արժանի»:

Թղթակիցը կանգ առնելով Քիչնեի կոնսիստորի-
այի պատմական «մօնօպօլիս» եղածի նկատմամբ,
վերջացնում է գրութիւնը այսպէս:

«Մեզ հարկաւոր չեն այսուհետև «կաբինետում»
նստող ու հրամաններ արձակող առաջնորդներ, փո-
խանորդներ, այլ հարկաւոր են ժողովրդի մէջ ապ-
րող և գործող մարդիկ:

Ժամանակ է Ներսէս արքեպիսկոպոսին թողնել
պաշտօնը և դառնալ ա. էջմիածնում հանգստանալ:

Մեզ հարկաւոր են ժողորդասէր, վարչական ըն-
դունակութեամբ օժտված, կենդանի եռանդով լցուած

մարդիկ, որոնք գործ կատարեն ժողովրդի մէջ, առաջ տանեն նրան ժամանակի ոգով ու փայլեն իրենց կոչմամբ:

Քիչնեւի հայերը ամբողջ տարիներ բողոքում են, Միմֆերօպօլի հայերը լքված են, Ղարասուբագարի հայերը՝ «աչքալոյսի» են սպասում: Մոսկվայի, Նոր-Նախիջևանի և Պետերբուրգի հայերը՝ նոյնպէս. գոնէ վերջին պատերազմների ժողովից և նրանց մասնաւոր խօսակցութիւններից այդ կարելի էր եզրակացնել:

Ուրեմն, չ'պէտք է թողնել «դանակը ոսկրին» հասնի, պէտք է բաւականութիւն տալ հասարակութեան ձայնին, պէտք է ասպարէզը թողնել ժողովրդից ընտրած պաշտօնեաներին»:

«Նիգերագ»:

Ահա և Բենիկի «դիպլոմը»:

(Տես «Նոր-Կեանք» № 9-րդ, 1907 թ.).

Թղթակցութիւն:

Միմֆերօպօլ, փետրվարի 20.

Թղթակցութեան հեղինակը տեղական հասարակական գործիչների և գործերի մասին խօսելուց առանձին, յիշատակում է այն, որ երկար տարիներ լաւ անուն թողած և գործիչ երէցփոխ պ. Յ. Քուշնարեանը թողնում է իւր պաշտօնը ստիպւած կոնսիստորիայի նախանդամ Բենիկ վարդապետի սպառնալիքի պատճառով:

Որովհետեւ պ. Քուշնարեան սկսել էր քննադատել Բենիկի և կոնսիստորիայի նողկալի արարքները, Բենիկը սպառնացել է պ. Քուշնարեանին մատնել գետերալ նահանգապետի ձեռքը...:

Ահա և թղթակցի խօսքերը:

«Եթէ Բենիկ վարդապետը միջնագարեան իրաւունքներով օժտուած լինէր, երևի, պ. Քուշնարեանին խարոյկի վրայ այրել կ'տար միայն այն պատճառով, որ պ. Քուշնարեան համարձակուել է քննադատել արծաթի փայլից կուրացած Բենիկ վարդապե-

տին, որը փոխանակ «ժողովելու» իւր ցրուած տառապած հօար, «ցրվում է» այն, այն էլ հայրենիքից հեռու, օտար աշխարհում:

Բենիկ վարդապետ, եթէ պ. Քուշնարեանը և ուրիշները չ'մերկացնէին ձեր տմարդի վարմունքը, նոյն իսկ քարերը կ'աղաղակէին, որ դուք անարժան «հովիւներ» էք, որ դուք գառնազգեստ պայլեր էք: «Հայ ժողովուրդ», «Հայաստանեայց առաքելական սուրբ եկեղեցի» Ձեզ համար որովայն պարարտացնելու գործօններ են: Բայց արդէն ուշ է. ժողովուրդը գիտէ ձանաչել իւր «սրտացաւ» գործիչներին: Ինչ էլ Բենիկ վարդապետ, ամեն տեղ արժանի հատուցումը ստանում էք: Մի տարի չ'կայ ինչ եկել էք Բեսսարաբիայի թեմը, բայց արդէն Ձեզանից երես են դարձրել Միմֆերօպօլը, Եալթան, Արմեանսկը, Կարասուբագարը և ուրիշ քաղաքներ, բայց Իուք դեռ շարունակում էք մնալ նոյն պաշտօնում և ձեր հակառակորդներին սպառնում էք յանձնել ոստիկանութեանը, ձեր անզուսպ կրքերին բաւականութիւն տալու համար»:

«Նոր այր»:

Սորհրդածութեան նիւթ դարձնելով «սև հոգևորականների» վիճակը և նշանակութիւնը ներկայ «քսաներորդ» դարում, մենք այլ ևս չենք զարմանում դրանց արատաւոր գործերի վերաբերմամբ: Վատ ցաւով բռնւած հիւանդները մինչև վերջին շունչը արձակելը՝ սոսկալի տանջանքներ են պատճառում իւրեանց խնամողներին...: Օրհասի հասած արջերի կռիւը՝ կատաղի է լինում...: Եւ մենք այսօր տալով հայ հասարակութեան ձեռքը «սև հոգևոր կղերականների» յայտնի ներկայացուցիչների քսմանելի արարքները, աներկբայ հաւատում ենք, որ հայ հասարակութիւնը հանդիսատես կ'լինի այդ օրհասական «սևերի» կամաւոր թաղման վերջնական հանդէսին:

Ժամանակ է սթափւելու և արթնանալու և զի-

տութեան «ճարի» ու «հնարի» միջոցով չքացնել հայ եկեղեցու դասից այն ապուշ և ուրիշի դառն քրտինքով իւրեանց որովայնը լայնացնող «հաստավիզ» վարդապետներին, որոնք ոչ այլ ինչ են, բայց եթէ մի մի մարմնացած հիւանդութիւն խառնուրդ այլ և այլ հիւանդութեանց...:

Բոլորովին իզուր է և նոյն իսկ ամօթ մի կենսունակ ազգի, ինչպէս է հայը, իւր «լաւ» օրը, իւր «ուրախութիւնը», իւր դաստիարակութիւնը և իւր հոգու փրկութիւնը յուսալ նոցանից, որոնք «ուտելուց» և միմեանց տուն քանդելուց առանձին այլ ևս ոչ մի բանի պիտանացու չեն եղել՝ և չ'կան:

Հայ ազնիւ մշակը, որ մինչև այժմ անտարբեր էր իւր քրանաթոր «արտի» «սև մրուկ»-ների (որոմների) նկատմամբ, թող աչքը բանայ, «մրուկներով» լեցուն սերմացուից իւր «արան» ու անդաստանը ազատ պահէ: Այնպէս, ինչպէս պէտք է ազատել Բեսսարաբիայի Հայոց առաջնորդական աթոռը այլ և այլ թուղթերգեաններից և կամ Բենիկներից, որոնք քանց «որոմ» և «մրուկ» աւելի են սևացրել հայ եկեղեցականի՝ և եկեղեցւոյ անունն ու սրբութիւնը:

Եւ թող 20-րդ դարը անկորուստ պահէ ի ցոյց յետագայ սերնդի, որ հայ բազմաշարժար ժողովուրդը և եկեղեցին տակաւին սովոր է խնամելու և սնուցանելու իւր ծոցում Աւետարանի անւան աշակերտներ, որոնք այնքան զուրկ են առաքինութեան մի թեթև նշոյլից, որի պատճառով Հայի դարևոր եկեղեցին, ժողովրդի սրբութեան խորանը մերկացած է...: Հինաւուրց մամոսպատ քարերն են, որ կան յիշատակութիւն հայ ժողովրդի միաբան և միախորհուրդ գործերի:

Այժմ, հայ ժողովուրդը միաբանել այլ ևս չի կարող, որովհետև նա այլ ևս չի կարող հաշտել իւր «սեփհական հիւանդութեան» հետ, որի անունն է կղեր: Որտեղ ժողովուրդն է արիւնքամ լինում, այնտեղ բիւրօկրատ կղերն է պարարտանում: Եւ ոչ մի զգա-

յուն սիրտ և բանական ուղեղի տէր մարդ չի կարող մոռանալ էջմիածնի միաբան կղերի այն վարմունքը, երբ Բօրչալուի և Զանգեզուրի վիճակներում արիւնաշողախ հայը օրհասի գրկում հաց էր խնդրում, կեանք էր փնտրում, էջմիածնի միաբանութիւնը 1906 թ. որ նոր է յետ վերցրել Պետութեան գանձարանից 50,000 ռուբլին և յետոյ՝ 40,000-ը, միմեանց վերայ բաժանել էին չաղ-չաղ պատառներով: Եւ ինչո՞ւ գարմանալ թուղթերգեանի և վարձկան ընկերութեան նկատմամբ: Չէ որ դոքա ծնունդ են էջմիածնի շուրջը բոյն դրած սև կղերի, որոնք ուխտել են ատել և չքացնել ամեն մի կենսունակ հասակ, եղել է դա անհատական կամ հաւաքական խմբական, միևնոյնն է:

Երիտասարդ Ներսէս քահանայ Հերթեցեանի մատնութեան և աքսորի գործը՝ և Թէօդօսիայի հայ ժողովրդի իրաւունքների ակնյայտնի բռնաբարումը՝ մի յղկւած «սև յուշարձան է» կղերական քուրմերի անմահ գործերի:

Վ Ե Ր Զ:



50R.

« Ազգային գրադարան »



NL0160902

7022